

Novae raraeque observationes circa variarum crismum praedictionem ex pulsu, nullo habito respectu ad signa critica antiquorum: primum a F. Solano de Luque ... et a variis deinde aliis medicis, factae. Multis novis casibus et animadversionibus illustratae. Addita sunt monita quaedam generalis, de natura crismum ... / Auctore J. Nihell ... Ex Anglico Latine reddidit Wilhelmus Noortwyk ... qui et dissertationem de natura humana adjunxit.

Contributors

Nihell, James.
Solano de Luque, Francisco, 1684-1738.
Noortwyk, Wilhelm.

Publication/Creation

Amsterdam : G. Tielenburgh, 1746.

Persistent URL

<https://wellcomecollection.org/works/tnvn2qmj>

License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>



2829


E XII. p.

38761/B B

NIHELL, J.

f





47407

NOVÆ RARÆQUE OBSERVATIONES

CIRCA

VARIARUM CRISIUM
PRÆDICTIONEM

E x

P U L S U

NULLO HABITO RESPECTU
AD SIGNA CRITICA

A N T I Q U O R U M :

P R I M U M A

FRANCISCO SOLANO DE LUQUE,

*Antequeræ in Hispania novissime Practico , &
a variis deinde aliis Medicis , factæ . Multis
novis Casibus & Animadversionibus
illustratæ .*

Addita sunt MONITA QUÆDAM GENERALIA ,
de Natura Crisium ,

Earumque apud ANTIQUOS Consideratione , &
apud MODERNOS Neglectu .

A U C T O R E

JACOBO NIHELL , Med. Doct.

Ex Anglico Latine reddidit

WILHELMUS NOORTWYK , M.D.

Qui & Dissertationem de Natura Humana adjunxit.



AMSTELÆDAMI
APUD GERARDUM TIELENBURGH , 1746.





WELLCOME LIBRARY
HISTORICAL MEDICAL LIBRARY



P R A E F A T I O I N T E R P R E T I S.



ARS LONGA, VITA BREVIS. Verissimum, notissimumque effatum Hippocratis, quod nemo rerum gnarus negat, adfirmat quivis. Sed, licet de absoluta Aximatis illius veritate plane convicti simus omnes, ita nihilominus agimus, ac si e diverso ARS BREVIS, VITA LONGA, foret. Gravis profecto, & humanæ rationi omnino contrarius error! Artem jam inde difficilem ipsi etiamnum difficiliorem efficimus. Sapientiores olim Proavi uni sese idiomati astrinabant, unaque Scientiis dicata lingua, si quid utile detexissent, communicabant Publico, cunctis Nationibus profuturi. At hodie materno fere quilibet idiomate scribit, haud aliter quam si suæ tantummodo Patriæ viveret, &, quod universo Orbi commune esse oportuerat, bonum Exteris invideret. Hinc

nescit *Italus*, quid *Gallus* observaverit, nec *Gallis* iterum *Anglorum* inventa profundunt; nisi molesto opere linguas alienas addiscere, ac, utilioribus saepe studiis relictis, ad prima denuo Literarum rudimenta regredi, sicque repuerascere præoptarint. Hoc autem quam injundum sit plurimis, vel inde patet, quod vix centesimus quisque tædia hæc devorare valeat. Hisce laboribus facile nos invicem possemus eximere, si ad antiquam (quod sperare vix ausim) universalem Linguam rediremus. Quo facto longe melius haud dubie Humano Generi consultum foret. Innumeris Hominum miseriis medela petitur: sed optimi qui que Medici ingeminant: QUANTUM EST, QUOD NESCIMUS! Ulterius igitur perpolienda Ars: idque longe optime exsequemur, si omniam extraneo liberemus onere, &, quod jam descendis linguis nequicquam consumendum est, tempus fructuosioribus studiis impendamus. Communis omnium miseria est; communem itaque contribuamus operam; & faciles mutuo imperfiamur nostra. Sic spes est, multo magis provehendam Scientiam, quam si inutili velo plurimorum, aliunde licet capacissimorum, oculis obtegatur. Memorabilis ad rem nostram in Sacris Paginis* historia

* Genes. Cap. XI.

ria legitur : Construebant Turrim Babel ;
crescebat moles , quamdiu una lingua lo-
querentur Artifices ; his vero multiplica-
tis , statim subsistit tota : manifesto indi-
cio , quantum linguarum varietas ope-
ris cujuscunque incremento noceat . Cer-
tissimum utique Deus ipse quondam im-
pedimentum censuit ; & luculentissimo
harum Observationum testimonio de ea-
dem adhuc hodie veritate convincitur .
Eas olim ante annum 1737. SOLANUS edi-
derat ; sed , *Hispanicō* idiomate conscrip-
tæ , intra ejusdem Regionis limites suf-
focatæ sunt ; donec in NIHELLII ibidem ,
favente casu , degentis manus incide-
rent : qui ad breve compendium redu-
ctas secundo deinum prælo , anno 1741.,
tradidit . Sed quotusquisque est , cui id
etiam , diu admodum , vel ipso nomine
notum fuit ? & cur ? nisi quod *Anglico*
idiomate conscriptum esset ? Interim rem
sane gravissimam continet , & pro Hu-
mani Generis salute , si quæ unquam fuit ,
inquisitione dignissimam . Quinque jam
elapsi sunt anni , ex quo prodit libel-
lus iste . Ecquid , obsecro , tanto tempo-
re profecimus ? Quotquot aut de Opuscu-
lo hoc , aut de re ipsa generali solum-
modo sermone meminerunt , vel unus est , vel
nemo . Tantum abest , ut aliquod adeo
memorabili negotio incrementum acces-

serit. Atque ita pulcherrima saepe inventa semisepulta latent, nec ad illam, quam cæterum acquirerent, perfectionem unquam forte deducuntur. Felicius haud dubie successisset, si, communi lingua, non suis tantum credidisset Auctor tanti ponderis negotium, sed omnium etiam Exterorum diligentiae commendasset. Quidquid sit, merito saltem major inde spes haberi potest. Quapropter in animum induxi, *Anglicum* hunc libellum interpretando, periculum facere, numquid ea ratione majori in posterum Rei publicæ emolumento serviat. Qua de re nullus dubito. Multa certissime in Opusculo hoc fide majora deprehendet Lector: sed solidis adeo testimoniis confirmata, ut vel hæc credenda sint, vel prorsus nihil. Judicabit quisque, an vera dixerim, postquam pervolvit totum. Nullis ego adminiculis animos præoccupare velim. Legant Medici, examinent, concludant. Unum dixero (quod, si quam in Republica Medica fidem merui, amovendis forte præmaturis, quæ incredibilis adeo res prima fronte certo certius offeret, præjudiciis servire posfit), me aliqua de ejusdem rei veritate experientia instructum esse. Præjudicia hæc lecto opere, ultro quidem, nifallor, evanescerent; haud inutile tamen

meo.

meo judicio fuerit , iisdem in ipso li-
mine aliquantulum occurrisse . Liceat ,
quæ observavi , paucis edicere . Vix pri-
mum de invento *Solaniano* rumorem sub-
audiveram , cum , ecce , ad Puellam hy-
dropicam vocor , 20. circiter annorum
virginem . Prima , qua accederem , vice ,
vesperi scil. , pulsum irregulariter in-
termittere persensi . Mixturam dedi ex
cardiacis , quæ constipatam hactenus al-
vum nullatenus movere possent ; tacite
exspectaturus eventum . Postero mane re-
deuntem statim rogabat Mater , numquid
mixturæ purgantia miscuisse ? Filiam
etenim quater liquidam alvum exone-
rasse . Manifestissimum sane diarrhoeæ
intermittentem pulsum excipientis te-
stimonium . Iterum : 20^a Julii 1746. , ho-
ra 10^a matutina , Ægro adfui , quem , ex
primarum viarum saburra , continua re-
mittens febris prehenderat . Dies morbi
14^{us} erat . Æger ipse firma compage ro-
buslus , 25. annorum , adsuetus labori-
bus . Aliquot ante diebus ea passim præ-
scripseram , quæ solvere , & per alvum
expellere saburram possent ; mitiora ta-
men : hinc blande hactenus purgatus , fœ-
tidam , fuscam , subnigram quandoque
materiem rejecerat ; semel etiam pauxil-
lum sanguinis permistum fuit . Eo ipso
nucthemero , quinques adhuc similem de-

posuerat alvum , fuscum sc. , satisque ,
licet aliquanto minus , olidam . Denique
ea die (20^a Julii) explorans pulsum , vali-
dum , & febrilem reperi , sed , quod impri-
mis memorabile , satis evidenter dicrotum .
Observavi , quod monuerat NIHILLIUS * ,
secundum ictum , si fortius nonnihil com-
primerem , omnino evanescere ; sed , si
molli tantummodo digito tangerem , sen-
sibilis denuo resurgebat . Secundus ille
ictus primo longe minor erat , ad quam-
libet diastolen continuus ; & de verti-
gine querebatur Æger . Rogavi igitur , an
narium hæmorrhagiam passus esset ? ne-
sciebat ipse ; sed , quæ adstabat , Soror ,
cervicalis indumentum sanguineis ali-
quot maculis conspersum se vidisse , te-
stata est ; quas & ego deinde conspicatus
sum . Quatuor , vel quinque erant , non
magnæ , diluti coloris . Jussi , ut atten-
derent , an major forte copia excernere-
tur . Simplicem interea , ex Aq. hord. ,
Nitr. , Rob. Ribes. , & Sambuc. , mixturam
exhibui , quæ Naturæ impetum mutare ne-
quaquam posset . Postridie , hora circiter
II^a , redeunti , nullum sanguinem adpa-
ruisse , relatum est ; sed septies ad minus si-
mili , ut supra , materie purgatus fuerat ;
& continuabatur vertigo . Explorando pul-
sum , percepit dicrotum : Secundus ictus
ad

* Pag. 106. in Notula.

ad quamlibet , uti prius , diaftolen , sed
multo validior , primoque fere æqualis ,
aderat ; & hunc ille excipiebat subito .
Iteravi mixturam . Sequenti mane , 22^a
sc. , septies iterum , prægresso nocthemero ,
alvum evacuasse , indicarunt ; sed me-
liori materie : Febris imminuta plurimum ,
nitidior lingua , sanum fere lotium ,
vertigo nulla , & secundus iæsus vix sen-
sibilis , adparuerunt . Petii , numquid san-
guinem percepisset ? Decem circiter gut-
tas e naso dimiserat . Abinde , neque ul-
lus amplius pulsus dicrotus , neque ulla
hæmorrhagia prodiit . Constat igitur ,
aliquem , pulsum dicrotum inter ac hæ-
morrhagiam , nexus dari ; in præceden-
ti casu , licet totus impetus deorsum rue-
re videretur , certissime nihilominus ob-
servatum . De pulsu Inciduo , fateor , ni-
hil etiamnum , propria experientia , edo-
sus sum , sed Amicus quidam , fide di-
gnissimus , sequentem casum obtulit . Ini-
tio Decembris 1745. , *Leidenſis Civis*
meum imploravit auxilium . Post meri-
diem accedenti narrabat , ter se intermit-
tente Tertiana febre laborasse , jamque ,
ob incredibilem anxietatem , nescire , quid
ageret . Observavi pulsum , qui valde ir-
regularis videbatur : sed , magis magisque
attentus , perfecte (ut SOLANUS vocat) In-
ciduum deprehendi . Sex , septemque pul-
sa-

sationibus increascebatur regulariter ; statimque iterum , a septima vel octava exorsus , novam periodum inchoabat : sicque , iisdem plane periodis , continuabatur in posterum . Hora septima rediens inveni pulsus , distinctius adhuc , fortiusque easdem periodos decurrentem . Certior hinc , futuræ per sudores crisis spe , fuasi , ut nulla medicamina , Naturam forte turbatura , adsumeret ; calidum solummodo servaret corpus ; & lac ebutyratum , cum hordeo mundato coctum , cœnaret , uti proposuerat . Hora decima , eadem vesperi , tertia jam vice , reversus sum ; Pulsusque Inciduum , prægressis similem , sed multo etiamnum distinctiorem , reperi . Quarta nunc Tertianæ paroxysmo adficiebatur , leniori tamen (nec , in universum , valida etiam ante febris fuerat) . Ex omnibus his , ipsum , instanti nocte , admodum sudaturum , præfigi . Sequenti mane , se totum fere profusissimis sudoribus ea nocte diffluxisse , retulit ; Anxietatem autem integre fere evanuisse . Aequalem pulsus , naturalem , observavi . Dies hic intercalaris erat , & perfecte intermittebat febris . Post meridiem redii , sed nihil Incidui pulsus adparuit . Hora circiter quinta iterum visitavi Ægrum ; jamque denuo pulsus Inciduum detexi ; qui , hora se-
pti-

ptima , increverat , & distinctior longe hora decima sentiebatur ; minori tamen vi , quam præcedenti die , feriebat digitum . Novum inde , sed minorem , ea nocte proditurum sudorem annuntiavi . Sequenti mane , omnia , ut dixeram , contigisse , testatus est . Disparuerat pulsus Inciduus , morbusque , ea crisi , omnino judicatus videbatur . Post meridiem nihilo minus Ægro adhuc semel adfui : sed , bene se valere , dixit , & pro cura grates reddere . In alio præterea febricitante Ægro pulsus Inciduum observavi ; sed unica tantum vice : huncque etiam sudor criticus sequebatur . Accuratissima sane observatio ! eaque imprimis novitate memorabilis , quod , cum SOLANUS nunquam ultra quatuor increscentes ictus animadverterit * , hic tamen sex , septemque similes successivi ictus singulas quasque periodos absolverent . Patet igitur , haud imaginarium esse Solanianum illum , inter prædictos pulsus & relativas eorumdem crises , nexus ; sed revera subsistere ; caute tamen , & a gnaro Medico legitimate distinguendum : etenim , pulsus tales non semper ejusmodi crises denotare posse , attentior quivis statim percipit . Ex. gr. Quadraginta circiter annorum

Vir

* Pag. 8.

Vir , post peripneumoniam , in phthisis pulmonalem incidit : unde assidua tussi vehementer concutitur ; tandemque in dorso acquirit tuberculum , quod sensim in insignem gibbum augetur , cui admota manus pulsus , carpi pulsui perfecte synchronum , deprehendit . Manifestum ergo aneurisma . Diu , multumque tortus infelix Æger subita denique hæmoptoë suffocatur . Hæc ex relatione Di. Tronchin , aliorumque , qui viventem sæpe examinaverant , habeo . Sed cadaveris dissectioni , cum DD. Tronchin , van Leent , aliisque Medæ. Doctoribus , & Chirurgo Boom , ipse præsens interfui . Gibbus erat ingens , æquabilis , a sinistra scapula , per dorsum , ad lumbos usque exorrectus , mollis , elasticus . Supertensa cutis colorem naturalem servaverat : in medio solummodo Gibbi vesicula cernebatur , gangrænosa quasi , exigua ; qua rupta , parum liquoris effluxit , quod eâdem seorsum conclusum fuerat : ex gibbo enim nihil prodiit . Inciso thorace , inveniebatur pulmo , artissime ubique accretus , pleuræ , pericardio , diaphragmati , &c. Aperto pericardio , cor , erecta surfsum basi , apice perpendiculariter diaphragmati insistebat ; satis cæterum naturale . Prudenter separato pulmone , in sinistro latere aðcta

ta adparuit, in amplitudinem vesicæ urinariæ majoris inflatæ expansa, totaque hac mole intra pectus adsurgens. Substantia hujus, in universum loquendo, nec crassior naturali evaserat, nec gracilior; sed in ejusdem tunicis passim, scirrhosa quasi, tubercula sentiebantur. Saccus ille hinc inde inæquabiliter nonnihil collapsus erat; incipiebatque mox sub arcu aërtæ cum cordis basi elevatæ; & continuus ad dia phragma usque protendebatur. Aperta hæc, adeo enormiter dilatata, aërta coagulato cruore copiosissimo plena erat; purgata autem, totâ posticâ parte, per ambitum, zonâ crassiore dorso firmissime concreta conspiciebatur, ita ut nulli hîc extravasationi locus foret. In aërtæ fundo, costæ cariosæ, & fragiles, imo &, proximæ his, corporum vertebrarum partes cariosæ occurserunt. Sed, quod imprimis stupendum, tribus amplis hiatibus, 1^o. inter 6^{am.} & 7^{am.}, 2^o. inter 7^{am.} & 8^{am.}, 3^o. inter 8^{am.} & 9^{am.}, costam, perforata aërta cum gibbo simili coagulato cruore repleto, communicabat: ita ut totus gibbus nihil esset nisi coagulatus crux, intra cavum hoc accessorium conclusus, quod cute, a naturali habitu vix mutata, circum scribebatur: sed margo gibbi, qua is dorsum tangeret, interius, substantiam moñ-

monstrabat , fungosam , rubellam , subcar-
tilagineam , satis crassam , cuius ope ,
per universum ambitum , cutis adeo fir-
miter dorso coaluerat , ut , prodigioso
Naturæ artificio , sanguinem & h̄ic coēr-
cere potuerit , ne ultra gibbum diffue-
ret. Substantia h̄æc tunica adiposa vide-
batur , ea ratione mutata ; quæ Gibbi cu-
tem dorso firmiter adstringebat ; cute
cæterum , ibidem etiam loci , sanissima .
Musculi ubique , una cum cute , elevati
erant ; sed extenuati admodum ; quin &
hinc inde , deleti quasi , vix reliquerant
vestigium . Ecquis miraretur , obsecro , si ,
in ejusmodi casu , intermitteret pulsus ?
nec ullus , credo , futuram inde dia-
rhœam concluderet . Hæ certe , aliæque ,
nimis generalium regularum exceptiones
sunt ; minime tamen ipsam rerum veri-
tatem destruunt . Sed abunde in his exspa-
tiatus est NIHILLIUS . Desistam igitur : &
tribus modo verbis , quod restat , expe-
diam . Auctoris verba , quam potui , pro-
xime interpretando , secutus sum : sub-
inde tamen , relictâ Literâ , expressi Sen-
tiorum . Hoc ipsa linguarum diversitas non
suasit modo , sed coēgit . Durus cæterum ,
nauseosus , vixque intelligendus sæpe
evasisset sermo ; ne jam quidem , fateor ,
satis comptus , attamen nonnihil tolera-
bilior . Sentiet , qui susceperit , quanti
con-

constet , ejusmodi Libros latine reddere .
Si quam , tædioso opere , apud te , Lec-
tor , gratiam meruisse videar ; si ma-
jori in posterum Rei publicæ emolumento
successus respondeat ; gaudabo . Prima-
rius utique mihi scopus fuit , Humani
Generis saluti consulere ; quæ si unquam
promoveri poterit , hujusmodi certe in-
ventis promovendam , legitima , maxima-
que spes est . Vale , Lector , tuque pa-
ri , quo a me offertur , animo accipe .



P. S. Una de re monere te prætermissemus, Lector. Operosum in Libelli calce *Indicem* deprehendes, multo labore ac studio a D^o. H. de Bosch, *Medicinae Doctore*, sollicitissime concinnum, eo certe, qui in editione Anglica reperitur, longe accuratiorem. Huic igitur soli ea de re & laudem reddere convenit, & grates.

DO.



DOCTORI MEAD

Regis Medico.

VIR CELEBERRIME!



Uemadmodum sententia tua
de emolumento , quod ex
secuturis observationibus
in Medicinam , humanum-
que genus , redundare
possit , stimulus est ma-
xime honorificus , qui me incitare va-
leat , ut eas Publico communicem ; sic ,
quod hic iisdem nominis tui pignore
adjici concedis pondus , efficacissima præ-
paratio est , ut Opus hoc ab erudito
Orbe sine præjudicio recipiatur .

Nosti , Domine , hoc , quod trago ,
subjectum , primo intuitu , maxime for-
te omnium , quæ bac ætate in Publicum
prodierunt , objectionibus expositum

A esse.

esse . Revocare ex tenebris diu neglegtam , & oblivioni fere traditam Crisium observationem , pro molimine antiqua & explosa præjudicia resuscitandi facile traduci poterit . Novas circa pulsus observationes proponere , negotium , quod multorum adbuc viventium Medicorum memoria ultra omnem modum & comprehensionem mille intricatis subtilitatibus , antiquis & modernis , exteris atque domesticis , oneratum fuit , non improbabiliter chimæricum & absurdum videbitur : sed imprimis Crisium prædictionem suscipere via tam insolita , & inopinata , pulsu scilicet , maxima verisimilitudine , affectata singularitas existimari poterit , & hypothesis arbitria . Adeo periculosum est Auctoris molimen , cuius primarium subjectum rebus stipatum est , quo diu in vituperationem ceciderunt ! Hæ , ad primam etiam mentionem , statim occurrunt menti sub contemptibili obsoletorum errorum idea , noxiā in reliquum subjectum spargunt umbram , totumque una communi iniuritatis accusatione involvunt . Hujusmodi præjudicium generaliter omne ultius examen circa intentionem Auctoris

exe-

executionemve præcludit, opusque nondum lectum neglectui & oblivioni damnat.

His, aliisque similibus difficultatibus secuturæ observationes probabiliter submergerentur, simul atque apparerent, nisi auctoritas quædam, tanti in Medicina momenti, ac tua, impetuosum Criticum ad pacatiorem mentem revocaret, eique attentionem persuaderet ad facta, quæ propono.

Opus, quod & novum & utile judicatum est a viro tam eminenti eruditio-
ne, tam annosa experientia instructo,
mox quandam dignitatis speciem acqui-
rit, omni de levitate ejus præconceptæ
opinioni superiorem, & in objectum ma-
xime seriæ attentionis evadit. Haud er-
go adulatio fuerit, agnoscere, quodcun-
que ab hoc opere Publico accessurum
sit emolumendum, id magna ex parte ti-
bi adscribendum fore.

Sic, arte salutari a te ipso prospero
successu exulta, alios etiam ad ejusdem
profectum excitando, nobilissimum ma-
gnæ, quam obtinuisti, famæ usum facis.

⁴
Patere, Celeberrime Vir, ut vere te-
ſter, eſſe me omni reverentia eximiis adeo
dotibus debita

Humillimum tuum, & obſe-
quiosiſſimum ſervum

JACOBUM NIHELL.

PRÆ-



PRÆFATIO.



OMENTUM sequentis operis
in duabus præcipue rebus
consistit, videlicet in no-
vitate, & in veritate, fa-
ctorum, quæ continet. Fa-
cta hæc & nova & rara es-
se, facile ab unoquoque
Lectore agnoscetur, qui ea, quæ hactenus
de pulsibus, respectu crisium, scripta sunt,
haud ignorat. Non igitur insumam tem-
pus probando id, quod certus sum in le-
ctione hujus operis a nemine negandum
esse. Sed alterum, factorum nempe veri-
tas, delicioris magisque dubiæ naturæ
est, & sinistræ, quæ semper ea propor-
tione, qua novum & mirabile subiectum est,
in mente nascitur, suspicioni expositum.
Summa igitur ratione exspectari potest,
ut illud hic, quantum fieri potest, soli-
dissime pertractetur. Historiæ crisium per
sudores, diarrhœas, & hæmorrhagias, uni-
ce per pulsum, quædam tribus, quæ-

dam quatuor diebus , antequam conting-
rent , prædictarum , nisi additis documentis
sustententur , inventa veluti fabulosa , aut
ridiculæ incantamentorum narratiunculæ ,
videri debent . Ut vero tam naturales , tam
legitimæ suspiciones adhibitæ in hujus-
modi casu fraudis removeantur , necessa-
rium evadit , erudito Orbi significare , qua
auctoritate ac fide illa , quæ præsentis
operis molem efficiunt , facta publico offe-
rantur : hocque optime ex sequenti rela-
tione apparebit .

Anno 1737. , opus a FRANCISCO SOLANO
DE LUQUE , Medicinæ Doctore , de prædi-
ctione crisium ex pulsu , sub titulo *Lapi-
dis Lydii Apollinis* , Hispanico idiomate
conscriptum , a Domino Petro Roxo , mem-
bro honorario Academiæ Medicæ Madri-
tensis , & Nosocomii Sti. Joannis de Dios
Gadibus Medico , mihi tradebatur , quo
tempore *Anglico* ejusdem urbis commer-
cio medicam opem præstabam . Narrabat
mihi , aliqua sese experientia de *Solaniani*-
i inventi veritate instructum esse , & de-
signava conterraneorum suorum insensili-
tate conquerebatur , qui tanti ponderis ne-
gotium , tam novum , tamque validis fa-
ctorum testimoniis stabilitum , quale ipfi
istud , quod memoratus Doctor proposue-
rat , videbatur , omnino negligerent .

No-

Novitate & momento subjecti percussus,
plus quam vulgari diligentia librum le-
go. Auctoris observationes summam mihi
admirationem pariunt, talesque videntur,
quales amicus meus repræsentaverat. To-
tum negotium maximo candore proposi-
tum invenio, nova signa critica planissi-
me descripta, nexus inter hæc, & relati-
vas eorum crises stabilitum per facta, facta
ipsa testimoniis confirmata personarum ma-
xime honorabilium illius civitatis, in qua
contigerant, Medicorum præcipue, Auc-
toris nostri æmulorum in praxi, quos
impossibile erat de qualicunque in ejus
favorem collusione habere suspectos; col-
lusione scil. contra naturam, quæ famam
eius ac fortunam in proprium ipsorum de-
trimentum per apertum mendacium atque
imposturam adaugeret. Postquam Auctor
noster Lectores suos examinandæ factorum,
quæ allegat, veritati, materiaque ad pro-
priæ experientiæ lancem ponderandæ, hoc
modo aptos reddidit, eosdem serio ad
utrumque hoc examen invitat. Concipi
non poterat, tot omnium ordinum, quot
ipse nominabat, testes in simplici mate-
ria facti decipi potuisse, nec etiam ausi-
se ipsum publice eorum auctoritate abu-
ti, ut fictitiam quandam hypothesin exor-
naret. Itaque *Solani* observationes omni-
bus candoris, ac publicæ fidei, quæ op-

tari possent , conditionibus instructæ vi-
debantur . Nihilominus ut in tanti mo-
menti negotio ne minimo quidem dubio
locus foret , *Antequeram* petere decrevi ,
quæ civitas trium modo dierum itinere
Gadibus distabat , ut factorum ejus veri-
tatem examinarem coram , siue talia ,
qualia ipse repræsentaverat , deprehende-
rentur , penitissimam in nova ejus arte
prædicendi crises , sub ipsius auspiciis ,
mihimet experientiam compararem . Ma-
gna me humanitate recipiebat , cunctasque ,
quas desiderare poteram , opportunitates
procurabat , libere circa prægressas ejus
observationes inquirendi , videndique illas ,
quæ eo , quo *Antequeræ* morabar , tempore ,
duorum nempe mensium spatio , occurre-
runt . Hoc intervallo cum omnis fere con-
ditionis hominibus , quos ipse in libro
suo factorum testes nominaverat , frequen-
ter conversabar . Inter hos varii erant pri-
mi ordinis ac characteris viri , qui om-
nes , nullo excepto , casus , in quibus
eorum mentio facta fuerat , confirmarunt .
Maxima parte etiamnum in vivis erant ,
paratiique jurejurando attestari dicta . Gene-
ralis hic & uniformis omnium ordinum ,
præsertim Medicorum , consensus in testi-
monium factorum illorum (rei , in qua
nulla illusio esse poterat) summus aucto-
ritatis & fidei gradus est , quem rerum hu-
jusmo-

justmodi indoles admittit , & convincens evidentia videbitur , dum variæ ejus observationes in sequentibus paginis perlegentur .

Si quæ insuper ad persuasionem conditiones requirerentur , invenientur hæ in factis similibus , post *Solani* observationes , ab aliis Medicis , me ipso , imo & quibusdam Auctoris familiaribus , adnotatis , qui , licet in Medicina hospites , at tamen sufficientem ex *Lapide Lydio* supra dicto rei hujus cognitionem acquisiverant , ut observationes aliquot satis feliciter concinnarent , uti in decursu præsentis operis *Parte I^a.* *Sect. 2.* *cap. 3.* *Obseru.* 6. adparebit . Ipse ego plerisque Dominorum iorum , quos hic respicio , familiaris fui ; certusque sum , nullam illis rationem fuisse , ut facta supposititia orbi obtruderent ; quin & adfirmare audeo , quod nulla iis , quos intime novi , causa sufficere potuisse , ut ad vilem adeo imposturam seducerentur . Novi aliquos , qui cæco contra *Solani* observationes præjudicio occupati , talia ne quidem facta animadvertebant , quæ ipsismet hac methodo occurrerent , donec post manifestam quorundam casuum evidentiam eosdem negligentiarum suarum pudaret , tandemque mera experientiarum vi convincerentur . Peculiarum de me ipso men-

mentionem prætermittam , sed ex modo , quo universum subjectum traxi , Lectori de candore meo relinquam judicium ; conscientius enim sum , unicum hanc , meo respectu , esse posse , ac fore , judicii ejus regulam .

Quantumvis jamjam memorata facta , ea scil . quæ *Solani* observationibus posteriora sunt , ultra omnem præjudicii ac cavarillationis potestatem convincentia inventur , minus tamen delectamentum , minorem admirationem pariunt , ac illa , quæ ante ipsum fortuito observata sunt , dum ne vel minima adhuc rei hujus suspicio , nulla imaginationis ex novitate inclinatio , aderat , dumque igitur facta ipsa , mera propriæ suæ evidentiæ vi , præjudicia temporum , & observatorum incuriam , perrumpere debuerunt . Facile concipitur , quam paucæ ejusmodi observationes exspectari possint . Nihilominus rariissimam unam in *Prosperi Alpini* scriptis conservare , Providentia placuit ; factum , quod post Auctoris hujus ætatem in adversariis medicis obscurum mansit , & universæ facultati impenetrabile , mysterium ; jam vero ope luminis ab observationibus *Solanianis* recepti elucidatur , & manifestum in hujus favorem testimonium evadit , ut in operis conclusione apparebit .

Ne-

Neque tamen unica istius generis est ista
Prosperi Alpini observatio , alteram *Wier-*
rus suppeditat , quæ & ipsa loco proxi-
 me memorato enarrabitur .

Hæc est evidētia , qua facta in hoc
 opere Publico oblata sustinentur ; & sane
 raro in favorem quarumcunque hæc tenus in
 medicina divulgatarum observationum tam
 multæ , tam solidæ demonstrationes con-
 curreunt .

Præter facta sua , leges quasdam pro
 prædictione crisiū ex pulsu erudito Or-
 bi communicavit *Solanus* : *Leges* , quas
 ex longa observationum circa hoc nego-
 tium collectarum serie deduxerat . Ve-
 rum hæc longe alia ratione considerandæ
 sunt , ac facta . Nihil familiarius est , quam
 erronea ex verissimis datis conclusio . In
 hanc erroris speciem delapsus est Auctor ,
 urgendo rem , legesque suas libere nimis
 & universaliter construendo , quemadmo-
 dum ego in secunda bujus operis parte
 propria experientia demonstrabo , & solers
 quivis Medicus in prima ejus circa inter-
 mittentem pulsum generali regula imme-
 diate percipiet .

Attamen talis error præcipue in Au-
 store nostro excusari poterat , cuius eru-
 ditio

ditio in medicina , & philosophiæ natura-
lis cognitio , pro infelici in ipsius patriæ
doctrinæ statu , nimis infirma erat , pro-
fundas illas & validissimas impressiones
sustinendo , quas ingens novorum rarissi-
morumque factorum numerus in ejusdem
imaginatione excitaverat . Monitum hoc
necessarium duxi , ut omni præmaturæ ex-
ceptioni , quæ contra opus hoc , respectu
errorum quorundam palpabilium , qui in
statutis de Crisiūm prædictione legibus sese
offerunt , in universum adduci posset , oc-
currerem . Speroque , fore ut Lectori pla-
ceat , suum eatenus judicium suspendere ,
donec viderit , qua evidētia materiam
hanc *in II^a. bujus operis parte* disposue-
rim ; eo magis , quod , priusquam facta
legerit , legitimus in hoc casu judex esse
nequeat .

Quando obitus Doctoris *Roxo* , amici
mei , qui integrā mihi in Nosocomio
Gadensi Sti. Joannis de Dios , quascun-
que vellem , observationes faciendi liber-
tatem concesserat , brevique post secutum
iter , una cum aliis nonnullis impedimen-
tis , duobus hisce proxime elapsis annis
omnes mearum juxta *Solani* methodum
observationum ulteriores progressus inhi-
buerant , earundem editionem differre ma-
luissem , donec magis demonstratiæ eva-
de

derent, nisi sequentes circumstantia dilatationem istam dissuasissent: prima est exiguum emolumentum, quod ab illis exspectari potest, quæ circa hanc materiem Publico tradidit *Solanus* in *Lapide suo Lydio*, qui crassum ac tædiosum volumen *in folio* constituit, ubi primarium subiectum immenso inutilium digressionum, dissertationum, orationumque, in perplexum ratiociniorum ac factorum labyrinthum confusarum, numero suffocatum est. Etenim is, quamvis diligens observator, educationis suæ infortunio, communi patriæ suæ vitio, ad methodice scribendum omnino ineptus erat.*

Secunda circumstantia est ipsius obitus, qui brevi, postquam *Antequerae* valedixeram, accidit, dum mea persuasione correctam & succinctam observationum suarum editionem præpararet; quæ ita, una cum variis eximiis factis, ipsius aliorumque perspicacia de novo observatis, penitus perierunt. Tertia est *Hispanorum Medicorum* neglectus & incuria, qui, licet ad accu-

* Revera anno 1737. ab *Emanuele Gutierrez de Los Rios M. D.* cum Auctoris consensu editum fuerat in majoris formæ 120. *Lapidis Lydii compendium*, sed judicio carens editor tunc etiam ex authographo tantum supra memoratae farraginis transcriperat, quantum in volumen adeo angustum cogi posset, additis ex *Helmontiana Philosophia* milie ineptiis.

accuratam inventi *Solaniani* perquisitionem, cum *Antequeræ* degerem, excitati, idem, simul atque Auctor exspiraverat (neque enim ultra jam applicabatur æmulationis stimulus,) ne minima quidem ulterioris inde auxilii relicta spe, dereliquerunt. Itaque totum gravissimi hujus negotii pondus integre ad me devolvitur. Proprii autem fati incertus, imprudentissimum fore existimavi, eorum, quæ de hac materie servaveram, editionem differre, sub dubia spe, perfectiores istis, quas jam inde feceram, observationes in posterum communicandi; eo magis, quod ex amplitudine & diversitate subjecti, difficultibusque in præsenti praxis statu nitidæ & exquisitæ observationi repugnantibus, convictus sim, rem hanc unius hominis diligentiam longe excedere. Quapropter collegarum meorum in ea perverstigatione auxilium tempestive provoco. Fateor, ad laboriosum ipsos pensum, & subtilem rerum indaginem, sollicito: verum ita demum *Angli* Medici erunt, quorum felix ad artis profectum applicatio per universam *Europam* abunde innotuit.

Ut rei hujus examen curiosis facilitetur, ab omnium circumstantiarum, circa pulsus criticos *Solani*, & significatas per dictos pulsus crises, hactenus observatarum,

suc-

succincta descriptione sequens opus incipio. Proxime procedo ad particularia exempla facti , quibus observationum ejus veritas evincitur .

Sicque *in prima operis parte* illo præcise statu , quo , cum proprias meas observationes inchoarem , inveni , totum propono negotium .

Secunda pars proprias meas observationes continet , easque , quæ mihi ab amicis fuerunt communicatæ ; omnes candide relatas ; una cum talibus correctionibus , animadversionibusque , quæ circa *Solanianas* de crism prædictione regulas , materiam facti hactenus observatam , & totius finem usumque , necessariæ videbantur .

Si forte leves quasdam in factis per alios relatis incurias observaverit Lector , considerare velit , quod illa ego in privatum primo emolumentum collegerim , absque ulla intentione eadem publicandi ; etenim *Solano* , ut novam & correctam suarum circa hoc subiectum observationum editionem curaret , persuaseram .

Post hujus obitum nullam , nisi ex ipsius manuscripto , adæquatam instructionem recipere poteram , quod mihi , licet emere vel-

vellem , negatum fuit . Attamen illæ , quas hîc respicio , incuriæ non sunt magni momenti .

Quousque numerus observationum , quas in confirmationem rei novæ æque ac suspendæ necessarium duxi producere , permettere poterat , factorum similitudinem evitavi . Itaque ex omnibus illis , quæ in chartis habeo , selegi talia , quæ peculiarium suarum circumstantiarum respectu , minimam inter se invicem similitudinem gererent ; sed , quantamcunque adhibuerim curam , in quadraginta sex circa idem generale subjectum datis observationibus incommodum hoc integre vitari non potuit . Sed nec etiam in severæ veritatis opere luxuriantis illius varietatis blandimenta requiret Lector , quæ non restricta fictionis libertas admitteret .

Exspectabunt forsitan Lectorum aliquifore , ut in hoc opere de celebrata adeo *Sinenium* in explorandis pulsibus arte mentionem faciam . Verum , etiamsi mira admodum de famosis his Asiaticis tam scripta quam narrata fuerint , modernusque etiam Auctor in iisdem explicandis ac sustinendis plurimum laboris impenderit * , cuiuscun-

* In the *Physicians Pulsewatch*.

cunque ea tantum perlegere placuerit, quæ de hoc subiecto ex optimis *Sinensium Medicorum Authographis* in *Sinarum historia*, nuper a *Patre du Halle* edita, reperiuntur, ille quidem, quod tam ineptas nugas, crassasque absurditates, quales ibi relatæ sunt, silentio prætermiserim, facile condonabit.

Tandem, ut satisfiat talibus, qui ex præsenti praxis statu contra qualemcumque critium observationem exceptiones formare volent; peculiare de hoc subiecto caput addidi, quod, spero, perleget Auctor, antequam ex vulgo receptis critium notionibus absolutum aliquod de sequenti opere judicium statuat. Ausim promittere, quod & hoc, & reliqua, absque ullo partium studio, ea brevitate, iis in ratiocinando cautelis, pertractata inveniet, quæ Auctorem, tam privato suo judicio diffidentem, quam debitæ publico reverentiæ gnarum decent.

N.B. Auctor se devinctum sentiet Medicis, qui facta quædam ad præsens opus relativa ipsi communicare haud deditabuntur. Adsignanda erunt Auctoris nomine *to the Grecian Coffeehouse in Devereux-court, Londini*. Eadem cum hisce æquitate aget, quam nunc sequentium Dominorum respectu observatam vident.

CATALOGUS MEDICORUM,

*Qui SOLANI observationes propriae
experientia confirmarunt,
& illustrarunt.*

**Don Francisco Thomas de Zayas, Regiae
Catholicæ Majestatis Familiæ Medicus,
dum viveret, honorarius.**

Don Antonio Alvarez.

Don Miguel de Porras.

Don Joseph Vincente Gomez.

Omnes Antequeræ Medici.

**Don Francisco Garcia, Mallen de Nava-
rette, Capituli Ecclesiæ Cathedralis,
Gadensis, dum viveret, Medicus.**

**Don Pedro Roxo, Gadibus quondam Me-
dicus Nosocomii Sti. Joannis de Dios,
& membrum honorarium Academiæ Me-
dicæ Madritensis.**

Don Raphaël de Fuentes.

Don Nicolas Rexano.

Malagenses Medici.

**Don Pedro Caftan, Casæ Vermejæ Medicus.
N. N.**

*N. N. Medicus Loxensis, cuius nomen in
memoriam revocare nequeo.*

**Don Christoval Solano de Luque, Docto-
ris Solani filius, Medicinae Studiosus.**

**Don Juan de Pedraza y Castilla, Philoso-
phiæ & Medicinæ Baccalaureus.**



ALLEGORIA

To²⁰ A B U L A
CONTENTORUM.

P A R S I.

SOLANIANAS crisiū ex pulsū pro-
gnoses continens, una cum variis factis,
per quā observationum ejus veritas in
universum adseritur.

S E C T I O I.

Nova signa & leges pro variarum cri-
siū prædictione ex pulsū, juxta SOLA-
NUM.

C A P U T I.

Signa & leges pro prædictione hæmorr-
hagiæ criticæ per nasum. pag. 29

C A P U T II.

Signa & leges pro prædictione diar-
rhœæ criticæ, junctæque huic crisis per
vomitum, vel per urinam. 32

C A P U T III.

Signa & leges pro prædictione sudoris
critici. 34

C A-

C A P U T IV.

Generales quædam animadversiones circa supra dicta signa & crises. 35

S E C T I O II.

Continens varia facta, quibus observationum SOLANIANARUM veritas circa prædictionem crisiū ex pulsu in universum evincitur. 39

C A P U T I.

Exempla prædictionis hæmorrhagiarum criticarum per nasum. 41

C A P U T II.

Exempla prædictionis diarrhoearum criticarum. 46

C A P U T III.

*Exempla prædictionis sudorum critico-
rum.* 51

C A P U T IV.

Exemplum prædictionis icteri critici. 56

C A P U T V.

Exempla similium observationum ex ANTIQUIS.

58

P A R S II.

*Varias novas circa idem subjectum observationes continens, una cum animadversionibus in SOLANIANAS prædictio-
nis leges, & monitis quibusdam genera-
libus de natura crisiū, earumque apud
ANTIQUOS consideratione, & apud MO-
DERNOS neglegēti.*

S E C T I O I.

*Productum propriarum mearum obser-
vationum circa nexus a SOLANO obser-
vatum inter ante memoratos pulsus & crises.*

C A P U T I.

*Productum propriarum mearum obser-
vationum circa pulsū dicrotum.*

65

C A P U T II.

*Productum propriarum mearum obser-
vationum circa pulsū intermittentem.*

67

C A P U T III.

*Generales animadversiones circa totum
subjectum.* 68

C A P U T IV.

*Monita quædam generalia de natura
crisium, earumque apud ANTIQUOS con-
sideratione, & apud MODERNOS ne-
glectu.* 79

S E C T I O II.

*Continens exempla quædam peculiaria ex
propriis meis observationibus circa supra-
meratos pulsus & crises, cum variis sele-
ctis casibus mihi per amicos communicatis.*


C A P U T I.

*Novæ observationes circa pulsum dicro-
tum.* 99

C A P U T II.

*Novæ observationes circa pulsum inter-
mittentem.* 113

*Additum est singulare caput, primi or-
tus observationum SOLANIANARUM bre-
vem historiam exhibens.* 121



LECTORI.



Hartarum mearum aliquas perolvendo, occurrit diarium thermometricum, quod *Gadibus* paravi . Oblectamento cuidam , vel & usui esse posse arbitratus sum , si hoc loco , variam caloris ac frigoris , in illa Civitate per integrum annum observati , successionem Publico communicarem ; eo magis , quod thermometra , quibus usus sum , FARENHEITIANA fuerint , tam æqualia inter se , & tam communia , ut instituta cum iisdem experimenta ad generalem quandam regulam reduci , sibique mutuo satis facile & accurate comparari queant .

Factæ sunt observationes istæ in umbra cubiculi , radiis solaribus nec expositi multum,

tum , nec subtracti ; adeoque aëris , quem
Incolæ Gadenses in universum intra tecta
sua respirant , naturalem temperiem si-
gnificant . Sed & animadvertisendum est ,
ut erroneæ earundem ad alia loca appli-
cationes evitentur , aërem *Gadibus* , æsta-
te æque ac hyeme , omnium forte *Anda-*
lusia civitatum temperatissimum occurrere .

Juxta exactissimas observationes , quas
sub jamjam memoratis conditionibus trien-
nii spatio instituere potui , calor & fri-
gus inter gradum 49. & 81. , primum fri-
goris , alterum caloris , extremum , per an-
ni circuitum decurrebant .

A fine Novembris , ad Aprilem usque ,
thermometrum raro supra gradum 60^{um}.
adscendit .

Decembri , Januario , & Februario , in
universum sub 56°. mansit .

A fine Martii , usque ad medium circi-
ter Junii , plerumque inter 60. & 70. in-
dicavit .

A medio circiter Junii , usque ad finem
fere Septembris , ut plurimum inter 70. &
76. persistit ; a 72. ad 75. consuetus erat
limes : raro subsidebat ad 70. , aut ad 78.
ele-

elevabatur; licet semel, post ventorum inconstantiam, Augusto mense, ad 64. subiisse, iterumque ad 81. ascendisse observaverim: hique extremi sunt termini, quos ibidem æstatis tempore animadverti.

Ab umbra in meo cubiculo, ad umbram in aëre aperto, calido, circiter 4. & 6. graduum differentiam observavi.

A pleno calore solis, mense Julio, ad aërem apertum frigidiusculum sequentis noctis, 15. graduum.

A fine circiter Septembris, usque ad finem Octobris, in universum inter 70. ac 60., & mense Novembri inter 66. & 58. substitit.

In circumstantiis supra memoratis, & consueto Cœli statu, vix aliquam differentiam inter diei ac noctis calorem comprehendere potui.



P A R S P R I M A,²⁷
S O L A N I A N A S
C R I S I U M E X P U L S U
P R O G N O S E S

Continens ,

U n a c u m v a r i i s F A C T I S ,

P e r Q u æ

O B S E R V A T I O N U M e j u s v e r i t a s
i n u n i v e r s u m e v i n c i t u r .

Sed & accuratissime est observandus pulsus ; quatenus
est index materiæ morbosæ movendæ , motæ , excretioni
paratæ , & jam incipientis secerni : nam ibi demonstrat
egregie tempus agendo aptum præter cætera .

BOERHAAVE Institut. №. 970.



S E C T I O I.

*Nova Signa & Leges pro varia-
rum Crisium prædictione ex Pul-
su, juxta Doctorem FRAN-
CISCUM SOLANUM
DE LUQUE.*

C A P U T I.

*Signa & Leges pro prædictione Hæmor-
rhagiæ Criticæ per Nasum.*

I.



*ULSUS Dicrotus ANTIQUORUM, qui
(LATINIS Pulsus bis feriens) ANGLIS
proprie The Rebounding Pulse vocari po-
test, certum indicium est futuræ Hæ-
morrhagiæ criticæ per nasum*.*

I I.

*Si Pulsus dicrotus ad, vel circa, trigesimum quem-
que pulsum adpareat, plerumque intra quatuor dein-
de*

* Non incongruum fuerit, hic adnotasse, proximum huic pro-
positioni, quod unquam mihi occurrit, monitum esse sequentem
locum in Sir John Floyer's Pulsewatch, Vol. 1. p. 138. *Pulsus undo-*
sus cum vibratione signum dat evacuationis menstruae, vel hæmorrha-
gia-

de dies , citius nonnihil vel tardius , hæmorrhagia sequitur . Si ad quemlibet decimum sextum pulsum recurrat , intra tres dies supervenit hæmorrhagia . Si octavo quolibet pulsu observatur , hæmorrhagia intra duos dies succedit , vel intra duos dies cum dimidio . Denique si quovis quarto , tertio , secundo pulsu redeat , aut continuus sit , intra 24. horarum spatium hæmorrhagia exspectari debet . In genere igitur , quo brevioribus pulsuum periodis revertitur dicrotus , eo propius instat hæmorrhagia .

III.

Aliquando natura omnia ante memorata critici pulsus stadia regulariter percurrit , a primo ejus circa trigesimam quamvis pulsationem accessu ad singulam quamlibet descendendo , unde hæmorrhagia sensim iisdem præcise gradibus adpropinquans prænoscitur . Aliquando irregulariter hæmorrhagiam accelerat , vel retardat , tuncque pulsus dicrotus majore vel minore frequentia in eadem proportione recurrit ; dumque ille variis & incertis periodis redit , tempus , quo hæmorrhagia accidet , exacte determinari nequit .

Nota. Ea , quæ de pulsu dicroto , quoad varias pulsationis ad quas recurrit periodos , & distantiam vel propinquitatem significatæ inde crisis , in binis hisce postremis articulis observata sunt , de aliis etiam critici pulsibus , quorum postea fiet mentio , absque iterata hoc respectu sub quolibet horum pulsuum repetitione , similiter intelligenda erunt .

IV.

giarum quarundam , per nasum , alvum , hemorrhoides , &c. Locus , quem cum mille aliis verisimiliter ex Galeno desumpsit . Sed quam longe ab omni illius rei cognitione absit , cui hic a Solano insistitur , plane adparet ex absoluto ejus circa hæmorrhagias silentio , ubi de pulsu dicroto loquitur p. 140. , imo & ex propria ejus neutquam intelligibili *pulsus vibrantis* descriptione p. 50. *Vibrans pulsus motu sagittæ comparatur* , & per vehementem *cordis contractionem* producitur , quæ *pulsum majorem* efficit . Quantæ tenebræ ! quantum hoc a qualicunque pulsu dicroti idea distat !

I V.

Si arteria magna celeritate bis feriat digitum , & secundus ictus admodum subito primum ictum excipiat, jamjam aderit hæmorrhagia ; sicque tunc aliquantulum differatur , simul ac aeger nares emunxerit , erumpet.

V.

Hæmorrhagiæ quantitas prænoscitur ex vigore , quo arteria secunda vice ferit , exacte comparato cum impetu primi ictus sive vehemens hic , sive languidus fuerit : sic si arteria secunda vice feriat minori momento , quam primus ictus digito impresserat , tunc parca erit hæmorrhagia , & vicissim . Verum si secundus arteriæ ictus , primusque , æqualis vigoris fuerint , moderata hæmorrhagia succedet .

V I.

Eadem proportione , qua sanguis effluit , secundus arteriæ ictus gradatim debilitatur , donec brevi post crisi penitus dispareat ; & successiva illa secundi ictus remissio hæmorrhagiæ immediate prægressæ indicium suppeditat . Hæc animadversio , mutatis mutandis , etiam ictis pulsibus , qui alias crises denotant , applicari debet.

V I I.

Si pulsus dicrotus post hæmorrhagiam continuetur , aut de novo resurgat , alteram ejusdem generis crisi significat , juxta regulas supra dictas . Et hoc etiam aliis criticis pulsibus adcommodari debet .

V I I I.

Si secundus arteriæ ictus in uno carpo evidentior sit , quam in altero , sanguis sæpe ex nare illius lateris , in quo secundus ictus evidentior est , majori abundantia erumpit .

C A P U T I I.

*Signa & Leges pro prædictione diarrhoeæ criticæ,
juncteque huic crisis per vomitum,
vel per urinam.*

I.

Pulsus intermittens certum indicium est futuræ diarrhoeæ criticæ, tuncque tantum portendit mortem, cum robur, ad perficiendam crisi requisitum, deficit*.

I L.

Spatium temporis intermissionibus absumpti quantitatem Materiæ, quæ per diarrhoeam evacuabitur, vel numerum sedium significat. Intermisso, quæ spatio unius diastroles durat, vel in qua una tantum diastrole deficit, parcam evacuationem innuit, vel paucas sedes. Ea, quæ duplicis diastroles spatium absunit, ingentem evacuationem significat, vel multas sedes. Ea denique, quæ duas diastroles cum dimidia absunit (longissima a Solano observata intermissio), admodum profusam evacuationem, vel ingentem numerum sedium indicat.

Notæ. Quandoquidem diversa in variis subjectis, quin & in eodem subiecto variis temporibus, pulsus frequenter certam intervalli inter singulas quasque pulsationes mensuram haud admittit, existimandum est, *Solanum*, licet nullam unquam hujusc rei explicationem dederit, illam in præcedenti articulo intervalli mensuram proportionemve subintellexisse, quam in unoquoque aegro regulares, intermissionibus mediæ, pulsationes ad se invicem gerere observarentur.

III.

* Hæc nimis universalis propositio in secunda hujus operis parte intra justos limites reducetur.

III.

Tensio arteriaæ, pulsui intermittenti conjuncta certum est vomitus critici, diarrhœæ superaddendi indicium.

IV.

Major minorve arteriæ tensio majorem minoremve per vomitum evacuationem, plures paucioresve vomendi conatus denotat. Intermissionis duratio simpliciter junctæ diarrhœæ quantitatem, vel numerum sedium respicit.

V.

Nunquam observavit *Solanus* simplicem crisi per vomitum absque diarrhœa, neque igitur, utrum ejusmodi crisis aliquod peculiare, *Antiquis incognitum*, signum habeat.

VI.

Mollities arteriæ, intermissioni conjuncta, certum indicium est crisis per urinam cum diarrhœa; & major minorve quantitas excretionis per urinam per majorem minoremve mollitiei in arteria gradum denotatur.

VII.

Nunquam observavit *Solanus* simplicem crisi per urinam, sine ullo diarrhoeæ concursu, nec aliquod novum signum ejusmodi crisis noverat.



C A P U T III.

*Signa & leges pro predictione
sudoris critici.*

CUM pulsus, qui futurum criticum sudorem significat, haetenus non satis cognitus, neque proprio charactere insignitus fuerit, necessarium est peculiarem ejus descriptionem praemittere.

I I.

Species est *pulsus inæqualis*, in una, duabus, tribus, quatuorve successivis pulsationibus, tam altitudine, quam vigore, supra alias diastoles insurgentis.

I I I.

Si hoc pulsus incrementum in una solummodo pulsatione recurrit, difficulter cognosci potest, vixque indicat sudorem criticum, nisi arteria post primam in digitum impressionem sensibiliter ulterius urgeat, & profundum carni ictum imprimat. Tunc enim sudorem criticum, intra paucas ad summum horas secuturum significat.

I V.

Verum ut constituatur novus ille, a Solano pro fudore critico detectus, pulsus, duæ, tres, vel quatuor successivæ pulsationes, non tantum supra reliquas, sed & gradatim, uti ipsæ procedunt, supra se invicem, insurgere debent; secunda supra primam, atque ita porro. Quatuor hujusmodi successivas pulsationes ad summum observavit Solanus. Pulsum hunc *pulsum inciduum* vocavit, ob analogiam ejus cum quadam pulsus specie, quæ illo nomine in Heredia appellatur, & ANGLICE *The unequal rising pulse* (LATINE igitur *pulsus inæqualiter adsurgens vel increscens*) dici potest. Attamen eum ego isto, quod ipsi imponere Auctori placuit, nomine appellabo.

V.

V.

Pulsum hunc Auctor semper mollem deprehendit, una tantum vice excepta, qua, ante icterum criticum, durus apparuit*. Hicque versus corporis superficiem motus unicus est, quem, a sudore distinctum, *Solanus* post pulsum inciduum observavit.

VI.

Pulsus inciduus, cum arteria mollitur, certum indicium est futuri sudoris critici.

VII.

Quantitas secuturi sudoris est in ratione composita numeri & vigoris ictuum, in pulsu inciduo adsurgentium. Sic quatuor ejusmodi successivæ validæ pulsationes, profusum, duæ cum eadem vigoris conditione, moderatum, tres cum pari vi, copiosum sudorem præfagiunt. Aliæ combinationes æque facile occurrent.



C A P U T I V.

Generales quædam animadversiones circa supra dicta signa & crises.

I.

NON voluit *Solanus*, quod supra dicta indicia omnes hasce crises constanter præcedant, cum aliquas ipse citra ulla talia prægressa indicia observaverit. Sed raros hujusmodi casus esse adserit, exceptis sudoribus, qui particulares febrium intermittentium paroxysmos terminant, quos pulsus inciduus ut plurimum non præcedit. Id tantum statuit, quod, dum hæc signa adparent, crises, quas innuunt, regulariter subsequantur;

C 2 adeo

* Vide Sect. II. Cap. 4.

adeo ut ab anno 1707. vel 1708. quo nexus inter hosce pulsus eorumque crises primo observaverat, ad annum 1738. usque, trium modo casuum reminisceretur, ubi significatae per pulsum crises ipsius exspectationi non responderant. Horum casuum bini narium hæmorrhagiam indicabant: quo tempore hæc in eorum uno deficeret, frontis dolor, vel gravitas supervenit, & proximo die delirium, quod ultra mensem protrahebatur, successit. Attamen reconvalescebat æger. Infortunatior alius post hæmorrhagiæ defectum sinistri temporis dolore affligebatur, & intra septem deinde dies ingenti purulentæ materiæ copiâ per nasum evacuatâ occubuit. Tertius calus diarrhoeam notaverat, cuius defectum violenta tormina, singultus, ac vomitus comitabantur, unde æger intra quatriiduum peribat.

II.

Aliquando natura illi crisi, quæ prius per pulsum indicata fuerat, novam aliam crisin substituit, tuncque precedens signum mutatur in illud, quod ad succendentem crisin pertinet.

III.

Aliquando, dum primum in pulsu observatum indicium adhuc subsistit, secundum aliud, imo & tertium supervenit; hæcque simul continuantur. Tunc duæ, tresve crises, ab iisdem specialiter indicatae, singulæ juxta leges supra dictas accidentur.

IV.

Frequenti observatione detexit *Solanus*, quod, si in hæmorrhagia narium colorem pallide rubrum exhibuerit crux, parcâque copiâ fluxerit, ægri tunc lente reconvalescant; lentissime vero, si cum eodem colore hæmorrhagia abundaverit.

V.

V.

Crisium per pulsus indicatarum eventus , & determinata , qua accident , hora , una cum circumstantiis quibusdam concomitantibus , maxima probabilitate prædici possunt . At , cum illa , quæ hoc respectu *Solanus* tradidit , ex *Veteribus* derivata sint , ego hæc silentio prætermittam .

Nota . Videlur h̄ic negligere Auctor illam eventūs crisium circumstantiam , quæ in criticæ evacuationis copiâ , adeo sollicite ab *Antiquis* observatâ , consistit .

VI.

Semper observavit Auctor , omnes illas crises , quæ naturæ morbi juxta regulas ab *Antiquis* traditas analogæ sunt , bene cedere , nisi robur performandæ ferendæque crisi necessarium deficeret .


VII.

Si summa debilitate langueat æger , antequam absolvi queat crisis , occumbere poterit : at talis , si accideret , casus observationum *Solanianarum* veritati non nocebit .

Hæ sunt , ex longo observationum decursu pro crisium ex pulsu prædictione , deductæ a *Solano* leges . Quod autem magno fide dignissimorum rarissimorumque factorum numero hac in re vere sustentatus fuerit , absque ullo dubio in sequentibus paginis adparebit . Attamen de nimia conclusionum illarum latitudine & extensione propriâ experientiâ convictus , hocce prædicendi sistema non aliter , quam historicus , tradidi , ut plane innotescere deinde possit , quousque rem acutigerit Auctor , quousque erraverit . Agnoscendum est nihilominus , ipsum iis locis exercuisse praxin , quibus temperata diæta , uniformis vitæ ratio , optimisque cœli habitus concurrunt , ut morbi simpliciores , eorumque crises magis regulares effiantur , ac quidem sub

contrariis conditionibus inveniri soleant. Quid, hoc respectu, *Solano* concedere oporteat, perspicacis & non præoccupati Lectoris judicio relinquam. Sed qualecunque harum prædicendi regularum fatum fuerit, allegata ab ipso facta diversæ penitus naturæ erunt; priora scilicet, ab iis, quas inde deduxit, conclusionibus non dependent, nec ullo in subsequentे ejus ratiocinio errore debilitari poterunt. Observationum ejus, ad quas nunc procedo, substantia semper integrum suam vim atque auctoritatem retinet, ausimque dicere, talēm esse, quæ naturaliter animum sciendi avidum excitare, attentionem figere, & ad ulteriorem hujuscē negotii pervestigationem urgere debeat.





S E C T I O II.

Facta, quibus observationum SOLANIANARUM veritas circa prædictio-
nem crisium ex pulsu in
universum evincitur.

NFINITUM pensum foret, omnes ab anno 1707., vel 1708., quo rem istam primum detexit, usque ad annum 1738., quo obiit, circa hanc materiem a Solano factas observations chartæ tradere. Quam inexhaustum sit subjectum hocce ex sequenti cuiusdam epistolæ paragrapho facile judicari poterit, quam anno 1735. ad Amicum Gadensem scripsit: *Nunquam metam adsequerer, si omnes illos, quos a fine Junii usque ad Septembbris proxime elapsi finem observavi, casus enarrare fusciperem. Hæmorrhagiæ narium, quas ex pulsu dicroto prædixi, plusquam quinquaginta fuerunt: omnes prognosi meæ respondebant, & duæ solummodo supra dictæ intulere mortem. Crises per sudorem, quas ex pulsu inciduo prædixi, septem sunt, vel octo; & quæ per diarrhœam contigerunt, ex intermittente pulsu, quinque.*

Ob hanc factorum multitudinem crises prædicendi habitus adeo tandem familiaris evaserat Solano, stimulusque, quo ab insensilibus suis conterraneis incitaretur, præter gloriosam sed inanem famam, adeo levis erat, ut ea, quæ observaret, facta notare, passim negligeret, donec peculiares subinde casus attentionem ejus atque diligentiam excitarent.

In iis, quæ circa hanc materiem Publico communicavit Auctor, peculiares viginti quatuor casuum historias tradidit, & in litteris, postquam Antequeræ valedixeram, in fine anni 1737., & initio 1738., ad me da-

tis, tredecim novarum observationum mentionem fecit. Casus, ab aliis, qui eosdem observaverant; dum *Antequeræ* degerem, ipsi communicati, fuere undecim; illique, quos ego ab amicis meis habeo, novem sunt. Omnes igitur simul (a propriis meis observationibus, de quibus alibi loquar, abstrahendo) quinquaginta septem casus efficiunt. Hos ipsos enarrare nimis tædiosum foret. Ex iisdem itaque tales feligam, qui observationum *Solanianarum* veritatem auctoritatemque optime in universum stabilire poterunt. In hunc finem quædam, a personis omni partium studio liberis confirmata, quædam etiam ab ipsis ejus in praxi æmulis juramento corroborata, & iisdem consentientibus publicata facta, missis aliis, segregabo.

In harum observationum historiis varia, ab earum scriptoribus addita, sed primario scopo vere extranea, monit & accidentia prætermittam: at, si naturaliter ex factorum circumstantiis nascantur, & manifestum sinceræ & infucatæ relationis characterem gerant, omitti nequeunt, nisi illâ, quam ab observatorum candore recipiunt, ponderis & auctoritatis portione facta ipsa denudentur.

Observationes istæ, quæ primâ jam demum vice prodeunt, asterisci ope a reliquis distinguentur.



C A P U T I.

41

*Exempla prædictionis hæmorrhagiarum
criticarum per nasum.*

* O B S E R V A T I O I.

*Ex declaratione quadam Domini JOSEPHI
VINCENTII GOMEZ, Antequeræ
Medici, desumpta.*

CURABAM, inquit, JOANNEM ROMERUM, Antequeræ incolam, in Calle Gavilanes (sic dicta platea), febre ardenti decubentem, quam animi deliquia, aliaque periculosa symptomata comitabantur. Vir erat sex & viginti annorum, bono habitu, temperamenti calidi elastici. Post sanguinis missionem, itaque remedia, quinto die pulsus dicrotum observ. Ægro itaque, *Solani* observationibus inductus, hæmorrhagiam narum vaticinabar; sed intra bidui solummodo spatium, quia secundus ictus non continuo aderat † (quo pulsuum numero iste recurrerit, non expressit Author); interea omnium remediorum usum suspendi. Idem pulsus proximo die continuabatur; & dum tertio die mane ægrum inviserem, narrabat mihi, se prægressa nocte sanguinem ad dimidiæ pintæ copiam ex naribus dimisisse; pulsus ejus naturalem, morbumque, ut antiquis terminis utar, perfecte judicatum reperi.

* O B S E R V A T I O II.

Anno 1736. *Don Juan Pardo*, Domini Joannis Par-
di, Nobilis primi ordinis, & in civitate Antequeræ Regidoris ††, filius, febre tertiana continua laborabat. Cura ejus gerebatur a Doctore Francisco Criado y Bal-
boa, regiæ familiæ Medico honorario, qui omnium, quæ applicaverat, remediorum inefficaciam expertus, *Solanum* tandem in consilium advocavit, ubi nova san-
gui-

† Vid. pag. 29. n. 2.

†† Membrum Magistratus.

guinis missio a priore proposita , sed ab altero rejecta fuit , qui , ut sequenti die institueretur , consentiebat , nisi interim , quam ex continuo pulsu dicroto exspectabat , narium hæmorrhagia erumperet . Ut vero ulterius sibi satisfacerent , ambo statim ad ægri examen regressi , tuius pulsationis intermissionem , pulsi dicroto conjunctam , omnique secunda vel tertia diastole recurrentem animadverterunt : unde *Solanus* † , præter hæmorrhagiam , diarrhoeam imminentem præfigiebat ; quæ duodecima circiter ejusdem diei hora , uti & hæmorrhagia octava circiter vespertina secuta fuit . Ex eo tempore melius habebat æger .

Hujuscce observationis veritas ab ægro ipso , ejus parentibus , ac universa familia , mihi , cum *Antequeræ* degrem , confirmata fuit ; uti & a Domino *Antonio de Heredia y Bazan* , civitatis illius *Corrigidore* (hoc est , supremo tam in civilibus , quam militaribus negotiis Magistratu) , notæ dignitatis & curiositatis nobili , qui , audit casu , statim eadem vesperâ , horâ undecima , ut sibi ipsi de hujuscce rei veritate satisfaceret , sese ad ægri domum contulerat .

O B S E R V A T I O III.

Don Antonio Alvarez , *Antequeræ Medicus* , in quadam , quam *Solano* tradidit , declaratione , inter varios alios casus unum refert , ubi observato pulsu dicroto sanguinis missionem distulerat , quam cæterum plane indicatam existimabat . Proximo die , decreta secum sanguinis missione , rediens , mirabatur , quod ægrum foras exiisse intelligeret , causamque tam inopinati eventus sciscitanti respondebant familiares , ægrum in eadem inquietudine & anxietate , uti ipsum reliquerat , perseverasse ad auroram usque ; quo tempore increscente anxietate delirus evaserat , moxque sanguinem dimiserat per nares . Post vero in tranquillum somnum delapsus , & exergefactus , probe sanus induerat vestes , & ob magni momenti negotium exiverat . Gra-

tu-

† Vide p. 36. n. 3.

tulabatur sibi Doctor , quod sanguinis missionem , quæ tam felicem crisin potuisset avertere , distulisset .

Declaratio , unde observatio isthæc desumpta est , a Doctore Alvarez juramento confirmata , ipsoque consentiente publicata fuit .

O B S E R V A T I O IV.

Anno 1736. vocabatur *Solanus* , ut *Emanuelem Mercado* , robustum , laboriosum , calidissimi temperamenti juvenem , *Antequeræ* incolam , in platea *Calle del Rastro* dicta , inviseret . Dies tunc sextus agebatur febris petechialis : insatiabilis sitis , intolerabilis in superficie corporis , licet interiores partes vix adficeret , ardor , pulsusque , sine ulla insolita celeritate , parvus ac dicrotus aderant . Ex ultimo hocce symptomate impendentem hæmorrhagiam ægri familæ significabat Doctor ; sed , hanc in illius indolis morbo perniciosa fore judicans * , frustra omnes , quas excogitare poterat , methodos adhibuit , ut eandem averteret . Tribus diversis temporibus sanguis de naso fluxit , singulisque vicibus ab ipso familiaribus prædicebatur . Post repetitas hasce hæmorrhagias debilior pejorque evadet æger , & diarrhoeâ , similiter a *Solano* prædicta , sed quam nec impedire , nec temperare poterat ipse , nec ferre æger , intra paucos deinde dies occubuit .

O B S E R V A T I O V.

Eodem Anno *Joannes Delgado* , ætatis circiter trigincta annorum , sicco calidoque temperamento præditus , in febrim tertianam continuam , quæ caput afficiebat , incidit . Secunda die (an morbi , an curationis non exprimitur) , observato pulsu dicroto , cuius secundus ictus primum valide & celeriter excipiebat ** , copiosam ipsi narium hæmorrhagiam intra duodecim horarum

* Vide p. 37. n. 6.

** Vide p. 31. n. 4.

rum spatium præsigebat *Solanus*: hæcque ita contigit. Triduo sequenti, indies, pari fundamento, parrem prognosin, successu pari non sine insigni totius familiæ stupore repetiit. Sed tandem, nimiam hanc evacuationem ratus, magna difficultate ejusdem continuationem præcavit; brevique restituebatur æger. Casus hic, continuum toto quatriduo miraculum, in vicinia famosus evaserat; mihique, dum *Antequeræ* versabar, ab ægroti consanguineis adfirmatus fuit.

* O B S E R V A T I O VI.

*Desumpta ex declaratione quadam Doctoris
MICHAELIS DE PORRAS.*

Ego *Don Miguel de Porras* Medicinæ Doctor, hujusque civitatis *Antequeræ* incola, declaro, quod, dum anno 1736. proxime elapso frater meus *Don Rodrigo de Porras*, calidæ ac robustæ constitutionis juvenis, in continuam duplicem tertianam febrem incidisset, periculi cujusdam metu, quarto die Doctorem *Franciscum Solanum de Luque* in consilium advocaverim. Postquam ita, ut e re esse videbatur, consulueramus ægro, in visendo ipso *Solanus* perficit, septimaque die mane, explorato pulsu, amitas & forores meas, quæ aderant, rogavit, ut ad emungendas nares candidum ægro strophiolum largirentur; se enim ob pulsum dicrotum partis illius hæmorrhagiam exspectare. Ego tunc domo aberam; sed bihorio post redeunti inquirentique, quomodo valeret frater, & utrum ipsi adfuisset Doctor, amitæ & forores narrarunt, quæ contigerant. Respondi ego; bene, videbimus! Intra horam circiter cum dimidia, dum æger nares emungeret, tantâ copiâ erupit sanguis, ut integrum strophiolum commacularet. Mox advocabat familiam; accessimus, & veritatis *Solaniani* præsigii spectatores fuimus. In cuius rei testimoniūm declarationem hancce signavi, *Antequeræ* non^o Octobris 1737.

Don Miguel de Porras.


* OBSERVATIO VII.

Desumpta ex Epistola ad SOLANUM scripta.

Ego *Don Pedro Castan*, *Casæ Vermejæ Archiater titularis*, *Universitatis Gandiensis Doctor*, a *Regio Protomedicato* approbatus, declaro, quod 12^a. Decembris 1735. vocatus fuerim, ut *Antonium de Luque*, ætatis 41 annorum, febre Synocha, quarto tunc die, periculoſe laborantem inviserem. Post purgationem, repetitam sanguinis missionem, variaque alia remedia, æger meus indies pejus habuit, ita ut de salute ejus desperarem. Vigesima morbi die ad ostium domus obvium se mihi offert ægri frater *Augustinus de Luque* totus perfusus lachrymis, dicitque desiderare se, ut advocetur consilium: huic ego, examinato ægro, cuius pulsus valide admodum ac celeriter pulsabat, & dicrotus videbatur, respondeo, frustra fore; ægrum enim, antequam Medicus posset accedere, moriturum. Urget, ut, quæ maxime e re esse viderentur, præscriberem; sed locum, quem in *Lapide Lydio* paucis diebus ante de pulsu dicroto legeram, mecum recolligens, ægrum simpliciter jusculo suo nutriendum esse conclusi & expectandum eventum. Proximo mane primâ aurorâ visitavi ægrum, eandemque pulsus vehementiam ac frequentiam deprehendens, sed evidentius, quam prægresso die, dicrotum, mox declaravi familie, exspectare me hæmorrhagiam narium intra bihorium, monuique, ne ulla ægro remedia applicarent, donec reverterer. Post trihorium redii, eumque tantâ hæmorrhagiâ diffluentem inveni, ut lecti linteamina vix essent imbibendo. Bihorii spatio durabat hæmorrhagia; quo tempore saepe pulsum ejus examinavi, ac notavi, secundum arteriæ ictum gradatim decrescere, tandemque integre disparere *. Tunc valedixi ægro; omne periculum transiisse monui; & intra paucos deinde dies reconvalescebat. Ipse etiamnum in hac civitate cum familia sua vivit. Alios præterea hujusmodi casus, successu

cessu non minus felici , in febribus ardentibus , quæ pleuriticis doloribus stipatæ videbantur , observavi ; quorum , si desideraveris , exactas tibi historias transmittam . In testimonium veritatis supra memorati casus juro , signoque , in museo meo Casæ Vermejæ die 11. Octobris 1737.

Don Pedro Castan.



C A P U T II.

Exempla prædictionis diarrhœarum criticarum.

OBSERVATIO I. II. III.

Declaratio Doctoris F. T. DE SAYAS.

EGO *Don Francisco Thomas de Sayas* , Regis nostri pro augusta ejus familia Medicus honorarius &c. , declaro , quod , variis hisce prægressis annis , cum Doctoribus *Rodrigo Parilla y Villalon* , & *Francisco Solano de Luque* , in varia consilia advocatus , multarum in hoc libro * relatarum , & a *Francisco Solano de Luque* prædictarum , crismum testis fuerim . Inter quas sequens casus in *Domino Geronymo Goni y Avendano* , civitatis hujusce Corrigidore , nobis tribus tunc præsentibus , admodum stupendus erat .

Postquam unusquisque nostrum , in nobili hoc viro pulsum inæqualem , intermittentem , irregularē animadvertisset , Dominus *Franciscus Solanus de Luque* innuit , ægrum proxima die summo mane magnam anxietatem cum tanta corporis perturbatione passurum esse , ut adstantes , illum in mortis agoniam versari judicaturi forent . Sed omnem hunc tumultum tribus quatuorve sedibus pacandum esse . Doctor *Villalon* , egoque nullam tunc ipsius prognosi fidem adhibuimus , irregularitatem pul-

sus

* *Lapis lydius* indicatur.

sūs aliis longe causis , quam quas *Solanus* suggesserat , adscribentes . Verum extremo cum stupore prognosis hu-
jus adimptionem mirabamur ; *Præfixo enim tempore tan-
ta ægri anxietas erat , ut universa familia commoveretur ,*
*putaretque ipsum revera mori , sed brevi , alvo ter qua-
terve deposita , integre sere reconvalescebat . Idem pro-
ximo die , licet serius , minori copia , & absque ullo
incommodo accidit , perfecte etiam uti *Solanus* prædi-
xerat .*

Declaro insuper , quod , cum in Fratre *Ludovico de
Cuenca* Ordinis Franciscani , in Conventu *Ste. Mariæ
Magdalena* hujus civitatis monacho , in febris cu-
jusdam exacerbatione inæqualem intermittentem pulsū
deprehenderet *Solanus* , succincte enuntiaverit , ægrum
nullo remedio indigere ; febrim enim post medium noctem
copiosa diarrhœa terminandam fore ; quæ & accidit , uti
præmonuerat Doctor , nosque omnes ægrum proximo
die perfecte sanum conspeximus . Huic prognosi Do-
ctor *Antonius Alvarez* , ego ipse , & varii ex supra di-
cto ordine reverendi viri intererant .

Declaro etiam , me , dum , iisdem adstantibus , Fra-
trem *Franciscum Diaz* memorati Conventus *Guardia-
num* , febre , magnaue anxietate , cum intermittentे
pulsu , ad secundam & tertiam pulsationem recurrente ,
adflictum inviserem , Domino *Francisco Solano* dixisse ,
quod , si in hoc ægro prædictio ejus deprehenderetur ve-
ra , memet de observationum ejus certitudine plane
convictum agnoscerem . Accepit conditionem , dixi-
que , ægrum brevi violentissimam ventris commotionem pa-
surum esse . Intra bihorium tam vehementes intestino-
rum tumultus & borborygmos cum tam enormi fla-
tuum eruptione percepit æger , ut se viscera ipsa ex-
plosurum crederet : his fæculenta successit sedes , post
quam commode habuit . Proximo mane , aliquas in pul-
su intermissionis reliquias detegens , *Solanus* * , ut alvi
motus facilitaretur , præscripsit clysma . Laudabilis eva-
cuatio secuta fuit , ac deinde pulsū intermissio , febris-
que

que, cessarunt, quod æque me, ac *Guardianum ipsum*, Fratrem *Michaëlem Garzia*, Ordinis *Chirurgum*, plurimosque alios in stuporem rapuit.

Quoad alias crisium a *Francisco Solano de Luque* prædictarum species, hæmorrhagias narium, & sudores, juro, me, licet hisce prædictionibus ipse non adfuerim, easdem nihilominus a personis omni exceptione majoribus, quorum aliquibus facta ista acciderant, aliqui eorum in aliis testes fuerant, confirmatas adivisse. Quam ob rem, & quia ipse mecum de certitudine prædictionum, quibus interfui, convictus sum, ne vel minimum mihi ea de re dubium superest. Juro igitur, & subsigno

Don Francisco Thomas de Sayas.

* O B S E R V A T I O IV.

*Ex declaracione quadam Doctoris MICHAELIS
DE PORRAS.*

- - - Declaro insuper, quod *Maria Josepha de Saavedra* proiectæ ætatis, cachectici, & obstructionibus stipati habitus Domina, curis quibusdam, animique inquietudinibus laborans, ex hypochondriaca affectione in febrim malignam, cum omnis nutrimenti ac remediorum ejectione per vomitum, urinæ suppressione, & adstricta alvo, delapsa, primum curæ Doctoris *Antonii Alvarez* demandata fuerit; qui, aliquot diebus elapsis, *Franciscum Solanum de Luque*, & *Franciscum Criadum*, medicinæ Doctores in consilium advocavit. Unanimiter consentiebant, morbum lethalem esse; *Solanus* autem ex intermittente pulsu, coram Domino *Pedro Vorego*, matre ejus, sororibus, atque universa familia, ægram sequenti vespera duas tresve largas sedes habitaram, monuit: quod & eadem vesperâ, ut mihi ab omnibus supra memoratis adseveratum fuit, inter octavam nonarnque accidit. Biduo post vesperi rogabam, ut liceret videre ægram; pulsusque intermissionem inter

fin-

49

Singulas tertias quartasque pulsationes deprehendens*, iisdem praesentibus, futuram postridie diarrhoeam indicavi. Quo facto, predictionis biduo ante a Solano factæ, eventum narrarunt; unde in mea etiam ulterius confirmabar. Proximo mane ægra duas largas sedes habuit, vermemque evacuavit, longitudine quadrantis ultnæ. In cuius rei testimonium hancce declarationem signavi. Antequera die 9. Octobris 1737.

Don Miguel de Porras.

* OBSERVATIO V. VI. VII.

*Ex declaratione Doctoris VINCENTII
GOMEZ.*

Ego *Don Vincente Gomez*, medicinæ Doctor, civitatis hujus *Antequerae* indigena, & civis declaro, quod, dum curam gererem *Alonsi Duran*, qui in *Cruz Blanca* febre ardenti decumbebat, post convenientium remediorum usum, nono die regularem pulsus intermissionem observaverim; quem dum attentione plus quam vulgari explorarem, *Frater Franciscus de Sto. Nicolao, Trinitarius*, qui tunc casu aderat, ait, *videris timere, Doctor, ne æger in periculo versetur; ego, licet non sim Medicus, revera timeo: nam pulsus ejus sistitur*. Respondi, me ò intermissionem percipere, ò prævidere periculum; primun lethale signum esse, omnemque ulteriorem remediorum applicationem inutilem. Postridie nihilominus redii, ut viderem ægrum; & manifestorem adhuc frequentioremque intermissionem detexi**. Talis in sequentem usque diem perseveravit; quo tempore accessit diarrhoea, post quam intermissio disparuit***, & levamen sensit æger. Brevi post, critico unius parotidis abscessu facto, perfete convaluit.

D

De-

* Vide pag. 29. n. 2.

** Vide p. 29. n. 2.

*** P. 31. n. 6.

Declaro insuper, quod, dum *Francisca de Valenzuela*,
 70. annorum domina, continua dupli tertiana febre la-
 boraret, & a quodam hujus civitatis Medico pro de-
 sperata haberetur, filius ejus Dominus *Antonius del Cam-
 po*, ut ipsam inviserem, me impulerit; cui tandem,
 non sine renixu quodam, consensi; illamque, cum in-
 termittente, debili, ac parvo pulsu, lethargicam de-
 prehendens, alterius Medici prognosin confirmavi, re-
 cussavique, aliquid præscribere: sed, *Fratri Joannis Vil-
 chez* importunitate fatigatus, quædam tamen digerentia,
 stomachica, & cephalica præscribebam. Perstitit inter-
 missio, & symptomatica *, quæ ægræ vires pessumda-
 bat, diarrhoea supervenit: verum, post adstringentium
 quorundam cum prædictis remediis miscelam, diarrhoea,
 febrisque cessarunt, disparuit intermissio, imminens apo-
 plexia transiit, ægraque ad stuporem omnium adstantium
 sanabatur.

Eiusdem ægri ** matrem febris tertiana duplex pre-
 hendit, quæ non minorem mihi sollicitudinem peperit,
 quam quæ filium adflixerat, ætatis ejus, sexaginta scili-
 cet & sex annorum, magnaque symptomatum violen-
 tiæ, respectu. Pulsus ipsius septima & octava pulsatio-
 ne intermittere observabam ***; quapropter omnibus
 remediis abstinui, juxta *Solani* regulas diarrhoeam criti-
 cam præstolaturus. Triduo perseveravit intermissio; dein-
 de

* Etiamsi diarrhoeam hanc *Sympomaticam* vocaverit Doctor, ap-
 paret nihilominus, eam stricte loquendo revera *Criticam* fuisse; ete-
 nim evacuatio, exquisitissime ad removendam morbi causam appro-
 priata, perniciose evadere potest, ob accidentalem cum extrema
 debilitate concursum, quæ largas qualescumque fludiorum imminu-
 tiones admittere nequit, sine totali vasorum relaxatione & collapsu.
 Talis in præcedenti observatione casus erat. Absolvebatur *crisis*,
 Medicus feliciter servabat requisitum inter evacuationis quantita-
 tem, atque ægræ vires, æquilibrium. Sic vacillantes hujus spiritus
 sustinebat, &, remota per crisis morbi causa, cito robur recuperaba-
 bat ipsa, ac sanabatur. Hic, inquam, necessario casus fuit; cum
 evidens sit, pauca quædam adstringentia, quibus cura adscribitur,
 medicamenta esse, nec adaptata causæ, nec morbi hic memorati
 violentiæ proportionata.


** *Joannis Romeri*, cuius casus in declaratione præsentem observa-
 tionem immediate præcedit, & ad caput de *Hæmorrhagiis* translatus
 fuit.

*** Pag. 29. n. 2.

51

de sine ulla diarrhoeæ apparitione evannit *. Hac de causa ægræ regimen perscrutatus , eam supra dictis diebus cocta cydonia comedisse detexi , paratamque ex cydoniis , absynthio , ac lardo pulticulam stomacho & abdomini applicasse ; detectâ sic , unde diarrhoeæ detentio processerat , causâ , jussi statim , ut hæc medicamina amoverentur , mutaretur ægræ diæta , adstringentibusque , ad æquilibrandos priorum condensantes effectus , incidentia , attenuantia , ac laxativa remedia substituerentur . Attenuatis sic humoribus , solidisque ad pristinam laxitatem reductis , nova pulsus intermissio , & intra virginati quatuor deinde horas diarrhoea , quæ ægram quadam tenus levabat , apparuit . Sed , cum viderem non esse hanc completam crisin , leve tamarindorum decoctum præscripsi : unde modicas binas sedes habuit . Quamcunque interim adhibuerim curam , sensim pejus habuit , tandemque oecubuit . Supra memoratos casus observavi ipse , & , cum veri sint , signavi . Antequeræ die 6. Octobris 1737.

Don Joseph Vincente Gomez.



C A P U T III.

Exempla prædictionis sudorum criticorum.

* OBSERVATIO I.

Communicata a Doctore GOMEZ.

Franciscus Ignacius Hoyæ incola in febrem continuam duplarem tertianam magna lassitudine , & anxietate stipatam incidit . Sexto die ad singulas tertias quartasque pulsationes ** pulsum inciduum observavi . Critici ergo sudoris exspectatione , omnium remedium usum distuli . Respondit eventus ; etenim circa

D 2

septi-

* Pag. 30. n. 3.

** Vide p. 29. n. 2.

⁵²
septimæ diei finem copiosissimus expellebatur sudor , per quem morbus feliciter desiit . Antequeræ die 6. Octobris 1737.

Don Joseph Vincente Gomez.

O B S E R V A T I O II.

Ex SOLANO.

Fratri Cecilio Garzia , Lorensis Franciscanorum Conventus Superiori , febre continua laboranti , in determinatam proximæ diei horam sudorem criticum prædicebam . Quam ob rem magna cum difficultate , & datæ prognosis certitudini coram universo conventu insistendo , Domino Antonio de Pontes Medico ordinario persuasi , ut missio sanguinis , quam ægro præscripserat , differretur . Circa præfixam horam dicto Medico præsentte irregularem admodum perturbationem sensit , hancque sudor copiosissimus sequebatur , quo perturbatio simul , & febris evanuit .

O B S E R V A T I O III.

Ex eodem.

*Don Alonso de Godoy y Roxas , perpetuus civitatis Antequeræ Regidor , post intemperiem quandam in febrem continuam relabebatur , quæ adeo violenta evasit , ut quarto die in consilium advocarer . Alii Medici Dominus Franciscus Thomas de Sayas , & Dominus Antonius Alvarez sanguinis missionem proponebant ; sed , levibus quibusdam pulsus incidui iætibus perceptis , prævisaque inde per sudorem crisi , ut quartæ diei respettu sanguinis missio differretur , persuasi . Vesperi pulsum inciduum evidentiorem , & memoratam ab Hippocrate * rubram in urina nubeculam observavi . Quapropter acrius memet sanguinis missioni opposui , prædixique , futurum septimo die sudorem criticum . Hoc tem-*

* Aph. 71. sect. 4.

temporis intervallum , licet æger quasdam mutationes subiret , sine ulla ulteriori præscriptione absumebatur ; & septimo die bini copiosissimi sudores supervenerunt , quibus integre sublatus est morbus .

O B S E R V A T I O IV.

Ex eodem.

Frater Alexander de Paz Ordinis Franciscani , cum Illoram peteret , prehendebatur febre continua ad tertianæ nonnihil indolem accidente , cuius violentia ingenitam ipsi inquietudinem peperit . Postmeridie quadam pulsum inciduum percipiens , copiosum ipsi circa nonam ejusdem vesperæ horam futurum sudorem denun- tiavi , cuius ope restitueretur . Ad hanc meam prognosin obstupuit non tantum , quia hoc illi novum videbatur , sed & quod nunquam sive per sudorifica , sive per exercitia sudor ipsi exprimi potuerat ; ideoque non credebat ; præcipue vero ipsius horæ determinationem mirabatur . Tandem , circa nonam , anxietatem sensit , incepit delirare , sudavit insigniter ; sicque brevi spa- tio perfecte convaluit .

O B S E R V A T I O V.

Ex eodem.

*Frater Joannes Gomez , Antequeræ jam conventus Magdalena Guardianus , die quodam lunæ mane in febrim admodum acutam incidit ; die Jovis , morbi quarto , pulsum inciduum observavi , & coram universo conventu præmonui , die Dominico mane post magnam anxietatem copiosissimum adfore sudorem criticum , promittendo simul , ipsum inde sanandum esse . Explorato pos- stridie pulsu hesternam prognosin repetii ; eundemque leviter dicrotum deprehendens * addidi , quod illo ipso die aliquot sanguinis guttas de nafo emungeret ; idque hora undecima faciebat . Vesperi aliam pro sequenti no-*

D 3

ete

* Vide p. 36. n. 3.

Ete similem hæmorrhagiam prædixi ; quæ pariter contigit . Die Saturni mane exiguum quandam pulsus intermissionem circa tertiam quartamque pulsationem percipiens † , facilem alvi circa meridiem motum indica vi , eoque circiter tempore unicam sedem habuit , simulque vermem longitudine quadrantis ulnæ ejecit . Die Dominica summo mane ingentem anxietatem , jactationem , nauseam , delirium , tremorem , & insignes horripilationes passus fuit . Inveni ipsum sub hisce symptomatibus luctantem , nec , sine aliqua difficultate , ægri , adsistentiumque eum in agonia versari existimantium , metus compescere poteram . Perseveravit ita spatio quadrantis horæ ; quo elapso , tanto cum fœtore sudavit , ut Monachi omnia ejus stragula permutare cogerentur , & universum Conventum lustrare suffumigiis ; æger autem perfecte convaluit .

* O B S E R V A T I O VI.

*Desumpta ex epistola ad SOLANUM scripta a
Domino PETRO JOSEPHO MARIN
DE APARICIO , Visitore
Generali reddituum Tabaci
MALAGÆ.*

--- Post quæ ad factum proprio . *Don Alonzo de Sevilla* , ad meam tribum pertinens , ante aliquot dies ægrotare incepérat . Medicus ejus *Don Nicolas Rexano* morbum tertianæ duplicis intermittentis nomine insiniebat , qui post sex sanguinis missiones in febrim denique continuam evasit . Desideravi igitur videre ægrum die morbi undecima Domino *Antonio Manzo* Subcenturione , ac Domino *Jacinto Marfil* reddituum Tabaci Secretario sociatus ; & licet meæ in rebus medicis ignorantiaæ conscius , attamen juxta regulas in tuo nunquam satis laudato opere communicatas , ægri pulsum explorare volui . Circa trigesimal vel trigesimal primam pulsationem suspensionem quandam , intermissionemve observavi , aut aliquid tale , quod penitissime

† Vide p. 29. n. 2.

næ in hoc negotio cognitionis defectu determinare non poteram. Quamobrem Dominum *Antonium Manzum*, qui eodem mecum delectamento operis tui partem legerat, rogavi, explorare ægri pulsus, & supra dictum pulsationum numerum examinare vellet. Quo facto, eundem, quem ego observaveram, insolitum motum ad trigesimam tertiam pulsationem animadvertis. Hinc tuis regulis * inducti ambo crisin quandam decimo quarto die securam judicavimus; cuius generis crisis illa futura esset, determinare non ausi. Horâ deinde elapsâ supra memoratis nobis occurrit Medicus, adseritque, ægrum periculose decumbere, videri sibi e re esse, ut vesicatorium, & nova sanguinis missio præscriberetur; denique desiderare se, ut Doctor *Raphaël de Fuentes* in consilium advocaretur. Ægri commiseratione tactus modeste ipsi, quid observasssem, quidque inde judicarem, exposui, & petii, ut priusquam propositam a se sanguinis missionem susciperet, negotium istud serio examinaret. Advocaveram consilium, sed eidem interesse non potui. Hora septima vespertina Dominum *Raphaëlem de Fuentes* in *Administratoris generalis ædibus* obvium habui; qui ibidem coram nobilissimo illo viro, ejus familia, ac supra dicto Domino *Antonio Manzo* periculosem ægri statum declaravit; cumque eum rogarem, utrum in pulsu id, quod ego observaveram, notasset? Idem se notasse, respondit, sed frequentius, & ad vi gesimam tertiam vel quartam pulsationem recurrisse **; non esse intermittentem pulsus, ut mihi imaginabar, sed inciduum; seque ideo Domino *Nicolao Rexano* suasse, ne sub hujusmodi conditionibus sanguis ægro detraheretur; nihilominus, quod ægerrime tuli, sanguinem ipsi ex vena hepatica subduxit. Verum non obstante perversa hac curandi methodo, nataque inde virium diminutione, tam stabilis ac potens erat vincentis naturæ propensio, ut decima tertia nocte in calidum copiosum sudorem erumperet, qui ad proximum usque diem protrahebatur, ægrumque febre sua liberum reliquit; quemadmodum Dominus *Nicolaus Rexanus* ipse

* Vide p. 29. n. 2.


** Vide p. 30. n. 2.

mihi coram Domino *Jacinto Marfil* confessus fuit. Nec-
cessarium duxi, casum hunc communicare tecum, & si
opus videatur, eundem publica auctoritate confirmatum
transmittam. *Malagæ* die 17. Septembris 1737.

Don Pedro Joseph Marin de Aparicio.

Hæc historia una cum aliis quibusdam ejusdem in-
dolis postea mihi ab Auctore præcedentis epistolæ con-
firmata fuit.

Ex variis præcedentium historiarum colligi potest,
quod ab eo tempore, quo salutaris crisis indicia obser-
varet *Solanus*, donec ea contingeret, generalis ipsius
methodus fuerit, prohibere omnia ejusmodi remedia,
quæ quocunque respectu, naturæ molimina impedire
possent.



C A P U T I V.

*Exemplum prædictionis icteri critici
Ex SOLANO.*

DON Bartholome de Sierra y Salvatierra, Ordinis
Sti. Jacobi eques, ex ægrimonia, quam ob angina-
nam, qua adfligebatur, conceperat, in pertinacem me-
lancholiæ incidit, & licet aliquod sub mea cura leva-
men perciperet, statuit tamen ulteriorem opem *Ma-
driti* querere, mihique, ut ipsum eo comitarer, anno
1721. persuasit.

Hoc loco Doctor *Higgins* Regis Medicus, & Do-
ctor *Zapata* famosissimus *Madriti* Praetorius, cum Do-
mino *Le Gendre* Regis Chirurgo, ægri curam suscep-
runt. Doctor *Don Joseph Zunol* Principis *Asturiensis*
Medicus Doctori *Higgins*, qui regulariter adesse non
poterat, substitutus fuit. Hi duo Medici post irritum
viginti dierum laborem ægro tandem viperinum juscum
proposuerunt: quod ego, ut differretur, persuasi,

eo

eo quod pulsum inciduum, cum notabili arteriæ tensione, vigesima quavis diastole recurrentem * percipiens declararem familiæ, intra quinque dierum spatium maximam ægro mutationem adventuram fore. Acriter etiamnum a supra memoratis duobus Medicis, ægroque ipso propugnabatur, & a me repellebatur juscum : cum interim pulsum inciduum regulariter inter septimam & octavam pulsationem recurrere † observarem, atque adeo crisi adpropinquare prænoscerem, quam tunc ob pulsus duritiem, aliasque nonnullas morbi conditiones judicavi, & aperte prædixi fore icterum: quo facto æger, qui plus semel certitudinis mearum prognosium testis fuerat, in meas contra jus viperinum partes transiit. Tertia nocte ingentem inquietudinem, validamque in se ipso mutationem sensit, & reliquo tempore in eodem statu perststit usque ad quartum mane, quo ad stuporem universæ familiæ totus flavus apparuit. Jussi ut clauderentur fenestræ, & binæ candelæ in ægri cubiculo accenderentur: Medici successive introibant; singulos, ut intrabant, rogavī, an homini icterico nocere jus viperinum, aut naturam ad icterum inclinantem turbare posset? Unus, hoc in ejusmodi casibus neutquam convenire; alter vero, neminem, nisi idiotam, id præscripturum, respondit. Deinde ægri pulsum explorabant, icterum ad candelæ lumen nondum animadvertentes; sed curabam ego, ut fenestræ subito aperirentur; sic plenus irrupit dies; videbant icterum, & tanquam fulmine tacti percellebantur.

Hæc observatio brevi post a Solano, absque ulla Doctoris Zunol, vel Zapata contradictione, in publicum emissa fuit, quos tamen nimis prope concernebat casus iste, ut nullum minimi etiam in hac historia erroris usum facerent.

CA-

* Vide p. 29. n. 2.

† Vide p. 30. n. 3.

Exempla similium observationum ex ANTIQUIS.

PRÆGRESSIS historiis notabilem admodum casum ex *Prospero Alpino*, de prefagienda vita & morte Lib. IV. Cap. 4., adjiciam: Casum, in quo idea Solani tam perfecte omnibus fere suis circumstantiis anticipata est, ut, nisi, *Solanum*, antequam ego ipsi ostenderem, nullam hujus loci, imo ne Auctoris quidem cognitionem habuisse, certo scirem, illum inde primam suarum observationum ideam hausisse, neutquam dubitarem. Sed tam longe ab omni hujus loci cognitione aberat, ut, dum ei monstrarem casum, bonus vir summa abreptus Iætitia per cubiculum tripudaret, exclamaretque, quod si eum *Hispaniæ Regem* creassem, non potuissem sensibilius ipsi oblectamentum parere! Sub hisce conditionibus, ista *Alpinianæ observationis* cum *Solani factis conspiratio demonstrativum* pro generali hujus idea argumentum formare videtur, uti evidenter ex ipsa observatione apparebit; quæ sic sonat:

----- Quare senes, atque pueri, ex hoc pulsu (intermittente scilicet) non ita pessime se habent ut juvenes, in quibus plane exitiosos esse hos pulsus intermittentes voluit Galenus. Tamen, et si plerumque hoc verum experientur, Bassani juvenem, annos natam supra viginti, pleuriticam, abhinc multos annos apud Hermetem Furcataram, juris consultum clarissimum, vidi, in qua usque ad diem quartam pulsus ita intermittebat, ut prima die singulis septem aut decem pulsibus intermitteret spatio unius pulsationis, & secunda singulis sex aut quatuor, & tertia singulis tribus, & quarta, qua die morituram quisque merito judicasset, cum delira prorsus esset, nihil expueret; difficillima respiratio, inquietissima, & cum pulsus singulis pulsatis duabus pulsationibus ita intermisserit, ut immobilis multo intervallo arteria maneret, pulsusque subsequentes languidi exilesque essent, nihilominus, praeter omnium spem, simul cum urina, multa materia crassæ pituitosa excreta, nulla alia observata evacuatione, aut iudicio facto, convaluit. Addit, sed hujusmodi casus raro fiunt, suntque in arte medendi veluti monstra. Verum ex

ex Solanianis, aliisque, quas ego deinde institui, observationibus evidenter constat, ultimam hanc Auctoris animadversionem, a *Galeni* potius auctoritate, quam ab experientia, derivatam esse; idque ulterius confirmatur rationibus, quas ambo istius opinionis fundamenta statuunt; haec enim mere speculativæ deprehenduntur: sed ipsius facti cum *Solani* observationibus consensus adeo sensibilis est, ut prima fronte pro aliquo ex propriis hujus factis imponeret. Nihilominus casus ille duabus conditionibus a *Solianis* prædictionum regulis videtur discrepare: etenim 1º. *Prosper Alpinus* nullam de pulsūs intermittentis mollitie mentionem facit, licet hanc crisis per urinam indicium *Solanus* statuat*: 2º. *Prosper Alpinus*, morbum solo urinæ fluxu terminatum fuisse, aper-te memorat; cum juxta *Solanum* notabilis diarrhoea ei-dem juncta esse debuisset†. Primæ differentiæ respectu, observandum est, *Prospere Alpini* silentium non absolute pulsūs mollitem excludere; nec revera memoratus ab eo-dem morbus mollitem illam excludit; cum varios, pleuritidum nomine, morbos descriptos fuisse, constet, qui genuinæ pleuritides non fuerant; hisque ultimis tantum pulsūs durities essentialiter conjungatur. Supra dictarum differentiarum altera realis est, & distincte expressa, quam ego nec negare velim, nec conabor eludere. Distin-ctio forte inter diarrhoeæ criticæ. indicium, illudque, quod evacuationem per urinam notat, non adeo accu-rata est, ut existimavit *Solanus*: 1º. enim pulsus inter-mittens utriusque communis est; 2º. crisis per urinam diarrhoeæ facile conjungi, imo & sub ipsis alvum ex-onerandi conatibus insensibiliter fere absolvi potest; 3º. agnoscit *Solanus*, se nunquam crisi per solam uri-nam observasse; ideoque determinare non posse, utrum talis crisis absolutum aliquod univocum signum habeat. Hac de re eo majori cum ratione dubitare licet, quia crises haec facilior, ac reliquæ, inter se invicem con-vertibiles videntur. Etenim observando innotuit*, flui-da, intra intestinum rectum, ac inferiorem coli par-tem,

* Vide p. 33. n. 6.

† P. 33. n. 4.

* *Baglivi* talem exemplum habet.

tem, contenta, absorberi per vesicam, & cum urina expelli posse. Præterea exigua quædam resistentiæ in renalibus vel mesentericis arteriis inæqualitas communem sanguinis in hisce partibus distributionem subito mutare, & evacuandos hujusmodi morbosos humores, qui una cum sanguine per inferiorem aortam fluunt, reciproce, sive ad renes, sive ad intestina, amandare vallet. Sed, qualescunque hæ conjecturæ fuerint, evidens est, *Solanum* materiem istam neutiquam exhausisse; quam ad ulterius per experientiam examen referre decet.

Interim in descripto per *Prosperum Alpinum* casu, intermissionis periodos gradatim, uti adpropinquaret crisis, eâdem perfecte, quam deinde *Solanus* observavit, ratione, breviores, frequentioresque evasisse, sine sensibili admodum oblectamento considerare non possumus *. Manifeste ridiculum foret adeo regulares naturæ operationes, adeo uniformes, ab initio usque ad finem morbi, pulsuum successiones, cæco casui adscribere. Revera observatio isthæc ducentis fere annis muta mansit, &, tanquam inutile fortuitum monstrum, vel merus naturæ lusus, neglecta jacuit; jam vero, Factis a *Solano* observatis, resuscitata, una cum his criticas naturæ operationes palam ebuccinat, suaque vice, ipsis illis factis, unde vitam & sensum suum accipit, novum evidentiaæ ac soliditatis gradum impertitur; dum juncta omnium supra memoratorum casuum auctoritas novum luminis radium medicinæ adserit, cuius adminiculo latentia naturæ opera detegi, crisesque certius, quam hactenus fieri potuit, prævideri queant.

Dubitari nequit, quin varia ejusmodi facta frequenter acciderint; verum aut totaliter neglecta, aut, quod re ipsa fere coincidit, imperfecte tantum adnotata fuerunt; quoniam nexus, qui supra memoratis pulsibus ac eorum crisibus intercedit, donec eum *Solanus* in lucem produceret, nunquam observatus fuerat. Sic *Wien-*

rus

* Vide p. 29. n. 2. & 30. n. 3.

rus * observationem refert , quam nec intellexit ipse , nec satis distincte expressit , licet illi , qui *Solani* facta norunt , descriptionis obscuritatem penetrantes , facile percepturi sint , quo vergat . *Nobilis vir in febribus* , ut vocat *Auctor* , *malignam* *incidit* , quæ ab ipso initio variis evidentibus indiciis , primarum viarum *saburra* , *bilioſo* *vomitu* , *eruptionibus* , *pulsuque inæquali* *ſtipata* erat . *Sexto die alvinæ fæces admodum bilioſæ ac fetidæ prodierunt* ; *ſubsequens nox violentam omnium ſymptomatum exacerbationem attulit* ; ♂ *ſeptimo die mane pulsus ad tertiam quamlibet pulsationem incepit intermittere* : verum , non obſtante tam universaliter per scriptores Medicos lethaliſ pronuntiati ſymptomatis adparitione , ex proſpero omnium reliquorum ſignorum ſtatū , ægri ſanationem Vvierus præſagiit ; ipsumque inſigniter circa ſtomachum laborare , ♂ *frequenter nauſeare expertus* , præſcripsit , postero , octavo ſcil. die , ſumendum purgans , quod uberrime operabatur , ægrumque integre allevabat . Nono die evanuit intermiffio ; ægerque malo ſuo liberatus mansit .

Nullam hīc , die ſeptimo , de mollitie , vel duriſie pulsūs , reſpectu nauſeæ , mentionem , nullam ſpontanearum naturæ operationum , quæ cum purgationis effetu confuſæ ſunt , certam cognitionem , nullam vomitus atque eruptionis , a primo eorum in initio febris ortu ad septimum diem uſque , diſtinctam notitiam deprehendimus . Attamen ex iis , quæ clare in hac hiſtoria expreſſa ſunt , notabilem variarum criticarum circumſtantiarum cum pulsūs intermiſſione concurſum facile deducere poſſumus . Hic ab ipſo initio inæqualis erat , cum evidentibus ſaburræ primarum viarum indiciis ; ſexto die morboſa materies incepit deorū moveri per anum ; proxima nox generalem ſymptomatum exacerbationem (notum ſatis omnium notabilium criſium prodromum) attulit ; ſeptimo (qui *ma- gnus dies criticus* dicitur) , ſub favente morbi adſpectu , pulsūs intermiſſio , nauſeā , ac vomendi conatu , quæ aliquot ante dies ſuſpenſa fuiffe videntur , ſociata compa- ruit ; denique octavo die intermiſſio ſimul & perturba- tio

* Apud Georg. Horſt. Sen. obſ. Med. singular. L. XI. obſ. 8.

tio purgatione amota sunt. Agnoscere oportet in observatione, tam imperfecte relata, has admodum validas circumstantias esse. Impossibile est conjecturâ adsequi, quot aliae ejusdem indolis magis etiamnum castratæ ac defiguratæ, imo & absolute neglectæ fuerint. Sed certe inter illas, quæ adnotatæ sunt, tales solummodo descriptionis obscuritatem minus subierunt, quæ valde singulares erant, & (si phrasin, quam in *Præfatione* adhibui, repeterem liceat) tales, quæ mera suæ evidentiæ vi, præjudicia simul, & observatoris incuriam, perrumpabant. Factum ab *Alpino* relatum verisimilime perdidisset posteritas, nisi natura subjecti, quod trahabat Auctor, directe eo deduxisset; nec hæc ipsa forte illud nobis conservasset, nisi idem omnibus suis conditionibus adeo fuisset memorabile. Profecto rem hanc fere neglexisse videtur *Alpinus*; namque eam post aliquot annorum intervallum ex memoria tantum chartæ mandat, & circa pulsationum, ad quas intermissio recurrerit, periodos hæsitat. Nunc vero, cum aperta ad tantos profectus scena sit, atque adeo utilis humano generi prospectus pateat, summa cum ratione a cognita *Britannorum Medicorum* exactitudine & humanitate expectari potest, ut alacriori spiritu examinent, scriptoque conservent tales casus, qui circa hocce subiectum in propria nostra regione sese offerent. Revera diu objectum fuit, jamque etiamnum multorum animis insedit, climata Septentrionalia regulari illi morborum ac crisiū, ab *Hippocrate*, aliisque *Veteribus* in *Græcia* observato decursui penitus repugnare. Hæc objectio verisimiliter ex *aph. 8. sect. 3.* deducenda fuit, sed quamvis certo quodam gradu vera deprehendatur, admodum tamen probabilis ratio superest existimandi, conclusionem justos terminos longe excedere, cum, ut in *2a. hujus operis parte sect. 1. cap. 4.* demonstrabitur, opinioni contrariæ, ex ipsis factis, a noti ingenii & annosæ experientiæ Medicis insistatur.

P A R S S E C U N D A,⁶³

V A R I A S N O V A S

C I R C A

Idem subjectum

O B S E R V A T I O N E S c o n t i n e n s ;

U N A C U M

A N I M A D V E R S I O N I B U S


In leges prædictionis

S O L A N I A N A S.

E T

Monitis quibusdam generalibus, de natura crisiūm,
earumque apud ANTIQUOS consideratione,
& apud MODERNOS neglectu.

Auctore J A C O B O N I H E L L, M. D.





S E C T I O I.

*Continens Productum propriarum
mearum observationum circa
nexum a SOLANO observa-
tum inter ante memora-
tos pulsus & crises.*

C A P U T I.

*Productum propriarum mearum ob-
servationum circa pulsum
dicrotum.*



X. 121. hominibus, in quibus pulsum dicro-
tum observavi, septem solummodo neque
narium hæmorrhagiam passi sunt, neque
ullis symptomatibus afflitti, quæ pro incli-
natione ad tales hæmorrhagias, aut ejus-
dem deficientis sequela, venire possent.

Notari meretur, neminem ex his septem eo tempore
sub acuti morbi lucta, aut insigni quodam naturæ cona-
tu, laborasse, eorumque binis pulsum dicrotum fuisse
irregularēm.

Reliqui 114., omnes aliquibus, plerique multis sub-
sequentium symptomatum afflitti erant; scilicet Universi

*capitis dolore, ejusdem gravitate, vertigine, delirio, stupide-
tate, comatosis lethargicisque affectibus, frontis, tempo-
rum, radicis totiusque tractus nasi, aurium, atque oculorum,
doloribus, aliquando etiam coarctatione, subductio-
ne, & insolita pulsatione, adjacentium arteriarum; pru-
ritu narum, sternutatione, & plenitudine quadam, qua-
lis in coryza adesse solet, surditate, aurium susurris, pu-
rulenta vel ichorosa materie ex iisdem effluxu. Omnia
horum symptomatum maxime communia & notabilia
erant illa, quae nasum adficiunt.*

Ex toto hoc numero, videlicet 114. quadraginta duo aliquibus, multisve memoratorum in praecedenti para- grapho symptomatum simpliciter affecti erant. Ex ultimis hisce, triginta quinque iisdem insigniter admodum torquebantur; quin & aliqui duarum, trium septimanarum, imo & integri mensis, spatio si pulsus dicrotus perseveraret tamdiu, ægrique intra nosocomium manerent. Ex hisce triginta quinque, novem pulsum dicrotum irregularem atque obscurum habuerunt. Septem ex quadraginta duobus primo loco memoratis residui supra dictis symptomatibus imperfectius laborarunt, & circa evidentem cum pulsu consensum, qui in duobus ex his ultimis plerumque anomalus occurrebat.

Reliqui septuaginta duo, omnes, quidam modica, quidam parciore, & quidam exigua admodum quantitate sanguinem dimiserunt. Septem ex hoc numero cum conditionibus adeo æquivocis hæmorrhagiam passi sunt, ut absolute adfirmare nequeam, an sanguis ex postica parte interni narum tractus in fauces ac trachæam stil- larit, uti quandoque observavi, an potius immediate ex ipsis hisce partibus exsudarit: in uno ex septem illis pulsus dicrotus irregularis erat.

Reliqui sexaginta quinque sequentibus circumstantiis narum hæmorrhagiam subibant.

Undecim scilicet, antequam meæ observationi subjice- rentur, quidam immediate, quidam paucos ante dies, eadem jam defuncti fuerant: ex hoc numero quatuor non-


nonnisi instabilem pulsum dicrotum, leviaque admodum capitis symptomata exhibuerunt.

Reliqui quinquaginta quatuor sub observationis meæ decursu hæmorrhagiam patiebantur.

In eorum octo hæmorrhagia, & alia, quæ comitabantur, capiti inimica symptomata, pulsuum variationibus haud regulariter responderunt, nec pulsus ipse in illorum quatuor regularis deprehensus fuit.

In triginta ex reliquis quadraginta sex hæmorrhagia, symptomataque, cum pulsu dicroto, toto, quo hic perduravit, tempore, exactius responderunt. In sex pulsus irregularis erat.

Denique in reliquis sedecim, inter quos duo pulsum irregularem habebant, hæmorrhagia, & symptomata adparuere cum æquali ad pulsū dicroti durationem constantia: etiamsi quinque tantum, aut sex ad summum, exacte juxta conditiones, a Solano in suis prædictionum regulis memoratas, sanguinem excernerent.



C A P U T II.

Productum propriarum mearum observationum circa pulsum intermittentem.

EX viginti tribus hominibus, in quibus pulsum intermittentem observavi, unus solummodo regularem ac permanentem intermissionem habuit; & in hoc, juxta traditas a Solano regulas, exspectationi meæ diarrhæa respondit.

In aliis viginti duobus pulsus intermissio irregularis erat, nec permanens; & licet diarrhœæ inde significatae, juxta Solanum, absolute confidere non licet*,

nihilominus eorum septendecim unum , vel plura , sequentium symptomatum valde regulariter patiebantur ; *Tormina* scilicet , *borborygmos* , *flatus* , *hæmorrhoides* , *alvum laxam* ; & in paucis quibusdam *insolita alvi constipatio* , aut *indigestio quædam* aderat .

In duobus ex quinque residuis casibus , symptomatum horum cum pulsū intermissione consensus magis irregularis ac æquivocus , & in tertio quodam exiguis admodum deprehendebatur ; cum hac tamen notabili circumstantia , quod , postquam purgatus esset æger , intermissio gradatim diminueretur , & evanesceret .

Denique ex toto numero quinque illorum in ultima paragrapgo memoratorum casuum , duo solummodo reliqui omnibus prædictis symptomatibus plane liberi permanserunt .



C A P U T III.

Generales animadversiones circa totum subjectum.

EX prægressis observationibus apparet , quod respe-
ctu omnium , in quibus ego pulsum dicrotum ob-
servavi , istorum , qui vel hæmorrhagiam narium passi-
sunt , vel manife saltem ejusmodi symptomatibus adfli-
eti , quæ pro inclinatione ad tales hæmorrhagias , aut
ejusdem deficientis sequela , venire possent , ad illos , qui
neutro horum fuerunt adfecti , proportio aliquantum ma-
jor sit , quam sedecim ad unum .

Istorum , qui variis tantum capitibz symptomatibus im-
petebantur , ad totum numerum , aliquanto major , quam
unum ad tria .

Istorum , qui regulariter hisce symptomatibus crucia-
bantur , ad totum , fere ut duo ad septem .

Istorum , qui sanguinem dimittebant , ad totum , fe-
re ut quinque ad octo .

Isto-

Istorum , qui sanguinem certo certius de naso excreverunt , ad totum , fere ut octo ad quindecim.

Istorum , quorum hæmorrhagiæ , symptomataque post hæmorrhagias remanentia pulsui mediocriter respondebant , ad totum , fere ut unum ad quatuor.

Istorum , quorum hæmorrhagiæ ac symptomata pulsui exactius responderunt , ad totum , ut duo ad quindecim .

Istorum , quorum hæmorrhagiæ *Solanianis* legibus exacte respondebant , ad totum , ut unum ad viginti .

Juncta proportio istorum , in quibus vel supra memorata symptomata , vel hæmorrhagiæ , quamdiu pulsus dicrotus subsisteret , regulariter perseverabant , ad totum , ut duo ad tria .

Inter omnes illos , in quibus narium hæmorrhagias observavi , postquam observationum *Solanianarum* cognitionem adeptus sum , in duobus tantum pulsus dicrotus deërat .

Hæ observationes , licet iis , quas *Solanus* allegavit , longe inferiores , nihilominus omnino novæ sunt in medicina , ac , consonis etiam non sustentatæ factis , admodum mirabiles videri debent .

Jam vero , quoad mearum observationum defectum , necessarium est animadvertere :

10. Quod , cum ex centum & quatuordecim hominibus , in quibus hæmorrhagias & supra dicta symptomata observavi , viginti octo , id est quarta fere pars , irregularem pulsum habuerint , regularis , sive symptomatum , sive hæmorrhagiæ ipsius , adparitio exspectari non potuerit .

20. Quod summa pulsuum irregularium , undecim , in casibus irregularibus triginta tribus , exacte unam tertiam totius constitutat : altera vero pulsuum irregularium ,

rium, septendecim, in casibus magis regularibus octo-
ginta & uno, non omnino unam quintam totius effi-
ciat. Unde apparet, sumptâ regularium atque irregula-
rium casuum proportione, ultimos hos plerumque tales
fuisse, qui irregulari pulsu stipati erant.

30. Quod ex toto numero, in universum, vix quin-
que, aut sex, acutis febribus laboraverint; harumque
nulla talis fuerit, quales, juxta practicos nostros Au-
tores, ad hæmorrhagias multum inclinare solent; &
quod illæ, quas ego observavi, hæmorrhagiæ, ut pluri-
mum exigua quantitate, & absque insigni ullo naturæ
impetu contigerint.

40. Quod in quibusdam ægris hæmorrhagiæ, quas ob-
pulsum dicrotum exspectabam, non eruperint, donec
quadam pressionis aut concussionis specie, spontanea ex-
gr. sternutatione, alvi exonerandæ nixu, vel vomitu,
adjuvarentur: quæ in his, ad superandam vasorum na-
salium resistentiam, necessario requirebatur. Hæc resi-
stentia in variis illorum, juxta quos observationes meas
confeci, ex naturali morbosave harum partium siccita-
te, & propriæ iisdem muci secretionis defectu, manife-
stissime innotescet. Atque ita quidem vera ad narium
hæmorrhagiam propensio, sine ulla sanguinis apparitio-
ne, potest subsistere.

50. Quod ægrorum tali pulsu præditorum nonnulli,
qui exiguâ valde copiâ dimittebant sanguinem, aut mu-
cum tantummodo cruentum emungebant, licet variis
diebus ita affecti forent, id tamen mihi indicare ope-
rae pretium non duxerint. Subinde mero casu detexi
rem. Forte & alii, me inscio, eandem conditionem
passi sunt. Quousque circumstantiæ istæ, ad excitan-
dam inter *Solanianas*, measque observationes differen-
tiā, concurrerint, Lectori determinandum relin-
quam.

Hoc etiam addendum habeo, observationes meas in
genere non adeo completas esse, ac desiderasssem. Om-
nes, paucis admodum exceptis, factæ fuerunt *Gadibus*

in Nosocomio *Sti. Joannis de Dios*. In plerisque ægris primam dicrotorum atque intermittentium pulsuum adparitionem, ultimumve terminum, observandi opportunitas non suppetiit; cum de pulsūs observationibus meis prævio statu haud satis instruerer, & plerique ægri, antequam hi pulsus cessassent, Nosocomio valedicerent. Quapropter ægorum, pulsibus ejusmodi instrutorum, præsentem statum illi sub quo ante & post fuerant (unde non exiguum lumen accessisset) comparare haud poteram.

Neque adeo mihi favit fortuna, ut pulsus incidui occurrerent, aut illi casus, ubi dicroti vel intermittentes pulsus gradatim (uti pag. 29. n^o. 2. dictum fuit) a majoribus ad minores adparitionis suæ periodos moverentur. Nullam etiam de crisi per vomitum, vel per urinam peculiarem experientiam possideo. Hi igitur causas ad ulteriorem experientiam integre referri debent.

Quamvis autem ob memoratos defectus propriæ meæ observationes nullam mihi potestatem tribuant, ut perfectum absolutumque de *Solanianis* prædictionum legibus judicium statuam, quædam tamen singularia continent, quæ certo inde determinare possim.

10. Apparet dari revera nexus quendam generalem inter memoratos a *Solano* pulsus & relativas eorundem crises; cum decima septima solummodo pars illorum, in quibus ego pulsus dicrotum observavi, hæmorrhagiis narium, variisve capitis affectibus intacta manserit; atque interim (etiam si casus irregulares abstrahantur) duæ tertiae totius numeri partes alterutro, & longe maxima horum pars utroque notabiliter affecta fuerit; sternutatione præsertim, nasique plenitudine ac pruritu; quæ frequentiora, constantioraque observavi in talibus, qui hæmorrhagiâ ipsâ immunes erant.

Quandoquidem meæ circa pulsum intermittentem observationes paucæ sint, & satis uniformes, nullam illæ hic recapitulationem exigunt. Recentem haud dubie Lector de laxa alvo, symptomatibusque, quibus hæc sti-

pata erat , ideam retinuit . Ad confirmationem illius inter pulsum intermittentem ac diarrhoeam nexus , addere conveniet id , quod mihi a *Dno. Ferren* , primo apud *Parisienses* Medico , adseveratum fuit ; videlicet , observasse se , pulsum hunc regulare adeo saburræ in primis viis collectæ symptomata esse , ut intermissione purgato ægro evanesceret ; seque ideo , ob repetitam ejusdem rei experientiam , intermittentem in acutis febribus pulsum pro legitima exhibendi purgantibus indicatione adsumere . Observatio certe *Solanianis* , meisque valde analoga ! Hæc animadversio , cognito quodam in praxi negotio , ulterius corroborari posset ; scilicet , quod pulsus intermittens non raro vermium in primis viis nindulantium symptomata exhibeat . Qualiscumque hujus rei causa fuerit , factum utique proposito meo manifeste favet .

20. Non obstante varia evidētia , quæ ab initio hujus operis in favorem nexūs inter supra memoratos pulsus & relatives eorundem crises observati , ex *Solano* , aliis in *Præfatione* adlegatis Medicis , *Prospero Alpino* , illis qui sub finem præsentis operis sequentur , ac denique ex me ipso adparet ; Omni , inquam , hac evidētia non obstante , ex numero illorum , qui juxta aliquot mearum observationum sub pulsu dicroto nullam narium hæmorrhagiam passi sunt , vel eamdem non exacte secundum *Solani* Regulas patiebantur , constat pulsum hunc inclinationis ad hæmorrhagiam narium signum potius & effectum , quam uti ipse sine ulla hæsitatione pronuntiaverat , absolutum certumque ipsius talis hæmorrhagiæ indicium habendum esse . Quod autem verus dictæ inclinationis effectus sit , ex hujus pulsus evanescētia , dum hæmorrhagia , omnesque ad novam alteram dispositiones , non amplius subsistunt , legitimate concludere possumus . Hocque aliquoties observavi † .

30. Cum

† Vide Parte II. Sect. 2. Cap. 1. obs. 4. & 5. Varia ejusdem rei exempla ex aliis per totum hocce opus passim videri possunt , sed præcipue Parte I. Sect. 2. Cap. 1. obs. 7. & Part. II. Sect. 2. Cap. 2. obs. 7. & 8.

30. Cum ipsi hæmorrhagiæ ex pulsū dicroti adparitione non semper absolute possimus confidere , multo minus tempus , quo hæmorrhagia accidet , exacte prædeterminari poterit ; qualescumque demum remoræ rationes fuerint . Idque etiam mihi ab amico meo *D. Joanne de Pedraza y Castilla* confirmatum fuit , qui , licet *Solanianarum* prædicendi regularum veritatem frequenter expertus (uti ad calcem hujus operis ex aliquot casibus adparebit), nimis tamen iisdem confidendo aliquoties deceptus fuit . Quin & *Solanus* in quadam , paucis postquam *Antequera* redieram mensibus , ad me data epistola ipse confessus est , quod in variis , qui ipsi exiguo ante tempore occurserant , casibus indicatæ per pulsum crises , diversorum in ductibus excretoriis , fluidisve evacuandis , impedimentorum respectu , intra tempus suis prædictionis legibus limitatum minus regulariter accidissent : attamen , remotis hisce obstatulis , easdem immediate comparuisse testatus est .

Reperiuntur quædam hæmorrhagiarum species , quæ probabiliter nullum cum pulsu dicroto nexus habere queant ; tales scilicet , quæ citra ullum naturæ conatum fuent , & ex simplici capillarium nasi vasculorum dilatatione , erosioneve sponte eveniunt : quandoquidem , pulsum dicrotum generalis illius solidorum statūs , qui cum aliquo impetu ac contentionis gradu ad hæmorrhagiam narium tendit , effectum esse concipio .

Jam ad generales quasdam circa pulsum intermittentem animadversiones transeo ; qui , cum longe facilius , quam pulsus dicrotus percipiatur , multarum etiam exquisitarum observationum subjectum fuit , dum integre fere neglectus jaceret alter . Illorum , quibus intermittens pulsus diu familiaris fuerat , dissecatio plane in lucem eduxit causas , unde is , in variis cordis , sanguiferorum eidem adjacentium vasorum , pulmonumque morbis ac impedimentis , producatur ; & theoria mechanica aptos nos reddidit pulsū intermissionem ex iisdem causis demonstrandi . Omnes ejusmodi casus , quos ingeniosus quivis Medicus haud dubie

novit, evidentissime totidem istius regulæ, qua pulsum intermittentem pro criticæ diarrhœæ indicio *Solanus* statuit, exceptiones suppeditant. Sed similius casuum Auctor, qui legendo valde parum profecerat, aut non attenderat saltem, nullam plane notitiam possidebat. Evidens est, in universum loquendo, pulsum familiarem non posse esse criticum †.

Præter cognitas familiaris pulsuum intermissionis causas, alias quasdam ex evidenteribus principiis demonstrare possumus, quæ instabilem, crisiœ omnino extra-neam intermissionem excitant; hujusmodi sunt spasmæ, convulsiones, inflammatio cordis, debilitas, insolita repletio aut inanitio, cum paucis aliis æque obviis, quæ judicio pollentem Medicum non decipient. Ejusmodi casus totidem etiam generalis, circa pulsum intermittentem, *Solanianæ* regulæ exceptiones pariunt.

Sed pulsus hujus adparitionem ad tales, quales ha-
ctenus memoravi casus restrictam non esse, ex materia facti certo constat. Unde varias alias causas supposuerunt, nullas autem plane demonstrarunt, aut cum tolerabili quodam certitudinis gradu particularibus casibus applicuerunt Theoretici. Hæ igitur in possibilitatum mere abstractarum classe remanere debent, quas vera eruditione instructi viri non curant. Unde certo colligitur, nos in omni ejusmodi casu sufficientibus sub præsenti doctrinæ statu rationibus minime instructos esse, ut intermittentem pulsum diarrhœæ indicium renuamus.

Hoc integre ab experientia pendet, & per eam determinari debet; licet causa mechanica relationis dicti pulsus ad diarrhœam, vel aliorum criticorum pulsuum ad singulas suas evacuationes, perpetuo maneret mysterium; vale haec tenus esse; confiteri cogimur.

Propriâ experientiâ præsentio, quam, primo hujus tra-

† *Ballonius* alicubi in suis *Epidemicis* pulsus dicroti familiaris exemplum habet; unicum hujus generis, quod unquam deprehendisse memini.

tractatus adspectu , ad formandas secum de illorum pulsuum causis mille diversas explanationes , proni futuri sint ratiocinatores plurimi ; *Causis* , ab omni crisi idea penitus alienis ; verum , exactam ad circumstantias , sub quibus pulsus tales frequenter accidunt , attentionem inania hæc imaginationis phantasma subito dissipaturam esse , non minus prævideo ; speroque fore , ut hoc monitum æque efficaciter eadem præcavere valeat .

In media ista obscuritate , ex variis , quas circa reciprocos pulsuum criticorum ab uno ad alterum carpum transcursum confeci , observationibus , licebit , credo , conjicere , ipsos neutquam a causa quadam , ad constantummodo , vel generale vasorum sanguiferorum systema , limitatâ , procedere : etenim demonstrari potest in utroque casu , dextri sinistrique lateris arterias per communem aortæ truncum æqualiter inde adficiendas fore , nisi unius lateris vasa , structurâ aut robore , ab illis , quæ opposito lateri inhærent , differant ; quod sæpe ultimo hoc respectu obtinere fateor , quia , in universum , evidenter in dextro , quam in sinistro carpo , brachio hujus lateris plerumque minus exercitato ac debiliore , pulsus dicrotum observavi . Verum evidens est , hanc tunc , omnesque alias , ex præsenti hypothesi natas differentias stabiles , neque in eadem persona ab uno latere in aliud varie transferendas esse . Posituræ etiam , vel sitûs corporis diversitas , adeoque inæqualis axillarium brachialiumve arteriarum diversis temporibus compressio pro dicta pulsûs talis in eadem persona translatione allegari possit ; sed iterum , sæpe nimis regulare deprehendi symptomata hoc , ut causæ adeo instabili possit attribui . †

Nihil aliud igitur , cui proprie adscribi queat hocce phænomenon , remanet , præter nervos (primas nempe

† Quod autem , illam pulsuum criticorum translationem cuicunque arteriarum compressioni non deberi , evidentius etiamnum probat , hoc est , quod pulsus dicrotus subinde minuatur , quin & evanescat , dum interim pulsus iste , in quo ipso id accidit , plenior liberorque insurget . Vide Part. 2. Sect. 2. Cap. 1. obs. 8.

pe ab origine corporis motrices potentias), quos, tam vulgari experientia , quam Anatome , in distinctis suis distributionibus distinctas actiones habere , & diversimode unum alterumque corporis latus eodem tempore adficere posse , novimus .

Inter alias quasdam differentias , dicrotos atque intermitentes pulsus , qui prius in utroque carpo æquales fuerant , in dextro carpo aliquot horarum , imo integræ diei spatio disparuisse penitus , cum interim in sinistro solita sua evidentiâ persisterent , tuncque iterum ex hoc in priorem transiliisse comperi . Unde ob supra dictas rationes admodum probabiliter inferre licet , non solum translationem , aliasque pulsuum illorum differentias , sed & ipsos pulsus ex immediato nervorum in cor , & junctum ipsi vasorum systema influxu procedere , quæ omnia casum , causis suis a vulgaribus pulsuum irregularitatibus admodum distinctum , innunt .

Quantumvis observationes meæ , generaliter loquendo , iis , quas adlegavit *Solanus* , cedere debeant , agnoscendum est nihilominus ipsas in universum ad ejusdem , quam ille proposuit rei demonstrationem tendere , simulque , a numerosis etiam , quæ Auctor produxit , testimoniis abstrahendo , insignem fidei gradum factum ejus adjicere : hæc autem licet vera sint , illis tamen , quæ ipse observavi , edoctus , omnes circa hoc negotium *Solani* observationes æqualis , cum iis , quas edidit , exactitudinis roborisque fuisse , vix existimem . Rarissimum hujusmodi factorum numero ac varietate mancipata videbatur ejusdem imaginatio : eo usque , ut in casibus , quos una observavimus , si pulsu indicatæ evacuationes tardius nonnihil contingent , semper , ut moras tales cum absoluta indicationis certitudine reconciliaret , minutæ quaslibet rationes circumstantiasque vendandi proclivem invenerim . Persuasus erat se , observationum suarum adminiculo , fixam quandam perfectamque crises prædicendi methodum attigisse ; uti ex ipsius legibus in operis hujus exordio animadverti potest ; & imaginationis , novarum rariorumque rerum observatoribus nimis communi , præcipitantiâ , pro completo , hoc re-

77

respectu , invento eadem divulgabat . Adeo difficile est
humanæ indoli , sub blandientibus ideis , & propriæ in
qualicumque successu satisfactionis exsuperantiâ , stabile
præservare judicium !

Manifeste patet , quantum ego a *Solano* differam , ad
simplicem inter observatos a me pulsus & relativas
eorumdem crises nexus , universum negotium reducen-
do : *Nexus* , per quem critici naturæ impetus in lucem
producti sunt , & , inconsultis antiquorum indicis , sæpe
ad aliquot dierum distantiam prænuntiatæ crises ; per quem
igitur eadem in posterum non minus fieri poterunt . Hac-
que solummodo intentione præsentes observationes com-
munico .

Sed simul etiam convictus sum materiem illam cum
cautela , ac patientia tractandam esse . *Cum cautela* ,
ut peremptoria prognosis evitetur , vel falsa crisis spes ,
dum forte inefficax tantum in eamdem propensio obti-
net : *Cum patientia* , ut omnia , quæ criticos pulsus
stipant , symptomata accuratissime perpendantur , ac con-
stanter insistatur observationi similiū casuum , licet res ,
sive ob experientiæ in distinguendis hisce pulsibus defe-
ctum , sive ob casuum ipsorum irregularitatem , non sta-
tim pro voto succederet . Cuicunque non libuerit hisce
conditionibus examinare negotium , ille potius omnino
abstineat .

Considerandum est quam exiguâ absolutæ in medi-
cina certitudinis portiunculâ gaudeamus , adeoque quan-
ti momenti , quanti pretii , quodlibet , quod superad-
dere possumus , certitudinis granum æstimare oporteat :
hoc autem , variarum ad ejusdem rei demonstrationem
circumstantiarum concursu , evidenter acquirimus : quo
magis multiplicantur illæ , eo major certitudo nascitur .
Jam vero , etiamsi iste , de quo hactenus egimus , ne-
xus , futurâ experientiâ , minus adhuc stabilis depre-
henderetur , ac mihi adparuit , attamen , cum idem
absque ulla lite in universum factis demonstratus fue-
rit , liquet cujuscumque ex supra dictis pulsibus ad-
paritionem , cognitis aliis evacuationum pulsu indicata-
rum

rum criticis indiciis conjunctam , insigniorem pro crisi evidentiam formare debere , quam ex sola cuiuscumque horum signorum numeri præsentia obtineri possit .

Ut ut moderna praxis generaliter ad avertendas crises comparata videatur , nihilominus evincunt facta , eas aliquando , imo & post repetitas evacuationes , omnisque generis remedia contingere † . Cum igitur natura adeo immutabiliter propositum teneat , impendentis crisis prænotio ingens certe privilegium æstimandum erit . In ipsis illis casibus , ubi non nisi inefficax tantum ad crisi propensio obtinet , summi Medico momenti est , ad quam evacuationem inclinet natura , vel , ut aliis verbis utar , quis tunc verus status , quæ actio , quæ œconomia sit morbosæ machinæ , cognoscere . Aut hanc esse oportet , quam sequetur Medicus , evidentiam , aut nulla erit : & quidquid ad exactiorem hoc respectu cognitionem dicit , attentionem investigationemque meretur omnium , qui humano generi bene volunt . Unicus ille est , ad quem adspiro , scopus , Lectorem porro propriæ suæ in futurum experientiæ relicturus .

Sed , ut absque partium studio examinari queat negotium , necessarium erit removere difficultates quasdam , legitime forsan *præjudicia* adpellari possent , quæ contra crises a *Paracelsi* atque *Helmontii* temporibus apud plerosque Medicos prævaluerunt , & ad ipsam hujus operis mentionem ingentem male fundatarum objectionum nubem excitare possent . Has igitur , debita non minus prædominant consuetudini reverentiâ , ac decente quam requiret veritas libertate , in sequenti capite considerabo .

CA-

† Tot hujus rei exempla in præsenti opere reperiet Lector , ut opus non sit , ea hic speciatim indicare .

C A P U T I V.

*Monita quædam generalia de Natura crisiū ,
earumque apud Antiquos consideratione,
& apud Modernos neglectu .*

EX universali crisiū hac nostra ætate neglectu merito metuendum est , ne opus hoc , tamquam fraudulentum , imaginarium , & ad resuscitandas in praxi medica ab Hippocrate traditas , diuque jam explosas crisiū nænias directum , multorum censuram subeat .

Ut objectionem adeo speciosam præcaveam , Lectorum veniā , observare liceat :

10. Quod in hoc opere pateat , me unice tantum particularibus factis insistere ; hæcque ipsa solummodo ad incitamentum (ni pessime fallor , sufficientissimum) medicæ artis cultoribus proponere , ut suas circa hanc rem observationes instituant , sicque multiplicatâ magis experientiâ quoisque ea obtineat , & quantum ipſi confidere liceat , determinari possit .

20. Posito etiam , quod in communi praxis decursu crises neque fiduciam , neque exspectationem mereantur , agnoscendum est nihilominus facta in hoc opere communicata suis meritis non plane destitui , quatenus varios particulares casus , de quibus nunquam ante cogitatum fuerat , in lucem protrahunt , & pro exemplis serviunt in ejusdem saltem naturæ casibus , qui subinde naturaliter debebunt occurrere , cum jam inde toties paucorum annorum spatio observati fuerint .

30. Præter criticarum naturæ inclinationum notitiam , quam facta hæc nobis in universum suppeditant , negari nequit ex datis circa pulsum intermittentem observationibus speciale lucrum medicinæ accedere . Notissimum est quam fatales a modernis æque , ac antiquis Auctoribus pulsus hujus in acutis febribus apparitioni pro-

prognoses connexæ fuerint *. Quæ vani terroris, desperationisque scenæ inde in familiis productæ! quam pudendi Medicorum errores, qui in ejusmodi casibus plus semel mortis sententiam ægris suis absolute pronuntiabant, eosdem sub panicis horroribus derelinquentes, dum interim sagacior natura partes suas feliciter in occulto ageret, & juxta communes leges perficeret curas, quas negligentior artifex propriæ defensionis causâ ignoranter vocabat miracula! Jam vero cum terrores illi, error resque iis, quæ commemoro, factis efficaciter sublati sint, intermittens in acutis febribus pulsus nullam amplius sua sponte formidinem ingerit, tunc tantum mali ominis evadit, quando alia ab hoc distincta signa concurrunt, indicando quod non sit criticus, crisis inde significata non conveniat, vel æger nimis debilis haud sufficiat sustinendo. Medicus etiam vano metu liber sibi relinquitur, ut pacata mente ex toto morborum statu judicet, an pulsus intermittens periculum, an felicem potius crisin præsagiat. Si nullum aliud eu præsenti opere beneficium medicina caperet, quam multiplicata innoxiarum pulsus intermissionum exempla in casibus ubi generaliter lethales haberi consueverant, non exigui sane momenti negotium existimandum foret.

4º. Licet ex plerisque modernis Scriptoribus ac Practicis antiquas crism observationes universaliter fere neglectas esse constet, ausim tamen periculum facere intrepide adserendi, nunquam hactenus probatum publice, observationes hasce falsas, vel precario adsumptas esse, aut nostrum earumdem neglectum a quocumque auctore legitime justificatum fuisse.

Evidem me, ea qua nunc a libris meis absum distantia, non satis præparatum fateor, ut rei huic vividae illam, cuius capax foret, ex parte veterum, lucem adferam: attamen, cum id hactenus neglectum fuerit, frequentes, quæ casu penes me jacent, animadversiones

* Hoc ad pueros, aut proiectæ ætatis homines, non extenditur.
Vide pag. 58.

nes Lectori non injucundas fore speraverim.

Ut inutilis objectionum, quæ tam frequenter in crisiū doctrinam accumulatae sunt, farrago removeatur, incipiam observando, quod non obstante operum *Hippocrati* vulgo attributorum confusione, multiplicibusque, quæ in iisdem occurrunt, contradictionibus, nihilominus ex generali totius consideratione appareat; 1º. Ibidem non doceri, omnes acutas febres per crisiū terminandas esse; 2º. Præter dies *Septenarios* ac *Semiseptenarios* dictos (quam proprium, vel impro prium nomen sit, a præsenti meo proposito alienum est, quod unice substantiam rerum sub usitatis earumdem denominacionibus respicit); præter hos, inquam, alios etiam, ut quantum, & nonum pro diebus criticis agnitos fuisse; 3º. Dies *Pares* similiter in criticorum classem admissos; adeoque quantum ex factis, quæ his aliisque *Veterum* operibus continentur, colligere licet (omnes accessorios errores, & philosophicas imprudenter huic subiecto intrusas fabulas rejiciendo), veram crisiū doctrinam nihil in genere aliud portare, quam 1º. Quod dies *Septenarii* ac *Semiseptenarii* criticis febrium acutarum revolutionibus, & talibus plerumque revolutionibus, quæ ad ægri sanationem tendunt, sine ulla, præsertim crisiū minus faventium respectu, aliorum dierum exclusione peculiari quodam modo dedicati sint; 2º. Quod crises per signa hoc scopo a *Veteribus* descripta prævideri queant.

Si semel hunc nodum esse conceditur, uti ego concedendum arbitror, omnes illæ objections, quæ contra *Hippocratis aphorismum 61. sectionis 4.*, aliaque similia loca; contra numeros *Pythagoricos*, prætextamque crisiū, & dierum criticorum cum Lunæ cursu conformitatem *, fuerunt productæ; reperta in variis *Septenariorum* ac *Semiseptenariorum* dierum combinationibus, atque in eorundem cum diebus paribus consensu,

F con-

* Hoc simpliciter juxta *Galenii* hypothesin, neutiquam vero juxta rationalem, a doctissimo DOCTORE MEAD in suo *de Imperio Solis & Luna tractatu* propositum, sensum intelligo.

contradic^{tio}; una cum mille aliis ejusdem farinæ objectionibus, licet tanto clamore a variis auctoribus urgeantur, evidenter rerum tantummodo superficiei inhærent, & a substantia, veraque crisiū doctrina recedunt plane.

Præterea manifestum est illas objectiones, quæ ex supposita in enumerandis acutarum febrium diebus differentia illatæ sunt, precarias, & enerves esse, cum in particularibus, qui pro antiquis crisiū observationibus adlegendantur, casibus differentia hæc nunquam absolute probata fuerit.

Illæ, quæ ex abstractis ideis Theoreticis derivantur, absolute pueriles sunt; quia nos in variolis, morbillis, intermittentibus febribus †, variisque aliis indies occurrentibus morbis, nunquam ha^ctenus regularium criticarum periodorum causas demonstrare potuisse, agnoscere cogimur. Hujus indolis negotia præsentis nostræ in Theoriæ Medicæ cognitione portiunculæ vires in tantum superant, ut illa per abstracta quævis ratiocinationis principia: sive probare, sive refutare velle pro absurdō æque molimine haberi debeat.

Totam ergo controversiam inter illos, qui supra memorato sensu pro crisiū consideratione pugnant, & plerosque *Modernos Practicos*, ad materiam facti utrimque integre reduci patet.

Veteres sua ex parte institisse factis, eademque produxisse, & facta hæc a *Modernis* quibusdam confirmata esse, ignorat nemo.

Sat erit præsenti meo proposito (quod unice eo tendit, ut pro hoc subjecto capaciorum Medicorum attentionem curamque excitem) duo hæc in ipsis nostris Septentrionalibus terris, a binis eximiis Practicis, uno antiquo, moderno altero, dicto ritu factarum observationum exempla sistere.

Mo-

† *Bellini* hac de re opinio ingeniosa tantum hypothesis.

Modernus est celeberrimus *Fredericus Hoffmannus*, adeo notus, adeo usitatus auctor, ut Lectorem ad generales ejus de crisibus observationes in *Tertio medicinæ rationalis volumine* ablegare sufficiat: ubi antiquos vindicat, atque ex præclara quadragenariæ praxis experientia demonstrat in plerisque acutis febribus tertium, quartum, septimum, undecimum, vel decimum quartum diem pro revolutionibus criticis peculiariter notabiles esse; & ab omnibus aliis diebus nonum atque undecimum, pro infelici, quæ illas sæpe comitatur, catastrophe distinguit. Profecto vel tam regularis (qualis hic) experientiæ cursus alicujus ponderis atque auctoritatis æstimari debet, vel nulla esse poterit ars Medicina!

x.

Aliud exemplum a clarissimo *Forestio* sumam, auctore sive eruditione medica, sive experientia nemini suæ ætatis secundo. Cum opera ejus hoc tempore nonnihil rariora sint, variis Lectoribus longe magis placitum non dubito, si hinc illorum, quæ subjectum, quod tracto, respiciunt, compendium invenerint, quam si simpliciter ad fontem amandentur.

Ex quadraginta octo febrium acutarum historiis, ab auctore hoc † sine ullo hujus nostri subjecti peculiari intuitu enarratis, admodum memorabile est, triginta septem casus (id est , tres quartas partes totius numeri) vel crisibus stipatos fuisse, vel istis diebus terminatos, quos *Septenariorum & Semiseptenariorum* titulo insignierunt; 4^o. 7^o. 11^o. 14^o. 17^o. , & 21^o. , ex hoc numero, scilicet triginta septem, septendecim ægri crises subierunt, sex moriebantur: ingenti sane discrimine!

Ex hisce febribus, quinque quarto die terminabantur, tresque ægri peribant; duæ & viginti septimo, quibus alii tres occubuerunt; reliquæ, 14^o. septem, 11^o. binæ, 17^o. una, & 21^o. itidem una, feliciter desinabant.

Qui de quadraginta octo restant casus (hoc est quar-

ta totius pars) vel crisibus stipati erant, vel terminati diebus sequentibus, 5^o. 9^o. 10^o. 20^o. & 24^o; sed cum notabili hac a supra memoratis casibus differentia, quod hisce diebus binæ tantummodo crises contingerent; qui numerus casuum ad præsentem paragraphum pertinens, quintam nequidem partem valet; dum interim numerus crisiū, quæ *Septenariis* & *Semiseptenariis* diebus acciderant, casuum ad hosce dies spectantium, dimidiā fere adæqua verit. Quinque ægri sanabantur, sex alii peribant, id est tot præcise, quot ex triginta septem in duobus prægressis paragraphis memoratis interierant.

Septem ex his febribus nono die finiebantur, quibus quinque ægri succubuerunt; aliis quinto die moriebantur; & ex binis casibus criticis unus lethalis erat.

Omnibus rite libratis, apparet evidenter, quam immensum omnes reliquos dies septimus, & quoad numerum, & quoad felices crisiū, terminorumque eventus, superaverit: hic enim dies duodecim crises, sanationes novendecim, & tres solummodo mortes habuit. Proximus septimo decimus quartus erat, quo duæ acciderunt crises, sanationes septem, nulla mors. Quartus autem nonusque contraria ratione occurrunt; ex quinque, quorum febres absque crisi omnes quarto die terminabantur, tres perierunt; nono una tantum crisis adparuit, & ex septem hoc die terminis quinque lethales erant.

Prægressis observationibus constat pariter, ex novendecim, qui crises subierant, ægris non nisi unicum interiisse (summum sane pro critica methodo patrocinium!); dum interim ex viginti novem, quibus crisis beneficium non obtigit, undecim obiissent. Sed & hīc conveniet maximi ad hoc negotium momenti observationem adjicere, scilicet, quod juxta traditas ab *Antiquis* regulas, varias illarum crisiū *Forestus*, uno, duobus, tribus diebus, priusquam evenirent, prædixerit; uti curiosus quilibet Medicus, qui perlegendis istis historiis impendet operam, non minori oblectamento, quam fruētu percipiet.

Longe absum, ut generales quasvis absolutas regulas ex tam parvo factorum numero constitutam: nec, ea a libris meis distantia, aliisque negotiis non omnino liber, exactam horum factorum comparationem suscipere valeo, cum illis, quæ alii acutarum febrium *Historici* communicarunt; attamen, nisi me fallat memoria, ausim adserere, quod hoc, de quo nunc agimus, subiectum tali comparatione haud multum amitteret; desideraremque, ut ea legitime institueretur. Interea prægressæ animadversiones sufficiunt, evincendo, crisium doctrinam, recte intellectam validis facti testimoniiis vere sustentatam videri, & a prudenti quovis Medico nullatenus vel pro ridicula tractandam, vel superciliosè considerandam esse, donec hæc, aliaque similia facta per experientiam aut falsa, aut precaria probata fuerint.

Quoad Practicos porro crisium in Medicina usus, duo argumenta opponi possent. Primum, quod a præclaro quodam Medico objectum audii, in periculo consistit, quod, ne crises concomitetur, timent; ex supposito scilicet, quod hæc a violentâ tantummodo, ad evacuandam præpollentem aliquam fluidorum sarcinam, naturæ luctâ orientur: *lucta*, in qua oneri ipsa posset succumbere; quamque ideo avertere potius, quam periclitari, prudenter suadeat.

Revera agnoscendum est, quod violentia & agonizæ, quæ crisis aliquando junguntur, una cum periculis naturæ sub conatu critico deficientis effectibus, objectioni huic robur addant, probentque talia nonnunquam contingere; sed, in universum aliter se habere, evidenter fere ex sequentibus observationibus liquet.

10. Certum est multa crisium exempla, post insigne admodum per missionem sanguinis, purgationemque evacuationes, occurrere: quorum aliquot in hoc opere reperiri possunt.

20. Variæ crises citra ullum memorabilem in ægro tumultum, luctamve accidunt: quarum pariter aliquot in hoc opere exempla prostant. Hæc binæ observationes

cum objectione jamjam memorata subsisteret absolute nequeunt.

3º. Crises generaliter fixum quendam ordinem sequuntur: 1º. ratione dierum, quibus eveniunt; 2º. prægressæ coctionis, vel cruditatis respectu; unde, certitudine cuicunque alteri, qua in praxi medica gaudemus, æquali, crisi successus prævideri potest. Huic ex materia facti institerunt *Veteres*, eandemque *Moder-
ni* illi, qui conficiendis circa hoc negotium exactis obser-
vationibus dedere operam, confirmarunt; 3º. respectu signorum prognosticorum, per quæ crises tribus subinde, priusquam accident, diebus prænosciri possunt, dum nullus insolitus tumultus, luctave in ægro apparet, ut ex *Forestio*, *Solano*, aliisque probare licet.

Ex observationibus ultima hac paragrapho adlegatis evidenter sequitur, quod saltem in ibidem memoratis casibus elateres corporis, si id ita exprimere liceat, in antecessum ad tonum futuræ crisis intendantur, omnisque eorumdem præcedens actio ad præparandum hunc eventum tacite concurrat. Talem corporis conditio-
nem, naturalem necessariumque sedis morbi, qualitatis morbosorum fluidorum, ac generalis in solidorum Systemate dispositionis, effectum esse appareat; quorum imperceptibiles combinationes, absque ulla periculosa violentia, ad certos quosdam mensuratos motus, & peculiарiter fixas evacuationes, per simplicem proportionis ac harmoniæ effectum, totum determinant. Prævia hæc ad crisi præparatio, sub circumstantiis in tribus prægressis paragraphis memoratis, evidenter nihil aliud est, quam stabile naturæ † opus, aut illius corpori prospicientis mechanismi, quem destinavit creator, ut gradatim subigeret, tuncque expelleret, quidquid ulla ratione noxiū reperitur, per talia particularia emissaria, quæ juxta combinationes jamjam indicatas, capacissi-
ma

NOTULA INTERPRETIS.

† Toties hic & alibi, passimque in Scriptis Medicis, *Naturæ* no-
men, *Naturæ* opera prædicantur, ut utile duxerim peculiarem,
ad calcem hujus opusculi dissertationem addere, quæ *Naturam* il-
lam, ejusdemque dotes & actionem explicet.

ma sunt concedendi transitum . Hoc naturæ opus perpetuum est , costans , atque uniforme , quia a permanenti principio , ipsa nempe corporis nostri structura derivatur . In levibus febriculis talia fere imperceptibiliter eliminantur ; evidentius autem in gravioribus ; at tunc solummodo cum violentia , tumultu , & periculo , quando corpus violentissime adficitur , vitalesque elates ad rupturam parati sunt . In postremo hoc casu , hocque unico supra memorata objectio locum tenet .

Secunda objectio consistit in incertitudine prævidendi crises : cuius responsum in tertia parte illius , quod ad primam objectionem dedimus , quodammodo anticipatum fuit . Sed primarium profecto hoc est , objectionem istam mere arbitrariam , & documentis desitutam esse . *Antiqui* sua ex parte propugnarunt facta ; qua de re aliquot jam inde exempla protuli ; & ex his fixas pro crisiūm prædictione regulas constituerunt : *Facta* , & *Regule* , utraque æqualiter ipsis nostris temporibus , ut varios alias præclaræ famæ Medicos taceam , a magno *Boërhaavio* adoptata . Tam longæ , totiesque repetitarum observationum seriei pondus haud dubie sentiet , qui cumque perpenderit .

Quæritur jam : ex quibus factis , illæ , ab *Antiquis* pro crisiūm prædictione constitutæ , Leges falsæ aut præcariæ demonstratæ sunt ? Per quos Auctores ? In quibus circumstantiis ?

Oportet h̄ic animadvertere , nullas observationes aliqua justitiæ specie contra *Antiquorum* illas urgere posse , nisi tales , quæ juxta ipsorum normam factæ sunt . Manifestissimum est , quod si tota signorum series , quæ juxta *Veterum* observationem ad futurarum crisiūm cognitionem ducit , cruditatis videlicet & coctionis indicia , una cum iis , quæ imminentem crisiū indicant , vel illorum aliquid , in morbi historia neglecta fuerint , tunc hujusmodi historia sine evidenti consequentiæ vito contra *Antiquarum* circa crises observationum certitudinem allegari nequeat ; quia una pluribusve ad crisiūm cognitionem absolute requisitis conditionibus ma-

nifeste caret. Iterum; licet observatio hæc dicto respectu penitus perfecta fore, sed Activus Practicus, nata in ægro revolutione critica (quæ sæpe febris exacerbatione, anxietate, subinde etiam delirio stipatur), evacuationibus, narcoticis, aut aliis quibuslibet intempestivis remediis naturæ operationem turbaverit, manifestum est, in simili casu defectum crisis (si hæc deinde deficeret) nulli in *Veterum* observationibus incertitudini attribuendum fore. Itaque secundo quæritur: utrum vere in medicina observationum accurate juxta *Antiquorum* normam factarum series aliqua existit, quæ illas, quas ipsi circa cruditatem, coctionem, crismque prædictionem adlegarunt, evertat? Quod si ita sit, tales observationes omnium oculis exponantur; sin se-
cūs, moderna nostra in acutis febribus praxis multis difficultatibus, quæ nondum hactenus elucidatæ sunt, subjecta erit.

Notum est certam quamdam curandi methodum, non improprie *Herculeam* appellatam, præsenti hac ætate in medicina prædominari; illam intelligo, qua naturam subjugare conantur Medici, & cogere acutas febres, ut ea via incedant, quam ipsi suprema ratiocinationis potestate, antiquis de naturali morborum horum decursu ac progressu observationibus non curatis, in singulis symptomatibus convenire existimant. Sic ad cujuscumque insolitæ anxietatis, delirii, exacerbationis febrilis adparitionem sanguinis statim missio, vesicatoria, opium, aliave remedia præscribuntur, non examinando, uti fecerunt *Veteres*, ex antecedente febris in omnibus suis circumstantiis decursu, an ea, quæ aggrediuntur, accidentalia tantum, an critica potius symptomata fuerint: quæ tamen res in determinandis validis quibuscumque remediis, ut ex diversis exemplis practicis judicari potest, summi sane momenti videtur. Vix aliquem modernum Medicum reperiri credidimus, qui sibimet *Galen* vices non optaret, dum magnus hicce vir, ex imminentis criticæ narium hæmorrhagiæ præscientia, jussam in *Romano* juvē ab aliis Medicis venæ sectionem averteret, & felici prædictio-
nis suæ successu immediatam ægro sanitatis recuperati-

tionem , famamque sibi gloriosissimam compararet . In tertio , de narium hæmorrhagiis , prima hujus Operis parte , a Doctore Alvarez adfirmato casu , haud existimem , quod ullus sani judicij Medicus sibi gratulatus fuisset , si , crisi präcedente vespera , ægro misisset sanguinem , uti Doctor Alvarez decreverat ; aut , pacata mentis consideratione , tam subitam , tam completam curam ab artificiali sanguinis missione exspectasset , quam ibi hæmorrhagia critica producebat . *Ballonium* , exatrum naturæ observatorem , agnatumque limati judicij Practicum , in primo suo *Epidemiorum libro* , quascumque , adpropinquante , vel präsentे die critico , evacuatio-nes strictissime prohibere , memini ; post leve purgans , sexto acutæ febris die exhibitum , violentas periculosasque hypercatharses sëpe se vidisse , testando . Similis ob-servatio in 4º. *Libro Περὶ Νόσων* , Hippocratis adscripto , prostat .

Cum metuam , ne präcipites quidam *Theoretici* duo hæc prostrema monita , tamquam präoccupatæ imagi-nationis , & antiquæ medicinæ superstitionis effectus considerent , illorum causâ , e re esse poterit , ut ea maximi , quem präfens ætas , & quæcumque forsan post *Hippocratem* alia , produxit , Practici auctoritate confir-mem . Hoc charactere celeberrimum olim Doctorem *Radcliffium* ultro agnoscat quivis . Magnum huncce vi-rum religiosa quadam , & stupende felici criticorum naturæ operum observatione imprimis claruisse , & , quoad omnium turbantium remediorum , mitissimorum-que etiam catharticorum usum in acutis febribus cau-tissimum fuisse abunde innotuit . Inter varia ipsius de hoc negotio sententiæ exempla , a Medico quodam , meritis & candore präclaro , qui ei admodum familiaris fuerat , sequens mihi narratum fuit . Sed , dum factum me-moro , eorum , quos concernit , nomina supprimam , ut in-vidiosa quævis & inutilis in ipsorum memoriam animad-versio caveatur . Æger quidam , febre acuta laborans , eo-dem , quo leve purgans sumpserat , die , hypercatharsi moritur : ille , qui präscripserat , producit formulam , & , pro sua justificatione , medicamenti lenitatem ad-le-gat , quod adeo blandum videbatur Medicis , quos ea

occasione convenerat, ut ipsum ab omni mortis imputatione prorsus liberum declararent. Doctor Radcliffe, cuius ea de re judicium quærebat, post naturæ symptomatumque febrilium examen, cathartici revera lenitatem agnoscit; sed, proprio sibi emphatico stylo, pronuntiat, *Fuisse intempestivum, impeditam inde crisin, adeoque occisum ægrum.*

Hanc Medici, qui admirabili in cognoscendis morbis sagacitate, & incomparabili praxis suæ successu, novum dignitatis auctoritatisque gradum medicinæ addidit, sententiam, apud violentissimos etiam crismum hostes, alicujus momenti æstimandam fore, merito sperari potest.

Ex paucis hisce, inter mille alias selectis, animadversionibus adparet, quam imprudens periculosemque esse possit, sine ullo ad crisis observationem respectu, valida in singulis febris acutæ mutationibus medicamenta præscribere.

Hoc non acutarum tantum, sed & intermittentium febrium ratione, per novas atque exquisitas Hippolyti Francisci Albertini, in *Actis Academæ Bononiensis anni 1731.* traditas observationes ulterius etiam corroborari posset: *Observationes*, iis, quas alii deinde Medici eidem Academæ communicarunt, adeo universaliter confirmatas, ut, easdem pro veris, constantibus, atque fide dignissimis, in publicum emittere eruditissima hæc *Societas* minime hæsitaverit. Cum *Acta Bononiensia* omnium manibus non terantur, pluribus Lectoribus placitum crediderim, si hic earum, de quibus loquor, observationum compendium deprehenderint.

1º. Accurata & diurna experientia observavit *Albertinus*, nullum ægrum corticis peruviani ope a febre intermitente plane, tutove, curatum fuisse, nisi immediate, brevi post, vel tardius nonnihil, crises subiret, similes istis, quæ in febribus per alia remedia, vel per naturam curatis semper fere observantur. Animadversio, quæ tales eludit Medicos, quorum in obser-

fervando diligentia una cum febre cessat, nec toto convalescentiae stadio ægrum prosequitur.

20. Usum corticis varias crisiū distinctas species, sudores, diarrhoeas, urinæ, imo & salivæ fluxum, auctamve, & ab illa, quam ante habebat æger, diversam, foetidoque nidore distinguendam, perspirationem promiscue adducere. De ultima hac unum ex variis notabile exemplum feligit, ubi, post usum corticis, prout critica illa perspiratio diversa ratione (si id ita exprimere liceat) flueret vel refluueret, ita pariter melius pejusve habebat æger; sicque sub dubia sanationis & recidivæ vicissitudine perseverabat, donec stabili aliquot dierum fluxu perfecte tandem convalesceret. Proprietatem hanc, crisiū interventu curandi, in omnibus aliis febrifugis, validisque in univerfum remediis, animadvertisit *Albertinus*.

30. Quemadmodum salutares corticis effectus ad peculiarem aliquam crisiū limitati non sunt, ita nec tempus, quo crisiū harum una quædam vel plures post remedii istius usum adparent, stabile & regulare occurtere: aliquando tunc tantum contingere crisiū, postquam aliquot jam diebus intercepta per corticem febris fuit, & in pristinam sanitatem rediisse videtur æger †; sed, absque crisi, intutam curam.

40. Crises has non febrim tantum, sed & notas inde recentes viscerum obstructiones tollere.

50. In febribus intermittentibus, quas præcessit, aut
CO-

† Simile quid præclarissimorum inter *Londinenses Medicorum* praxis exhibet, apud quos nota felixque aliquot elapsis annis consuetudo obtinuit, sub ipsa intermittentium per primas corticis doses suspensione, lenia & roborantia cathartica præscribere, idemque post aliquot dies iterare remedium; vel ab ipso initio talem regulariter similium catharticorum copiam miscere cortici, quæ, sine effectus corticis per niniā laxitatem destructione, apertam alvum servare posset. Invaluerat jamjam memorata methodus insigni, quem, in præservandis a cachexia, ictero, vel hydrope, ægrotis, habuerat successu, quæ in certa quadam epidemica constitutione post consuetam intermittentium curationem frequenter acciderant.

comitatur solitæ cujusdam evacuationis suppressio , ægros in periculo versari , nisi laudabiles crises usum corticis immediate excipient . Variis hoc evidentibus exemplis illustrat *Albertinus* , hominum , quos , post scabiei , ptyalismi , podagræ , variorum ichorosorum fluxuum , antiquorumve tumorum , recessum aut suppressionem , intermittentes prehenderant . His datus erat cortex , remota igitur aliquot diebus febris , ægrique omni verisimilitudine restituti perfectissime , sed absque ulla crisi ; cum sub maxime blandienti prosperæ sanitatis spe in violentos subito morbos , alii in inflammationes , febres acutas , & parotides , alii in periculosos capitis defectus , stupiditates , paralyseque , alii denique in apoplexias inciderent .

Paucas aliquot ex prægressis factis practicas leges *Albertinus* deducit , quas , quia perspicaci cuivis Medico facile occurrit , omittam ego .

Id tantum generaliter observabo , quod , cum febres , pro quibus efficax adeo specificum (corticem sc .) possidemus , ipsæ absque crisi ope vere curari nequeant ; cum exquisita ad crises attentio , dirigendis in ejusmodi febre Medici actionibus , firmandoque verarum aut fallacium curationum respectu judicio , ipsis factis adeo necessaria demonstrata fuerit ; quanto magis omnia hæc in acutis febribus requirentur , in quarum sanatione naturam multo insigniores partes agere notissimum est , magisque , quam ad intermittentium profligationem contribuere ? Cum vero crises istæ , atque earum sequæ , plerorumque Medicorum in febribus intermittentibus observationem eluserint ; cum easdem observandi defectus tam multos , tam graves , & imperceptos nihilominus errores produixerit ; quam valide igitur similium errorum suspicio in communem , acutarum respectu , crisi neglectum cadet ? Utique sufficere videntur hæc , ut prudens quivis Medicus ad legitimum dubium , reique istius examen revocetur .

Corticis , sine adjuncta crisi ope , in radicali febrium intermittentium curatione inefficacia ad veri re-

mediorum effectus , operationisque , exactiorem scientiam deducere nos poterit , & faventem magis crisium ideam suggerere , quam quæ , post medicinæ a Chymicis invasionem , prævaluit . Ut res hæc clariori etiamnum lumine perfundatur , examinare salutares bonarum crisium effectus , & cum iis , quos efficacissima nostra remedia producere valent , comparare conveniet .

10. Certum est aliquas corporis nostri conditiones occurrere , quæ , ut morbosa fluida eliminantur , peculiares quasdam determinatas evacuationes exigunt : quibus alias quascumque evacuationes substituere inutile sœpe , & periculose fuerit . Hæmorrhoidalis revera fluxus , & menstruus revulsivâ sanguinis missione supprimi aliquando potest : sed , licet copia sic evacuata naturaliter evacuandæ alteri æqualis , vel & major fuerit , attamen generaliter imperfecta illa compensatio , & mille suppressionis pedisequa , incommoda avertendo inepta deprehenditur ; quia natura illa ipsa ratione non levatur , quam universalis totius machinæ determinatio postulat , neque isthæc determinatio substituta artificiali sanguinis missione immutatur . Stabilis iste (si phrasin repeteret liceat) ad certum quemdam tonum tensi corporis impetus clarius etiamnum in quibusdam cephalalgiis patet ; quæ omni , juxta communem venæ sectionis ac purgationis methodum institutarum , evacuationum vi numquam removeri poterant , sed ipso instanti , & ad stuporem usque , aperta temporali arteria fugabantur : cuius rei multa apud *Prosperum Alpinum* , *Balonium* , *Marcum Aurelium Severinum* , *van Meekren* , aliosque exempla prostant .

Igitur ex materia facti manifeste constat certis quibusdam occasionibus certas tantum peculiares evacuationes noxiis fluidis liberare corpus , aut machinæ tonum atque impetum mutare posse .

Quod autem propriis signis criticis (id est , ipsis illis , qui ex circumstantiis morbi , & universali morbos corporis impetu , sequuntur , effectibus) prævie denotata crisis eminenter naturalium istarum evacuationum una videatur

tur, quæ, æquali aptitudine & securitate, alia quamcumque evacuatione suppleri nequeunt, ex principio in præcedenti paragrapho indicato satis liquet; videlicet, quod natura per spontaneam crisiim immediate levetur, illa peculiari ratione, quam machinæ determinatio & necessitas tunc requirunt. Hoc autem, ni pessime fallor, vere in materia facti consistere, cuilibet non præoccupato constabit, qui salutares multarum crisiū effectus aliis illis efficacissimorum nostrorum & *Herculeorum* remediorum effectibus exacte comparaverit. Acutarum febrium, crisiis subito & perfecte remotarum, exempla in practicis nostris auctoribus nimis communia sunt, quam ut in dubium revocari queant; & propriâ evidentiâ adeo demonstrata subsistunt, ut opus non sit, ad aliqua hujusmodi facta provocare, quæ ipse verisimiliter Lector in *prima præsentis operis parte* ultro animadverterit; cum ex adverso interim, similia exempla fide digno quodam in ejusmodi casibus opum medicarum successu umquam æquibrata fuisse, haud meminerim. Hæ revera mirabiles sæpe produxerunt effetus, faustamque desperatis casibus mutationem sensibiliiter induxerunt; at hic earum efficacia limitatur, nec unquam forte ad immediatam perfectamque febris acutæ gravioris sublationem extensa fuit. Inter omnia remedia, mirabilibus, quas in instanti perfecit, curis, summum Medicinæ honorem *Arteriotome* addidit: sed hæc illi, quod nunc tractamus, negotio opponi nequit; etenim tantum abest, *Modernos* nos illius vere *Herculei* remedii usum ad tales, qui id manifeste videntur exigere, acutarum febrium casus * extendisse, ut id ipsum universaliter neglexerimus, in iisdem etiam casibus, ubi ab elapsi seculi Medicis tam feliciter exploratum fuerat.

Crises igitur, optimaque nostra remedia, singula sub amicissimo cuivis lumine perlustrando, priores efficaciâ posterioribus præstare plurimum, iisdemque ergo apte compensari haud posse, factis constat.

2º. Idem

* V. G. Inflammationes menyngeum & cerebri, tales præsertim, quæ visibilem carotidum pulsationem excitant.

20. Idem hoc , in peculiaribus quibusdam casibus , vi-
tiosis in criticarum evacuationum materie observatis
qualitatibus , putridis e. g. fœtidissimisque urinis , sedi-
bus , atque sudoribus * , ulterius evinci potest ; nam si
activus Medicus , imprudentia , aliave qualibet ratione ,
imminentem hujus generis crisi averteret , quam fata-
les esse possent sequelæ ? Quam incerta hujusmodi ma-
teriæ per alia emissaria expulsio ? Quam periculosa ejus-
dem intra corpus , donec expelli queat , mora ?

Sed , licet remediis nostris æqualis cum laudabili crisi
efficacia concederetur , tunc tantum in partes venirent
illa , quando natura nec manifeste , nec regulariter ad
talem crisi procederet : dum enim eo procedit hæc ,
inutilia ista , si non immediate periculosa , haberi de-
bent : *Inutilia* , quia ad summum æqualis solummodo
cum bona crisi efficaciam supponuntur ; *Periculosa* , quia
universalem corporis impetum violente mutant , aut
debilitant , totamque perturbant machinam , ut hæc ad
aliam quandam determinationem invertatur : quæ , sine
certo quodam (instrumenti musici ex uno in alterum
tonum transferendi discordiæ utcunque comparando)
tumultu , concipi nequaquam potest . Constat in omni-
bus ejusmodi casibus difficultas , & licet fatalibus per-
petuo effectibus non stipata , attamen , morbosos istos ,
& spontaneæ criticæ expulsationi paratos , humores vi-
sceribus infigendo , practicis mörborum historiis abunde
periculosa adparuit , ut majorem , quam quæ in *Moder-*
na nostra Herculea praxi eidem passim adhibetur , atten-
tionem mereri possit .

Quæcumque pro antiqua crisi observatione allega-
vi hæc tenus , strenuam curandi methodum excludere
nequaquam debent . Accuratam revera in Medico , con-
tinuamque ad minutas quaslibet signorum criticorum
cir-

* Galenus , a Ballonio , Ep. edit. Venet. p. 42. citatus , alicubi in
suis operibus , Omnes fœtidas excretiones pernicioſas esse , statuit : Fal-
ſa evidenter adſertatio ! Vide ſupra Obs. V. de Sudoribus Criticis ,
item Ballonii Ep. pag. 117. & Albertinum in Act. Acad. Bonon.
loco cit.

circumstantias attentionem exigunt ; sed tunc tantum
 clamant otium , dum felicem inde futuram crisi pre-
 videt . Integra sub acutarum primordiis libertate gau-
 det , media , quae ars suggerit , efficacissima adhibendi ,
 ut inflammationis , plethorae , aut collectae in primis
 viis saburræ sequelas precaveat . Tempus hoc , ratione
 & experientia teste , alaci magnanimaque actioni con-
 ceditur , priusquam radices egerit morbus , & sustinen-
 dis remediorum viribus necessarium adeo ægri robur
 deficiat . Prætiosa hæc occasio , a qua faustus vel infaustus fe-
 brium acutarum exitus fere omnino pendet , tanto a cri-
 ticis morbi periodis intervallo , crism observatori æque ,
 ac vituperatori patet . Fortunatissimum sane se sentiet
 prior , si causas morbosas eo tempore ita subjugare po-
 tuerit , ut arceatur crisis necessitas , morbusque ad spon-
 taneam insensibilem resolutionem perducatur . Maturio-
 ribus morbi periodis , nulli non magis restrictioni sub-
 jacet , nisi illi tantum , quae ab exacta in observandis
 omnibus mali circumstantiis vigilantia , ab exquisita
 in distinguendis inde salutaribus noxiisque revo-
 lutionibus , attentione , & denique a prudenti sub
 priorum prædominio omnium validorum remediorum
 abstinentia nascitur . Nec onerosius hoc , quam quod
 unicuique Medico inevitabiliter incumbit officium : ete-
 nim naturam aliquas in morborum curatione partes age-
 re agnoscunt omnes : vixque aliquem Medicum tantæ
 in prescribendo incontinentæ suspectum arbitror , qui
 de hoc , propria naturæ sufficientia indicto ipsi , otio que-
 relas fundat . In omnibus aliis morbi mutationibus (ta-
 les intelligo , quas aut mere morbosas , aut perversas ,
 aut licet sua indole salutares , morbi tamen magnitudi-
 ni impares , deprehendit) omni vigore , totisque *Her-
 culeæ* methodi viribus , distinguere sese & poterit , &
 debebit . Hoc revera videtur medium , inter absurdam
 istam pusillanimem praxin , quae ex inepto metu naturæ
 ordinem , criticosque ejusdem impetus perturbandi , ægrum
 morbi ferociæ ignave tradit ; præcipitemque illam me-
 thodum , quae salutares naturæ operationes cum morbo-
 sis mere symptomatibus confundit , & utralibet sine ul-
 lo discrimine aggrediendo , regularem morbi cursum per-
 vertit , novas morbosas complicationes excitat , maxi-
 me

97

me naturalia simul , & efficacissima curationis media
pessumdat .

Ut hujus de crisibus dissertatiunculae summam recol-
ligam , adparere existimem ; 1º. quod , si res ista ab
extraneis omnibus , quas abstractæ ratiocinationis præ-
judicia eidem miscuerunt , fabulis atque hypothefibus
depuretur , quæstio de vera crisiū , dierumque iis pe-
culiariter adproprietorum , existentia , ad meram facti
materiem utrimque reducenda veniat ; 2º. quod adfir-
mativa validis , modernis æque ac antiquis factis susti-
neatur ; talibus faltem , quæ omnes non præoccupa-
tos Medicos ad ulterius illius subjecti examen inducere
abunde valeant ; 3º. quod crises non sint meri effectus
naturæ sibi ipsi relietæ , & violente luctantis sub inertí
noxiorum humorum sarcina , ut quidam Medici existima-
runt ; at successiva potius , continua , definita opera
exquisiti illius mechanismi , innatique , & propriæ con-
servationi jugiter invigilantis , principii , quo providen-
tiæ placuit , nostra dotare corpora , a creatore certo
certius destinata , ut , licet ex propriæ suæ structuræ in-
dole , & externorum agentium injuriis , mille diversis
malis ac periculis indies exponantur , in longam tamen
annorum seriem subsisterent . Hoc universo circumstan-
tiarum , salutares crises concomitantium , satellitio de-
monstratum fuit ; 4º. quod , sine ullo ad crisiū ob-
servationem respectu , valida in singulis febris acutæ
mutationibus remedia præscribere , periculo non ca-
reat ; 5º. quod , sub determinato quolibet ad crisiū im-
petu , crisiis hæc alia quamque evacuatione , æquali
aptitudine & securitate , suppleri nequaquam possit ; 6º.
quod salutares bonarum crisiū effectus optimorum no-
strorum remediorum efficaciam longe videantur excede-
re ; 7º. quod ingeniosa crisiū observatio magnanimæ
praxis methodo haud repugnet ; 8º. quod hac in re
nullæ observationes contra *Antiquos* legitime allegari
possint , nisi tales , quæ juxta eorum normam confe-
ctæ fuerint .

Itaque , generalibus illis , quæ , de antiqua crisiū
observatione , summoque quod in praxi mereantur

G pon-

pondere , fortuito penes me jacuere , animadversionibus
 enarratis ; eas mihi , licet istis , quas subjectum admit-
 teret , iisque etiam , quas , si otio & requisita libro-
 rum opportunitate fruerer , pro eodem ipse urgere pos-
 sem , longe inferiores , haud exiguo tamen momento
 occurrere , fateri cogor . Sinistris aliquot in operis hu-
 jusce scopum objectionibus obviasse , idemque affectato
 hodie crisium fastidio exemisse , praesenti proposito pla-
 ne sufficiet . Donec ex opposito legitime stabilita res ,
 & justificata fuerit , vix leniori eam , quam *Affectatio*
fastidii titulo adpellare possim . Tamdiu igitur , nos hac
 in re sine ulla ratione a veteribus deflexisse , mera-
 que consuetudine , & dominantibus quibusdam elapsi
 seculi præjudiciorum reliquiis , ad hodiernam nostram
Herculeam praxin pervenisse , non sine verisimilitudine
 aliqua , modernis nobis imputari poterit .





S E C T I O II.

*Continens exempla quædam pecu-
liaria, ex propriis meis obser-
vationibus circa supra memo-
ratos pulsus & crises, cum
variis selectis casibus,
mibi per amicos
communicatis.*

C A P U T I.

Nova observationes circa pulsum dicrotum.

O B S E R V A T I O I.

JLLA, qua *Antequeræ*, die 17. Settembris 1737. appuleram, vesperâ invisens me *Solanus*, in iis, quæ eo usque de suo invenio audiveram legeramve, nullum sese fundamentum ponere velle, inquiit; consentire se, ut antecedentia omnia illius rei documenta prætermitterentur, totumque negotium ad talium, quæ sub mea in ista civitate mora occurserent, factorum testimonia reducerem.

Pacti tenax, ejusdem mensis die 21. mane adsumpsit me ad nosocomium *Antequeræ Sti. Joannis de Dios*, ut pulsu dicroto instructum, sedecim annorum juvenem, & mediocri corporis habitu præditum, ægrum invisere.

mus. Nomen *Juan de Ortega*, *Offunæ* natus erat, jamjam a febre continua convalescet, in qua, & purgatus fuerat, & sectus venam. Pulsus dicrotus in ipso prima vice eodem mane adparuerat; levis erat, & in singulis pulsationibus continuus; unde *Solanus* exiguum sanguinis quantitatem per nasum, intra viginati quatuor horarum spatum præfagiit; & quamvis repræsentarem ipsi, secundum iustum mihi instabilem videiri *, nullum ad narium hæmorrhagiam adparere impeditum, quin & nullum ex omnibus istis, quæ pro tali hæmorrhagia *Veteres* tradiderunt, indicium, nihilominus, quod maxime mirabar, absolute in sua prognosi persistebat.

In eodem statu æger usque ad 22am. circa auroram mansit: quo tempore, prurire nafo, ac cum exigua cruenti muci, & paucarum guttularum sanguinearum excretione sternutare cœpit. Viginti quatuor horis persistebat pruritus. Circa decimam matutinam tenuis sanguinea strīa de nafo prodiit; cumque pulsus dicrotus continuaretur, copiosioris sanguinis apparitioni insistebat Doctor; quæ ad octo etiam novemve guttarum copiam post meridiem accidit. Proximo mane (videlicet vigesima tertia) tres quatuorve sanguinis guttas, & totidem insuper post meridiem, de nafo reddidit: vesperi pulsus dicrotus tardior evasit, & secundus iactus distincta fere a primo iusto pulsatio videbatur. Sequenti mane (vigesima quarta) pulsum absolute naturalem † reperi; quam ob rem æger ex nosocomio dimissus fuit.

Inducebam hominem, ut me domi meæ conveniret, privato ibidem ipsum examini subjecturus. Pulsus ejus naturalis manserat. Rogavi, fortiter nares emungeret; sed nullus sanguis apparuit. Pecuniam dedi, ut, si media quædam ad excitandam nasi hæmorrhagiam essent adhi-

* Adparentis mihi in secundo iusto incostantiæ, ut brevi post in eodem ægro observabam, causa, diversus pulsum explorandi modus fuerat: nam regulariter secundus percipiebatur iactus, si digitus arteriæ leviter applicatus maneret; sed, quoties hanc comprimerem, disparebat.

† Vide pag. 31. n. 6.

adhibita, indicaret: negavit; seque nunquam prius ullum ex ista parte sanguinem emunxisse, adseruit.

O B S E R V A T I O II.

Die 10. Octobris 1737. Don *Antonio Alvarez*, in prima hujus operis parte memoratus, medicinæ Doctor, illa sese vespera in suo quodam ægro pulsum dicrotum percepisse, ideoque, licet pulsus hic nonnihil obscurus esset, sanguinis, quam ægro ante præscripserat, missio nem distulisse, suamque de narium hæmorrhagia exspectationem familiaribus indicasse, *Solano*, mihiue narravit.

Proximo mane sequentem schedulam ad *Solanum* misit.

„ D O M I N E .

„ Heri tecum locutus fui de prognosi mea futuræ „ narium hæmorrhagiæ in Domino *Joanne de Zayas*, „ Domini *Christophori de Zayas*, cognati mei filio. „ Acutæ febris diem nunc quintum agit; & quamvis „ circumstantiæ morbi, constitutio ipsius & juventus „ sanguinis missionem exigere viderentur, hanc tamen, „ ut narrabam ob pulsus dicroti adparitionem distuli. „ Elapsa nocte æger sanguinem e naso dimisit. Hoc „ mane strophiolum ejus totum cruentum vidi, & ser- „ vandum jussi, ut vesperi amicum nostrum Docto- „ rem *Nibell* adducas, ipse examinet, in veritatem „ hujus facti inquirat, testisque sit stuporis & admira- „ tionis, quæ casus iste in familia excitavit; *Familia*, „ ut nosti, dignitate æque ac veracitate notabili. Aliam „ hodie futuram prædixi hæmorrhagiam, sed mino- „ ri quantitate, quia pulsus dicrotus obscurus est. „ Sum &c.

„ Die 11. Octob. 1737.

„ Don *Antonio Alvarez de Aseyjas*.

Hora quarta pomeridiana , cum Doctore *Solano* , Do-
mino *Christophoro Solano* , illius filio , & Domino Jo-
anne de *Pedraza* , philosophiae ac medicinæ Baccalau-
reo , ad visendum ægrum me contuli : strophiolum to-
tum sanguine commaculatum vidimus : hæmorrhagiaæ
quantitas fuerat , qualem , juxta familiæ phrasin , ovi
testa recipere potuisset . Æger aliquot diebus ante ca-
pitis gravitate laboraverat . Febrim admodum modera-
tam invenimus , lotium valde coloratum , pulsusque
leviter (sed , ut mihi videbatur , non omnino distin-
cte) dicrotum : nihilominus aliam hæmorrhagiam præ-
dicebat *Solanus* , *Alvarezio* vesperi eandem prognosin
repetente . Æger tota sequenti nocte admodum delira-
vit , sed nulla adparuit hæmorrhagia , nec mane vel
minimas dicroti pulsus reliquias poteramus detegere .
Quapropter visitationes nostras abrupimus . Utrum in
hoc casu sanguis , qui per nares debuisset effluere , in-
troraptus fuerit ad meninges , indeque productum deli-
rium , Lectoris judicio relinquam .

Die sequenti , videl. 13^a. Octobr. Doctor *Alvarez*
sanguinem mittendum jussit : vesperi iterum observa-
vit pulsus dicrotum , idque familiæ indicavit . Proxi-
mo mane , hora nona , æger narium hæmorrhagiam
passus fuit , & hora decima , brachii venam secunda
vice secabatur . Licet de iis , quæ post 12am. contige-
rant , nihil scirem , attamen curiositate ductus visita-
tiones meas renovabam . Hoc mane , 14^{ta}. scilicet ,
fortuito conveni ægrum , hora fere post hæmorrhagiam
elapsa , & strophiolum ejus , amplis duodecim cruentis
maculis recenter tinctum , vidi : pulsus ipsi adeo con-
tractus erat , ut secundum ictum percipere non vale-
rem : sed is denuo post meridiem adparuit ; unde aliam
intra 24. horas hæmorrhagiam vaticinabar ; quæ exspe-
ctioni meæ haud respondit , licet dicrotus , uti hac-
enus confueverat , pulsus ad quamlibet diastolen perseve-
raret . Sinister hic eventus *Solanum* , meque ad ac-
curatius ægri examen impulit ; deteximusque , quod
Doctor *Alvarez* a prægresso die per intervalla fronti ac
temporibus adstringentia adplicasset : imperavimus mox ,
ut removerentur hæc , & aquæ calidæ fomentum sub-
stitui-

stituimus : quibus mediis æger sequenti mane , 16^a. Octobr. hora tertia , aliam , ultimo memoratæ exacte similis , hæmorrhagiam patiebatur : post quam secundus ictus , pro more , evanuit .

17^a. 19^a. 20^a. & 22^{da}. Indies sequentibus circumstantiis hæmorrhagiam subiit : prima & postrema valde exigui momenti erant , aliæ binæ similes supra dictis : primam prægressa vespera , secundam duobus fere diebus , pulsus dicrotus præcesserat ; quod juxta Solani leges aliquantulum irregulare erat : vesperis tertiam quartamque hæmorrhagiam præcedentibus , sed ante tertiam præfertim , secundus ictus obscure sentiebatur : attamen oportet animadvertere , quod forsan eo præcise tempore redire inceperit ; mane enim pulsus perfecte naturalis fuerat .

Post quartam hæmorrhagiam pulsus dicrotus per intervalla adparuit , sed obscura adeo irregularique ratione , ut nihil inde concludi posset .

In toto hujuscce observationis decursu , admodum notabile est , quam regulariter post singulas , prima forte excepta , hæmorrhagias † secundus ictus evanuerit .

O B S E R V A T I O III.

Die 10ma. Octobris 1737. Antequeræ ad Nosocomium Sti. Joannis de Dios venit Franciscus Martinus de Cuesta , in Arragoniæ Regno Moline natus , vir procerus , macilens , ætatis viginti sex annorum , colore cachectico , febre quotidiana , obstructisque ac dolentibus hypochondriis laborans ; aliquot diebus ante capitis gravitatem senserat ; hæcque etiamnum perseverabat ; insuper & nasi hæmorrhagiam patiebatur .

10^a. Octobris , pulsus leviter , sed inconstanter , dicrotus adparebat ; ægerque capite doluit . Proximo mane exiguam cruenti muci copiam emunxit , & secundus ictus ,

ictus, ad singulas diastoles continuus, manifestus, ac primo ictui fere æqualis erat: quapropter majorem sanguinis copiam intra viginti quatuor horarum spatum *Solanus* præfagiit. Tota die æger lacinanti temporum dolore affligebatur, cum dextræ naris pruritu; & sequenti mane, 12^a. Octobris, exiguum, majorem tamen quam prægressa die, sanguinis quantitatem naso expulit. Lacinans temporum dolor cum pulsu dicroto, sed levi admodum, continuabatur, majoremque iterum sanguinis copiam *Solanus* præfagiit. Vesperi sudavit æger, nocte deprehendebatur diarrœa, quæ, ad 14^{am}. mane protracta, ipsum omnimode allevabat †. Sed nullus hoc intervallo sanguis adparuit. Nihilominus, die 13^a. una cum capitis levitate, evidentiorem tota postmeridie, quam hactenus fuerat, pulsum dicrotum deprehendens, hæmorrhagiam intra 24. horarum spatum prænuntiavi; quæ proximo pariter mane contigit: exigua quantitate erat, & e dextra nare prodibat. Horis aliquot elapsis exploravi ægri pulsum; secundus ictus idem fere percipiebatur, &, ut prius, in dextro quam in sinistro carpo evidentior. Ex hisce circumstantiis, ac tempore, intra quod præcedenti vice regulariter adparuerat sanguis, alteram in securum mane dextræ naris hæmorrhagiam prædicebam. Hora 2^a. matutina non sine ægri stupore eventus prognosi meæ respondit perfectissime, postea quam dextri lateris tempus, oculus, atque naris, horæ spatio doluissent. Hæc hæmorrhagia nonnihil major erat, quam postrema.

Inflatus hoc successu, ex pulsus dicroti continuacione, novam in proximum mane hæmorrhagiam prænuntiavi; sed fallebar. Post meridiem nihilominus, 16^a. Octobris, eodem fundamento, eandem prognosin repetii. Sequenti mane cum insigni temporum, frontis, ac oculorum dolore excitabatur æger; & paucis deinde horis exigua sanguinis copia per nasum adparuit, quæ, uti ob circumstantias memoratas existimo, longe notabilior prodiisset, nisi illo mane purgatus fuisset æger:

quan-

† Hæc, absque prægressa ulla, vel sicia pulsus intermissione accidit.

quanta enim a superioribus vasis tanguineis , purgantis ope , fieri possit revulsio , Medicus rerum gnarus abunde novit . Toto die continuabatur dolor , & post meridiem ad naturalem suum statum pulsus proxime adpropinquabat .

A 18^a. mane usque ad 20^{am}. mane pulsus dicrotus manifestus erat . Quo fretus , binas falsas prognoses enuntiavi , & de criticarum *Solani* indicationum incertitudine incipiebam conqueri . Attamen oportet animadvertere , intervallo hoc frontis , temporumque dolorem exacerbatum fuisse , donec 19^a. vesperi aquæ calidæ fomento profligaretur : nasusque adeo siccus erat , ut , etiamsi , quod iterum iterumque ab ægro fieri curabam , emungeretur , ne vel minimum muci inde expelli potuerit .

20^a. Mane pulsus naturalis erat , meliusque habebat æger : sed post meridiem pulsus denuo dicrotus adparuit , isque evidens percipiebatur usque ad 22^{am}. mane . Ultimis erroribus cautior redditus , a nova quacunque prognosi abstinui ; at , cum nasi siccitas perseveraret , 21^a. vesperi aquæ calidæ fomentum capiti adplicandum præscripsi , uti & 22^a. mane , ut vasa ad naturalem suam laxitatem reducerentur : tacitusque exspectavi eventum . Hanc methodum desideratus effectus sequebatur : etenim post secundum fomentum immediate narium hæmorrhagiam æger ad viginti gutterum quantitatem subiit : quo facto , caput levatum fuit ; & secundus ictus fere insensibilis evadebat . Post hæmorrhagiam purgabatur .

A 22^a. post meridiem usque ad 28^{am}. secundus ictus , per intervalla nunc regularis , nunc anomalus , caputque in universum vertiginosum fuit .

28^a. Sera vespera solus adivi Nosocomium , & secundum ictum valde insignem , pulsum validum , capitique gravitatem ac vertiginem , majora solito , comprehendendi ; unde impendentem hæmorrhagiam audacter præsagii ; jussi , ut caput nasusque aqua calida foverentur , domusque istius Præsidi indicavi , persuasum me post vasorum relaxationem sequuturam immediate hæmorrhagiam .

giam. Intra horam deinde adhibebatur fómentum , vixque æger tantillum aquæ naſo attraxerat , cum statim duodecim fere sanguinis guttæ effluerent . Hanc , tam perfecte adimpletam , prognosin ingens mihi delestantum peperisse , fateri cogor : eo magis , quod , nunquam me , niſi *Solani* observationibus inductum , ea de re vel cogitaturum fuisse , certo scirem .

Parca adeo hæmorrhagia liberando capiti non suffecit ; grave hoc & vertiginosum mansit ; pulsusque dicrotus toto sequenti die insignis , sed proximis duobus aliquantulum irregularis erat . Statuebam igitur experiri , utrum ibidem latens etiamnum ad hæmorrhagiam dispositio remansisset , postremoque molimine contendere , ut per eam evacuationem ægri caput levaretur : quapropter bina ipsi supradictis similia fomenta , unum 3^a. Octobris vesperi , & proximo mane alterum præscribebam . Successit mihi prima intentio ; sollicitata enim natura post secundum fomentum exigua sanguinis adparitione respondit ; sed altera , capitis levamen scilicet , neutinquam implebatur . Secundus ictus toto die leviter perseverabat , & per difficilem ægri loquela m vesperi linguam ipsius torpidam evadere , adeoque nervorum capitis compressionem fieri detegebam .

Solanus , qui a 16^a. Octobris ægrum , nullo ad hæmorrhagiam respectu , tractaverat , quam nos haud exigui in ejusmodi morbo usus esse posse existimabamus , ea nunc ratione dirigebat curam , quæ cum meis in hac observatione partibus subsistere absolute haud poterat : quare eam minus curare coepi ; & a 1^a. Novembris ægro quotidie non niſi semel adfui . Præter alia remedia , adstringentes lotiones , fronti ac temporibus applicandas , præscribebat Doctor , ad præcavendam hæmorrhagiam , & per intervalla purgabat . Interea , pulsus dicrotus vel levis , vel irregularis ad 4^{am}. Novembris usque continuabatur . Hoc die post meridiem , pulsum exploranti mihi , secundus ictus evidens validusve adparuit ; sed denuo usque ad 8^{am}. vesperi imminuebatur : quo tempore manifestus ac vehemens insurrexit ; & proximo mane , omnibus prægressis majorem , hæmorrhagiam patiebatur æger :

capit-

capitis autem symptomata increaserant.

Reliquus hujusce casus, dum Antequeræ degerem, decursus referri non meretur. Sed, postquam discesseram, ægrum duas adhuc haemorrhagias subiisse, Solanus scripsit; quarum singulas pulsus dicrotus prægressus fuerat; qui tandem remotis obstructionibus, ægroque convalecente evanuit.

Hæc adeo constans ad narium haemorrhagiam dispositio, sociaque symptomata, ex obstructione hypochondriorum, productaque inde aortæ inferioris compressione, & subsequente sanguinis versus caput transfluxu, suam videntur traxisse originem.

Tales erant tres istæ observationes, quæ, dum Antequeræ morarer, circa pulsum dicrotum occurrerunt.

O B S E R V A T I O I V .

Anno 1737., brevi postquam Antequerâ redieram, Dominus *Wilhelmus Tyrry*, Domini *Joannis Tyrry* Armigeri, Filius, Marchionis *de la Canada Gadensis*, Nephos, cum capitis & stomachi, qui ab indigestione quadam nascebatur, dolore, levi simul febricula laborabat. Sub pulsu ad singulas diastoles dicroto, nisi haemorrhagia adfectum reperi: sanguinem dimidiæ fere unciæ copia evacuavit, & intra quadrantem horæ secundus ictus omnino disparuit *.

O B S E R V A T I O V .

In Nosocomio *Gadensi S. Joannis de Dios* doloribus pleuriticis, tussique juvenis Aethiops adfligebatur, 1^a. Januarii 1738. mane, narium haemorrhagia adfectum reperi; tuncque prima vice ejusdem pulsum exploravi: dexter pulsus qualibet diastole leviter, sinister insignius, sed non continuo, dicrotus adparuit: talisque, præfente, peractaque hac haemorrhagia mansit: donec brevi inter-

* Vide pag. 31. n. 6.

tervallo æger exiguam iterum sanguinis quantitatem dimitteret. Quare secunda vice examinavi pulsum, & simplicem regulariter cum pulsu dicroto diastolen alternari, expertus sum: sensim ille imminutus fuit, minus frequens evasit, brevique naturali pulsationis ordini * integre locum cessit.

Post meridiem, ac proximo mane, pulsus dicrotus obscure adparuit †, & quarta secundæ postmeridiei hora paucas de naso guttas stillavit æger; quem, elapsa deinde hora invisi, sed tunc ne minimum quidem secundum iustum detegere potui. Absque ullo (seu pulsus, seu alia quæcumque considerarentur) hæmorrhagiæ symptomate, vel impetu, aliquot deinde diebus intra Nosocomium remansit.

O B S E R V A T I O VI.

Die 2^a. Januarii 1738. ad idem Nosocomium venit robustus Juvenis, levi adfectus febricula, & frigore trepidans. Pulsus ejus plenus erat, leviterque dicrotus. Atque ita, sine ullo alio hæmorrhagiæ indicio, perseveravit usque ad 3^{am}. vesperi: quo tempore ad exonerandam alvum nitenti modica subito sanguinis copia de naso erupit.

Proximo mane eundem, ut ante pulsum dicrotum observabam; sed æger diutius intra Nosocomium remanere noluit.

O B S E R V A T I O VII.

Anno 1738. Dominus *Wilhelmus Knight*, nobilis, ætatis circiter viginti annorum, juvenis, qui cum Dominis *Mannock & Ryan*, Armigeris, *Gadibus* cohabitat, lethali maligna febre prehendebatur, cuius ipso initio, una cum variis violentæ irritationis indicis, pulsus continuo dicrotum animadverti; talisque sine ul-

la

* Vide pag. 31. n. 6.

† Ibid. num. 7.

la hæmorrhagia biduo persttit: quo finito, sub spontanei vomitus conatu, cum impetu, & modica quantitate sanguis de naso erupit. Proximo, ac sequenti die eundem detegebam pulsum; nulla nova hæmorrhagia adparuit; sed delirus evasit æger, mansitque, donec post quatuor deinde dies occumberet.

Binæ hæ postremæ observationes hæmorrhagiæ, ob vasorum sanguiferorum resistentiam impeditæ (pag. 70. num. 5.) exempla suppeditant.

O B S E R V A T I O VIII.

Die 10^a. Martii 1738. robustus juvenis cum quartana intermitente, & pulsu dieroto ad supradictum Nosocomium accessit. Febris haec tenus peculiari illo symptomate stipata fuerat, quod eadem cum paroxysmis proportione nasi pruritus inciperet, augeretur, atque decresceret.

Pulsus dicrotus continuabatur leviter, donec 28^a. ejusdem mensis æger Nosocomium desereret; præterquam 23^a. & 24^a. quibus plenior distinctiorque adparuit.

Toto hoc tempore, indies, frontis, temporum, totiusve capitis, dolore aut tensione, sed nasi præcipue, oculorumque pruritu, & frequenti sternutatione *, affectus fuit.

Die 11^a. , 12^a. , 13^a. , & 14^a. , pauxillum sanguinis de naso emunxit, & 25^a. , septuaginta, vel octoginta circiter guttarum hæmorrhagiam patiebatur.

Notari meretur pulsus dicrotum, 11^a. mane, in si-

* Ut caveatur inutilis observationum repetitio, animadvertere hic conveniet, quod, ex ultima hac paragrapho, accuratam regularium absque hæmorrhagiis casuum ideam comparare sibi Lector possit, quales pag. 54. memorati sunt. Diversorum casuum differentia in memoratorum ejusdem paginæ initio symptomatum cum nasi pruritu & sternutatione, omnium fixissimis, varia tantummodo combinatione consistit.

nistro, quam dextro carpo evidentiorem extitisse, etiamsi dextri lateris pulsus eodem tempore plenior, & omni, cui dicroti pulsus obscuritas potuisset attribui, impedimento immunis foret. Idem similiter in diversis aliis contigit.

O B S E R V A T I O I X.

Christoval Romero in idem Nosocomium adducebatur die 18^a. Februarii 1738. Prægressis quinque diebus, a frigi venti injuriis cephalalgia adfictus fuerat. Explorando pulsum Dominus Petrus Roxus, Nosocomii Medicus, secundum iectum ad singulas diastoles continuum deprehendit: 19^a. idem percepit ego: levis erat; vesperi post gradatim evanuit; 20^a. mane iterum revertebatur; post meridiem nonnihil obscurior evasit; sicque perserveravit usque ad 23^{am}. mane.

18^a. Et sequenti nocte sanguinem larga quantitate octies per nasum dimisit æger; unde caput ejus levabatur: 19^a. binas hæmorrhagias subiit; secunda hæmorrhagia satis insignis erat, ulteriusque levavit caput: 20^a. unicum notabile symptom, residuus quidam occipitis dolor superfuit; cui 21^a. post meridiem temporum dolor accessit; ambo vesperi aquæ calidæ fomento dissipabantur: 23^a. etiamnum de cephalalgiaæ suæ reliquiis conquestus fuit; cœpitque obstupescere: proxima die delirus ac somnolentus evasit; mane pulsus, aliquando post tertiam & octavam, sed post quartam passim, diastolem intermisit: eadem die subsequebatur diarrhoea; verum absque ullo ægri levamine, qui, convulsionibus adfictus, intra paucos deinde dies succubuit.

Alium, huic analogum, casum observavi, in cuius initio, licet æger, qui pulsus dicrotum exhibebat, insignem narium hæmorrhagiam pateretur, aliquot nihilominus diebus stupidus ac catalepticus evasit.

Ex binis hisce casibus, septima capitum hujus observatione, aliisque manifeste constat pulsuum *Solanian-*

norum adparitionem ad crises stricte dictas limitatam non esse ; hasque igitur illis exclusive non significari . Omnia simul phænomena productum , regula est , qua , utrum evacuationes , hisce pulsibus indicatae , criticæ aut symptomatice futuræ sint , determinari debet . Attamen , a præcipuo , cui adhibentur , usu , pulsus critici appellari legitime poterunt .

O B S E R V A T I O X.

*Desumpta ex Literis Amici mei , Doctoris Petri Roxi ,
Membri Honorarii Academiæ Mediceæ Madritensis ,
& Nosocomii Gadensis Sti. Joannis de Dios
Medici Ordinarii .*

----- Elapsa septimana alias in meo Nosocomio narium hæmorrhagiæ casus accidit in adolescentे , qui cum ingenti temporum dolore levi febricula ægrotabat . Exiguum ad singulas diastoles in ipso pulsum dicrotum deprehendi , quem varii etiam Monachorum , ægro famulantium , observarunt , uti & doctor *Franciscus Garzia* , qui tunc casu aderat . His fretus , sine ulla temporis limitatione , narium hemorrhagiam indicavi . Bidui spatio absque ulla mutatione , aut remediis , descripto jamjam statu permanit æger : tum vero ad sex circiter unciarum copiam sanguis de naso prodiit ; unde temporum dolor admodum imminutus fuit . Paucis post horis visebam ægrum , pulsumque eadem ratione dicrotum deprehendens , alteram hæmorrhagiæ prænuntiavi † ; quæ sequenti pariter mane adparuit : post hæc secundus iectus desiit , ægerque convaluit .

Doctori *Garziæ* admodum placuit observatio hæc , prima scilicet hæmorrhagia , quam pulsus ope prædictam viderat .

Gadibus , die 7^a. Octobris 1737.

*Don Pedro Roxo.
OB-*

† Vide pag. 31. num. 7.

O B S E R V A T I O X I .

*Ab Amico meo, Domino Joanne de Pedraza y Ca-
stilla, Philosophiae ac Medicinæ Baccalaureo,
mibi communicata.*

— — — Inter alias meas observationes valde singula-
ris est sequens: vocabar, ut *Joannem de Toledo*, na-
vendecim annorum, & tenui corporis habitu prædi-
tum, adolescentem inviserem. Habitabat in *Calle de la Iglesia* * (sic dicta platea); illoque tempore ter-
tiana intermittente dupli laborabat. In paroxysmo-
rum intercalationibus leviissimum quemdam pulsus di-
crotum ad singulas diastoles deprehendi, ea exakte pro-
portione, uti accederet, increaseretque paroxysmus
quilibet, manifestius insurgentem. Prima, dum id
observarem, vice, annuntiavi ægro, futuram illo,
quem tunc patiebatur, paroxysmo, hæmorrhagiam na-
rium. Mane redeunti, se præcedente vespera, in vi-
gore febris, cum pruritu nasi, ingentem suffocationem
percepisse, illaque parte tres sanguinis uncias evacuas-
se retulit. Hac, & sequenti die parem prognosin
renovavi, pari fundamento, successu pari. At, cum
hæmorrhagias istas debilitare potius, quam levare
ægrum animadverterem, neglexi illas, paucasque tar-
tari vitriolati, nitri antimonii, & salis absynthii do-
ses exhibui: quo facto, febris, pulsus dicrotus, hæ-
morrhagiæque evanuerunt.

Addit: observatio hæc pro exemplo mihi serviit in
aliis binis adolescentibus, *Josepho Manojas*, in eadem
platea, & *Joanne Pernia*, in *Calle del Cura*, qui
eadem febris specie adficti erant, hæmorrhagiisque,
quas ex pulsu dicroto similiter prænuntiaveram. Hi
ejusdem remedii ope sanabantur.

Antequeræ die 13^a. Novembris 1738.

Don Juan de Pedraza y Castilla.
OB-

* In *Rio Gordo*, Villa *Andalusie*, ubi hæc observatio facta fuit.

O B S E R V A T I O XII.

*In epistola, quam ab eadem die 21^a. Martii 1738.
accepi, sequens paragraphus legitur.*

Amicus noster, dominus *Christophorus Solanus*, febris continuae putridæ sextum nunc diem agit; sed absque ullis periculis symptomatibus: jamjam narium hæmorrhagiam passus fuit; alteramque copiosiorem hoc mane. Utrasque pulsus dicrotus præcessit, qui nunc etiam, sed levis admodum, perseverat. Si in illius morbi decursu aliqua notatu digna mutatio accidat, proximo veredario intelliges.

Don Juan de Pedraza y Castilla.

C A P U T II.

Novæ observationes circa pulsum intermittentem.

O B S E R V A T I O I.

20^a. J Anuarii 1738. *Sylvestre de Grana*, robusta com-
bage vir, carneoque & firmo corporis habitu
præditus, ætatis circiter quadraginta annorum, cum do-
lore in dextra & superiori thoracis parte, qui brachium
versus extendebat, ad Nosocomium *Gadense S^{ti}. Jo-*
annis de Dios accessit. Dolor iste 18^a. incepérat, & fe-
bre, siti, pulsu duro, humidaque tussi stipatus erat.
Deinceps ad sinistram mammam, humerumque trans-
filiit, atque adeo violentus evasit, ut æger decumbere
nequaquam posset. Quam ob rem bis ipsi vena secta
fuit cum levamine; dolore autem vehementer iterum
increcente, adfectæ parti scarificata adplicabatur cucur-
bita; unde melius habuit: 10^a. nihilominus morbi die
dolore adeo fatigatus, & inquietus erat, ut in neu-
trum latus cubare posset, sed erectus in lecto sedere

cogeretur : pulsus evenit parvus , inæqualis , & ad singulas fere pulsationes intermittens . En morbi historiam , quam ab amico meo *Petro Roxo* , Nofocomii Medico recepi .

Eadem die , videlicet 28^a. Januarii , instruebar de statu ægri , ipsumque invisebam . Pulsus , secunda quavis tertiaque diastole regulariter intermittentem , reperi ; qualis ad 5am . Februarii usque perduravit : quo die æger post brevissimam agoniam occubuit .

A 28^a. Januarii ad ultimo memoratum diem , levem diarrhoeam , tormina , borborygmos , flatuumque per anum eruptiones subiit .

Postremis diebus æger de palpitatione cordis conquerebatur : & proxima ante mortem die , cordis regionem examinans , ad quamlibet inspirationem distincte percepi motum , illi utcumque similem , quem in emphysemate aër , aut in trachea pituita exhibet . Unde fluidi cujusdam intra thoracis cavum , vel intra pericardium , extravasationem subesse conclusi . Hæc aliæque morbi circumstantiae induxerunt me , ut aperirem cadaver : nec injucundum Lectori fore existimo , si dissectionis meæ historiam hic invenerit ; partim , ut convincatur nullam a me suppressi circumstantiam , quæ hujuscce tractatus scopo repugnare videri posset , partim , quia ejusmodi casus , licet haud ignoti in medicina , minime tamen vulgares extant .

Pleuram crassam ac spongiosam , pulmonesque ipsi , sed sine ulla substantiæ eorumdem sensibili alteratione , adhærentes reperi . Pericardio aperto inodori , flavescens , puris pinta circiter effluxit . Tum cor , verum tota sua superficie adeo spongiosum adparuit , atque adeo tectum crassamento puris , ut id primo aspectu haud cognoscerem , præsertim , quia undequaque , insigni productionum membranacearum , funicularumve , quæ illud penitus defigurabant , numero , pericardio cohærebat . Interior pericardii superficies in eodem statu fuit , nec , quod suam pariter puris copiam continebat , media-

diastinum diversa sese conditione obtulit. In dextro thoracis latere , sub clavicula , inter pleuram atque intercostales musculos , purulentus , ovi magnitudine , foccus aderat . Dextri pulmonum lobi superficies inferior , cum respondentे adjacentis pleuræ ac diaphragmatis portione , alium , sed largum , similis purulentæ materiæ faccum , interius , ut supra memorati , sponiosum formaverat .

Inferior magni parvique lobi hepatici limbus pro parte lividus , inanis pene vesicula fellis , tumidus nonnihil lien , & universus fere tenuum intestinorum tractus , ad exiguum a cæco distantiam , inflammatus adparuit . Ex jejunio , vermium satis crassorum dodecadem circiter colligebam .

Post bidui macerationem in aqua , cor & pericardium examinavi : interna pericardii membrana cellulosa erat , & puris crassamento plena adiposam pinguisculi hominis tunicam perfecte æmulabatur : inter binas pericardii laminas , rubram , carni similem , substantiam deprehendi , unius lineæ crassitie : utrum musculares fibræ fuerint , determinare non suscipiam . Cordis substantiam , exteriori ejusdem involucro limitata inflammatio haud adtigerat . Intra dextrum ventriculum parva polyposa concretio adfuit , coloris pallide carnei , satis solida ; hæc ad latus sub venosis valvulis ventriculo cohærebat ope funicularum quorumdam ligamentorum , quos infigebat carni ; inde in auriculam protrahebatur , cuius centro inserta erat ligamento quodam funiculo , qui ibidem ab uno auriculæ latere ad oppositum decurrebat .

In hujus dissectionis historia aliquæ occurruunt causæ , quibus pulsus intermissio probabiliter adscribi queat , quæque igitur , ad diminuendum , *Solaniano* sensu , prægressæ observationis pondus conferre possent . Verum hoc , post prudentem (observati inter pulsum intermittentem , ac diarrhoeam , torminaque , &c. nexus intuitu) totius casus , & aliorum similium factorum considerationem , Lectoris judicio oportet relinquere .

Liceat ex hac observatione brevem obiter animadversionem deducere ; scil. admodum manifestum esse , quanta celeritate , quanto vigore , internarum inflammationum progressus impediri debeat ; adeoque , quantum acutarum inflammatoriarum febrium eventus dependeat a methodo , qua hæ in ipsis suis initiis tractantur . Etenim , si inflammatio ad certum quemdam apicem adscenderit , omnes medicinæ vires suppurationem avertere nequeunt , nec unita universæ facultatis scientia de sequelis hujus , cum semel formata fuerit , respondere potest .

O B S E R V A T I O II.

Die 20^a. Januarii 1738. post meridiem , *Emanuel Carrera* levem & instabilem pulsūs intermissionem exhibuit . Ingenti tunc flatuum per anum eruptione laborabat ; vesperi binas , flatulentas admodum , sedes depositus . Pulsum ejus præcedenti mane , & sequenti biduo exploravi ; sed nullam intermissionem detegere poteram , neque æger de ulla ventris perturbatione hisce temporibus conquerebatur .

O B S E R V A T I O III.

Die 29^a. Januarii 1738. *Gallæciensis* quidam puer tertia qualibet , quartaque diastole stabilem pulsūs intermissionem exhibuit . Ab eo tempore , usquedum proxima vesperi reverteret , quinqñies liquidam alvum exoneraverat . Tunc vero intermissionem minus frequentem , atque instabilem deprehendi : & proximo mane Nosocomium deseruit .

O B S E R V A T I O IV.

Die 30^a. Januarii 1738. in ægro , cuius nomen adnotare tunc neglexi , exigui temporis spatio , levem & instabilem pulsūs intermissionem reperi . Rogavi igitur , an diarrhoeam passus esset ? Eo se die binas sedes habuisse , plurimosque , ipso , quo mecum loqueretur , momento , borborygmos percipere respondit . Hi sequenti

quenti nocte continuabantur , qua alvum tertia vice depositus .

Nec ante , nec post memoratum modo tempus , scil. 30am. Vesperi , ullam in ejus pulsu intermissionem deprehendi .

O B S E R V A T I O V.

Die 22^a. Februarii 1738. circa vesperam , in *Michaële Emes* , nauta *Britanno* , qui in eodem cum supra dictis ægris Nosocomio decumbebat , instabilem dextri pulsū intermissionem notavi , quarta , quinta , ac septima dia-stole recurrentem . Longis aliquando intervallis disparebat ; tuncque , uti prius , revertebatur . Proximo mane longe levior , minusque frequens intermissione adfuit . Æger , a 22^a. circa meridiem , liquidas tres sedes , & noctu borborygmos habuerat .

O B S E R V A T I O VI.

Die 14^a. Octobris 1737. dum *Antequerae* morarer , Don *Pablo de Castilla* , undecim annorum puer , supra dicti amici mei , domini *Joannis de Pedraza y Castilla* , ex fratre nepos , post immodicam fructuum horæorum in gluiuie , in quartanam intermittentem incidit .

Proximo mane hora nona Don *Juan de Pedraza* , post singulas pulsationes pulsum unius communis diastro-les spatio intermittere , animadvertisit ; misitque nuntium , qui id mihi indicaret . Hora decima ægro ade-tam ; interea quatuor jam sedes habuerat : intermissionem tunc minus frequentem , ac decrescentem reperi ; hæcque reliquo toto die irregularis atque instabilis per-manebat . A 10^a. ad 12am. tribus tenesmis torquebatur .

Sequenti triduo , cum lsvi diarrhoea ; tenesmis , fla-tibus , & borborygmis , invicem per intervalla succe-dentibus , pulsus in eodem fere irregulari statu persti-tit . Quarto die purgatus est æger , & quinque polli-ces longum lumbricum evomuit . Post quæ intermissio-

nes , sedesque , minus etiamnum frequentes , & sine ullis tenesmis , flatibus , aut borborygmis , usque ad 22am. Octobris vesperi , evenerunt ; quo tempore intermissio ad unam , aliamve ex sequentibus pulsationum periodis regulariter recurrebat , & in eadem aliquamdiu periodo morabatur , priusquam ad alteram transmigraret : periodi hæ , secunda quælibet , tertia , quinta , octava , decima , vel undecima diastole deprehendebantur . Ob majorem hanc intermissionis regularitatem , licet haud talis foret , qualis *Solanianis* legibus requiritur , diarrhoeam tamen prædicendi periculum subii , & noctu tribus quatuorve sedibus prognosin confirmavit æger .

Intermissio minus iterum frequens atque instabilis succedebat , & adstrictior alvus , donec utrumque naturalem sensim statum repeteret .

O B S E R V A T I O VII.

*Literis Amici mei , Domini Joannis de Pedraza
y Castilla , communicata .*

Elapsa septimana , una cum Domino *Antonio Alvarez* , Med. Doct. invisi ægram , quam febre acuta adfectam deprehendimus , illoque pulsus intermittentis gradu , qui futuram intra 24. horarum spatium diarrhoeam significat . Ad venæ sectionem inclinabat Doctor , sed , diarrhoeæ exspectatione , remedium hocce differebat . Sequenti die , evanuisse intermittentem pulsum , nosque diarrhoeæ spe excidisse , non sine admiratione deteximus . Examinata ægra , post ultimam visitationem , menses sibi prorupisse , atque etiamnum continuari retulit .

Varie ratiocinabamus circa hoc phænomenon , sed sub criticis adeo circumstantiis nulla remedia præscribamus . Biduo post rediit intermissio , & sex septemve sedibus excepta fuit .

Hic casus admodum singularis videtur , si tuam mihi

Hi ea de re opinionem communices , exactum tibi omnium , quæ comitabantur , symptomatum catalogum transmittam ; expecto etenim fore , ut majori tunc , quam quod negotia jam admittunt , otio gaudeam , &c.

Antequeræ die 2a. Aprilis 1738.

Don Juan de Pedraza y Castilla.

O B S E R V A T I O VIII.

*Amicus meus , Dominus Christophorus Solanus , brevi post patris obitum , communicavit mihi observationem , cunctis essentialibus circumstantiis exæte similem prægressæ . In acuta febre , post duas venæ sectiones , & unum purgans , pulsus intermittens adparuit ; ad mensum eruptionem cessavit ; his prætergressis revertebatur ; ultimaque hac vice diarrhœa critica stipatus erat **

O B S E R V A T I O IX.

*Ab Amico meo , Domino Joanne de Pedraza ,
communicata.*

Inter alias , circa *Solani* inventum nuper factas , observationes , sequens , quem etiamnum tractamus , causus neutquam , ut spero , displicebit . *Pedro de Avila* , sexaginta annorum senex , in tertianam duplicem intermittentem incidit , cui pulsus intermittens adjungebatur , sed hac peculiari ratione , quod pulsus iste binorum distinctorum paroxysmorum , quibus febris illa intermittens componebatur , uni solummodo adhæreret , illius regulariter , cum quo inceperat , paroxysmi pendequus , dum in altero , toto febris hujus intermittentis decursu , ne semel quidem occurreret .

Dicta pulsus intermissione , tertia , quarta , & sexta qualibet pulsatione recurrit ; levis fuit , regulariter-

H 4

que

* Vide similem observationem Doctoris Gomez , pag. 41.

que secum adduxit diarrhoeam , cuius sola ope ille quem comitabatur , paroxysmus integre fere evanuit , & alter , qui ab ipso initio violentissimus fuerat , plurimum nunc imminutus est . Sum &c.

Antequeræ die 6^a. Augusti 1738.

Don Juan de Pedraza y Castilla.

Quam regulares , quam stabiles , quam sensibiles , in tribus hisce postremis observationibus , naturæ impetus !

OBSERVATIO X.

Ejusdem.

Diversas alias de sudoribus ac diarrhoeis criticis , per relativos pulsus prævie indicatis , communicandas tecum observationes habeo : sed illas proximæ opportunitati servare cogor . Interea tibi significandum existimo me aliquos intermittentium pulsum casus observasse , ubi nulla diarrhoea , sed ingens ejus loco ventris tumultus , ac murmur , cum flatuum per anum explosione , adparuit.

Antequeræ die 13^a. Novembris 1738.

Don Juan de Pedraza y Castilla.

OBSERVATIO GENERALIS,

Ab eodem communicata.

— — — Alium malignæ inflammatoriæ febris casum hoc tempore tractamus , ubi tres successive diversæ crises una per sudorem , per alvum altera , tertia per haemorrhagiam nasi , singulæ relativo suo pulsu prævie indicatae adparuerunt ; & melius habet æger . Hujus alias rum-

rumque observationum exactas tibi historias transmittam , simul atque permittet otium &c.

Antequeræ 21^a. Maii 1738.

Don Juan de Pedraza y Castilla.

Varii deinde intervenientes casus meum cum prædicto Domino commercium suspenderunt primo , tandemque integre abruperunt . Hæc ratio est , cur in præcedentium observationum data occasione , uti sub praxis , diversarumque occupationum impedimentis licebat , mihi communicatarum , aliquibus ægrorum nomina , & peculiares aliae candoris tesseræ , juxta ipsius meamque intentionem , accurate suppleri non potuerint .

C A P U T III.

*Primæ observationum Solanianarum originis
succincta historia .*

DATA hactenus rerum , in *Solanianis* de pulsu observationibus , præprimis essentialium exacta & fidelis historia ; iisdem per varia nova facta , nunquam prius edita confirmatis , atque illustratis ; similis naturæ exemplis quibusdam apud *Veteres* detectis ; validissimisque , quæ de earumdem observationum veritate ac certitudine requiri possent documentis , in variis magni momenti testimoniis , quæ in illarum favorem conspirant , adlegatis ; restat jam , ut primæ rerum adeo insolitarum originis adjecta historia , Lectorum curiositati satisfaciatur maxime profecto *insolitarum* , inter omnes , quæ post circuitus sanguinei inventum usque nunc in publicum emanarunt .

Anno 1707. cum *Solanus* , medicinæ eo tempore studiosus Domini Josephi Pabli , medicinæ Doctoris , & in universitate Granatenſi professoris ac Vicedecani , praxin in *S. Joannis de Dios* , del Refugio , atque *el Real* , No-

Nosocomiis frequentaret †, in variis ægris pulsum saepe dicrotum expertus est, & *Pabulum* de causa hujus, usque consuluit. Suadebat hic, ut ejusmodi quisquilias, non nisi ex fuliginosis quibusdam vaporibus oriundas negligenter: quam ob rem juvenis *Solanus* nullam deinde huic phænomeno attentionem adhibuit; donec observaret eos, qui ægris famulabantur, in quotidianis symptomatum, quæ ipso absente contigerant, relationibus, iterum iterumque *Pablo* mentionem injicere de hæmorrhagiis narium in iisdem ægris, in quibus pulsum dicrotum ipse (*Solanus*) deprehenderat. Hoc curiositatem ejus attentionemque resuscitavit, ac, serio agitata re, ad accuratius supra dicti phænomeni examen impulit.

Proximus, in quo pulsum dicrotum observavit, æger, viginti duorum annorum juvenis ardenti febre impetebar. Eventum operiri decreverat: remediorum igitur a *Pablo* præscriptorum usum clam avertit. Violentissima interim mentis inquietudine ob *Avicennæ* auctoritatem angebatur, qui, jamjam lectus, *Pulsum martellinum* (sic vocat dicrotum) malum esse, enuntiaverat ††. Sed iis denuo, quæ aliis ægris post eumdem pulsum acciderant, incitatus, statuit nihilominus casum hunc naturæ committere.

Sub hisce angustiis, juvenis *Solanus*, a quinta matutina ad sextam vespertinam usque integrum transgit diem: quo tempore nasi hæmorrhagia adparuit, quæ, intervallis aliquot comprehensis, unius & dimidiæ horæ spatio protrahebatur: placide fluebat sanguis, & sex circiter uncias toto illo tempore adæquabat.

Ab initio ad finem hæmorrhagiæ exquisitus observator ægri pulsum non deseruit: eadem, qua hæmorrhagia imminueretur proportione, plenitudinem quoque, ac frequentiam pulsus imminui, & secundum ictum sensim

† In *Hispania* moris est, ut, post medicinæ studium Candidati pro gradu Doctoratus, Medici alicujus praxin biennio frequentent: cæterum non admittuntur. Quemlibet spectatum Medicum ejusmodi semper discipulus sequitur, quem *Practicante*, vel *Passante* vocant.

†† Lib. 4. Fen. 2. Tract. I. cap. 27.

sim debilitari , fereque imperceptibilem evadere deprehendit ; sed , aliquamdiu ante singulos hæmorrhagiæ insultus , adsurgere denuo , ac manifeste increscere ; & , licet ab ipsis totius hæmorrhagiæ initiis plenitudo pulsus & frequentia paulatim decrecerent , secundum attamen iustum ante quemlibet hæmorrhagiæ paroxysmum periodice reverti ; donec illa omnino denique transiisset . Hujus crisis ope æger perfecte convaluit . Insolitus adeo casus *Solanum* juvenem ineffabili gaudio ac stupore perfudit . Paucis deinde diebus in altero quadragenario ægro , similem in simili febre observationem , fausto non minus successu , concinnandi opportunitate gavisus est : hac tamen differentia , quod minor priore hæmorrhagia , & secundus arteriæ iactus primo debilior , adpareret ; unde de futuræ hæmorrhagiæ copia ex pulsu dijudicanda ansam arripuit observator .

Animo ad tales , quotquot occurserent , casus assidue intentissimo , suas de pulsu dicroto observationes ad illud sensim perduxit fastigium , quod in hoc opere Lectori innotuit .

Semel in pulsum fixa *Solani* attentio novam brevi , intermittente pulsu , admirationis & oblectamenti scenam aperuit . In memorato ante Nosocomio del *Refugio* æger quidam febre acuta adfligebatur , cuius tertio die pulsum intermittentem , aliquando singulis septem , aliquando singulis octo pulsationibus recurrere , *Solanus* sensit : quod , morbi magnitudini copulatum , ex recepta tunc prognosis regula * , lethale prima fronte indicium judicabat . Sed deinceps suas de pulsu dicroto observationes recolligens ad quaslibet casus hujus permutaciones sollicite attendere , & examinare statuit , numquid intermittentem pulsum aliquis forte effectus exciperet iis analogus , quos pulsui dicroto successisse animadverterat . Præscriptorum remediorum , ut in prægresso casu fecerat , usum cavit . At hic denuo , quæ primo nuper hæmorrhagiæ casu inexpertum observatorem torserant , dubia & angustiæ recurrebant . Hæc ipsum toto tertio die ,

* Vide pag. 79.

die , & quarti dimidio excruciarunt . Tunc autem , ingenti eo tempore anxietate , acribusque torminibus , afflatus æger in copiosam denique diarrhoeam incidit . *Solanus* , cui id indicabatur , statim ad Nosocomium advolat , explorat ægri pulsum , intermissionem secunda quavis diastole recurrentem percipit , & illo ; quod ad ægri latus transegit , duodecim horarum spatio , saepe tangendo pulsum , uti diarrhoea procedit , ita intermissionem imminui detegit , donec ægro omnibus incommodis libero , omnino tandem evanesceret .

Sic juvenis observator novum sibi indies lumen , diligentiae suæ præmium simul & incitamentum , irradiare persentiit . Reliquo anno 1707. observationes suas feliciter , sed clanculum semper prosecutus fuit , ut , de impedito remediorum ægris sub dicroto & intermittente pulsu præscriptorum usu , Doctoris *Pabli* , virti violentissimo temperamento prædicti , offensam deflechteret . Denique anno 1708. oblectamento fruebatur *Solanus* illam , quam hac via acquisiverat scientiam , publico manifestissimoque exemplo demonstrandi .

Don *Francisco del Castillo* , Medicinæ Doctor Granatæ in acutam febrim incidit . Admodum sæviebat morbus , tresque in illa urbe præclari medici collegæ saluti præerant . Sexto febris die pulsum post secundas quasque diastoles intermittere experti , ægrum certissime moritrum , unanimiter pronuntiarunt . Juvenis *Solanus* , qui eo tempore *Pabli* præceptoris praxin frequentabat , petebat , si liceret suam de hoc casu opinionem exprimere ; seque pro naturæ molimine ad evacuandos per sedem morbosos humores pulsū intermissionem accipere , coram omnibus declarabat . Sed statim juveni indicebatur silentium ; temeraria ejus opinio , & *Galen* contraaria censebatur ; ægri morte familiaribus annuntiata abrumpebatur consilium .

Hora eadem vesperi octava , violentissimos ventris dolores , supra pubem præcipue percepit æger , totisque viribus inclamavit remedium . Confestim uni Medicorum mittebatur nuntius : jussit ille , ut alborum liliorum oleo

oleo abdomen inungeretur . Dolores nihilominus usque adeo intendebantur , ut summa anxietate æger de lecto ad cubiculi angulum exfiliret . Tristi hoc spectaculo perturbata , universa repente familia circa ægrum confluxit , ipsumque largam crassæ ac opacæ urinæ copiam , duasque aut tres sedes , evacuasse reperit . Placide porro repetit lectum , tota nocte dormivit optime , & febre liber evigilavit .

Diarrœa , priusquam contingeret , indicata , præsertim ut sequela symptomatis , quod Medici lethale declaraverant , juveni *Solano* non exiguum sane honorem perperit , uniusque ex prædictis Dominis favorem lucrata est : sed , quia doctoratus gradu etiamnum destituebatur , nullum inde solidum beneficium retulit : & , angusta domi re , praxin exercendi causa , *Illoram* , parvum in vicinia oppidum , discedere haud diu post coactus fuit .

In hac urbe , ubi Archiatri titulo medicinam profitebatur circa anni 1709. finem , vel sequentis initium , frequenter pulsum quemdam inæqualem reperit , quem parum admodum curavit , donec peculiari , qua post supra dictas observationes , pulsum semper examinabat , diligentia , illum dicroti atque intermittentis more regularibus saepè periodis recurrere intelligeret . Ad quilibet nunc , quæ in pulsu occurrerent novitates abunde præparatus , pulsum hunc sollicite explorabat , quem criticis in universum sudoribus , sed subinde simplici tantum humiditate , aut eruptionibus cutaneis , stipatum esse deprehendit (de binis ultimis nullam in prædictiorum legibus mentionem attulit) ; & , ut alias olim de dicroto atque intermittente pulsu perfecerat , sic hasce etiam de pulsu inciduo observationes , iterato opere perpolivit .

Jamque in prædicendis crisibus *Illoræ* famam acquisiverat *Solanus* , cum *Franciscus de Castro Palomino* , in eodem oppido Chirurgus , illas , quarum adminiculo tot stupendas , uti ipse testis fuerat , prognoses conficeret , leges noscere exoptabat . Hunc ea de re instruxit auctor , per-

permisitque, ægros suos inviseret; unde tantam in hac methodo experientiam adeptus est, ut postquam *Illoram* reliquisset *Solanus*, variis ibidem loci felicibus præsagiis celeberrimus evaserit, & commune, quocumque urgen-
te casu, refugium.

Proximus, cui suam prædicendi artem communicavit *Solanus*, Don *Pedro Fermin* appellabatur, qui tunc praxin ejus frequentabat in *Rute*, & *Iznajarae* postea, nec non *Granatae*, ubi praxin medicam exercuit, crises fau-
stis sæpe avibus prænuntiavit. Ad binos hosce Domi-
nos, ut maturæ suarum de pulsu observationum origi-
nis testes, Auctor publice provocare consueverat.

En historiam, quam de novarum observationum in-
cunabulis a *Solano* ipso accepi. Hæc in quibusdam (a
mere Medica historiae parte alienis) ab ista differt,
quam in *Lapide Lydio* evulgavit; sed ibi, quæ *Pabulum*
præceptorem potuissent offendere, omnia prætermise-
rat.

Multiplex porro in crisiū prædictione lumen, quod
pulsu certe obtineri non poterat, *Veteribus* se debere,
agnoscebat *Solanus*. Haud dubie animadvertisit Lector,
Auctorem, variis in hoc opere casibus, futuras ad sta-
tam horam crises, ipsasque, quæ comitarentur, circum-
stantias prædictissime. Hoc prima fronte admodum stupen-
dum & incredibile adparet singulis, qui *Antiquorum*
observationes de febrium acutarum natura, charactere,
generali decursu, particularibusque paroxysmis, & de
diversis, ad quas in ejusmodi febribus & paroxysmis va-
riæ crises solent occurrere, periodis, haud recolligunt:
harum autem circumstantiarum intuitu, cessat stupor,
& facillime concipitur, quæ indicata per pulsū crisis
ad peculiarem horam, & peculiaria ipsi jungenda phæ-
nomena restringi queat. Sic v. g. in acuta febre, re-
gularibus paroxysmis, intra 24. horarum spatiū futu-
ram per sudores crisiū pulsus indicet; illa, qua paroxys-
mi remissio exspectatur, hora determinanda erit, ut tem-
pus crisis; quæ, juxta specificam febris indolem, violen-
tiā, lenitatem, ægri robur, temperamentū, ætatem,

diversas alias conditiones, ipsiusque crisis magnitudinem, delirio, rigore, anxietate, &c. vel stipata erit, vel immunis. Pro subiecto, quod ab *Antiquis* adeo accurate tractatum est, generales hæ animadversiones sufficiunt.

Non inutile erit Lectorem hoc loco instruere de circumstantia quadam, in historia prædicti a *Solano* icteri (pag. 56.) prætermissa. Pulsus incidui memorata ibidem durities auctori innuit, notatam inde crisis haud futuram per sudores: sed quid ipsum induxerit, ut icterum fore judicaret, nequaquam exprimitur. Profundum hoc mysterium videri potest, quod, ut penetretur, eximium quoddam ingenium postulet, atque etiamnum forte Lectoris animum suspensum tenet. Sed revera nihil aliud erat, quam obviarum aliquot morbi circumstantiarum facilis quedam combinatio. Melancholiæ hypochondriacæ, triduo ante crisis, hypochondriorum dolor & tensio supervenerant: hæc, ex pulsu, quo alia crisis species indicabatur nec diarrhœa, nec vomitu, nec urinæ profluvio terminanda judicavit Auctor; adeoque icterum fore conclusit, maxime naturalem scilicet hujusmodi casus progeniem.

Sic ad vulgares aliquot, in unum adspectum collectas, circumstantias exquisita attensio tacitas naturæ operationes detegit, atque in lucem educit res, quæ humanæ industriae limites superare cæteroquin viderentur.

E P I L O G U S.

Galenus, a *Baglivio* allegatus, pulsu post singulas pulsationes intermittente proxime instantem mortem denuntiari, statuit. Idem se in acutis febris observasse adfirmat *Baglivius*. Pulsus illo gradu, *Solaniano* sensu, intermittentis unica, quæ novi, exempla *Prosperi Alpinii* observatio, & obs. 6. pag. 117. jam inde memorata, suppeditant. Agnoscere oportet, quod in earum prima, ægra, licet crisis beneficio convalesceret, sub imminenti tamen periculo, aut fuerit, aut esse saltem adparuerit.

rit. In altera autem, quantum animadverti potuit, tam brevi tempore intermissio persistit, ut neutra ex parte isthæc urgeri queat. Ægros revera aliquot, acutis febris conflictatos, intermittente ad secundas quaslibet tertiasque diastoles pulsu, feliciter convaluisse, variis in hoc opere observationibus demonstratum est. Verumtamen casus, a *Baglivio* memorati, eventus periculosis haec tenus, si non lethalis, videtur. Nihilominus, ut res hæc absolute decidatur, multum verisimiliter contribuere poterit pulsus conditio: parvus, debilis, & ad singulas præsertim diastoles intermittens, pulsus lethale, in universum loquendo, indicium suppeditet. Huncque, ut videtur, casum, in prima de intermitente pulsu propositione, *Solanus*, respexit; quem (pag. 32. n^o. I.) *Tunc tantum mortem portendere enuntiat, cum robur ad perficiendam crisin requisitum deficit.* Sed utrum pulsus, eo gradu intermittens, validus licet & insignis, signum fatale exhibeat, id, una cum omnibus, quæ huc usque dicta sunt, prudenti Lectoris meditationi, atque experientia, submisso animo relinquam. Etenim, ut illud hæc repetam, referre facta, novam observationum scenam recludere, aliosque majori experientia & opportunitate feliciori me præcellentes, Medicos ad serium adeo insoliti, adeo gravis negotii examen impellere, præcipiuus mihi scopus fuit, &

F I N I S.

Fungar vice Cotis.

IN-

INDEX GENERALIS

A

- A**CCIDENTALIA (*Symptomata*) Vid. *Symptomata*.
 ACUTÆ febres . vid. *Febres acutæ*.
 ADSTRINGENTIA.
 Fugant *Pulsum Dicotum* . 302
 Fugant *Pulsum Intermittentem* . 51
- AER.
 Ejus calor *Gadibus* . vid. *Calor* .
 ---- frigus *Gadibus* . vid. *Frigus* .
- ÆTHIOPS.
 Ejus casus . 107
- ALBERTINUS (*Hippolytus Franciscus*.) Ejus observationes :
 De necessario , pro radicali febrium intermittentium cura , *Crisium* cum cortice peruviano concursu . 90 ad 92
 De ejusmodi intermittentibus febribus , quas vel comitatur , vel
 præcessit consuetæ cujusdam evacuationis suppressio . 91
 Confirmatæ a variis aliis Medicis . 93
- ALPINUS (*Prosper.*)
 Ejus error , quoad propensionem pulsus intermittentis in acutis
 febribus . 59
 Ejus observatio circa hunc pulsum . 58
 Hæc duabus conditionibus a *Solanianis* prædictionum regulis vi-
 detur discrepare . 59. & 60
 In *Solani* favorem manifestum testimonium . 58. 60.
 Ad *Solani* ætatem in adversariis medicis obscura . 60
- ALVAREZ (*Dr. Don Antonio.*)
 Ejus observationes circa pulsum dicrotum . 42. 101.
 Testis fuit variarum prædictionum *Solani* . 47. 48. 52. & 118
- ALVI Constipatio
 Quandoque observata sub pulsu intermittente . 68
- ALVI Laxitas .
 Quandoque observata sub pulsu intermittente . 68
- ANGLI Medici . vid. *Medici* .
- ANTIQUI.
 Casus , ex iisdem , *Solanianis* observationibus analogi . 58
 Auctoris præsentis Opusculi animadversiones circa *Crisium* consi-
 derationem apud eos . 81. ad 98
 Ex iisdem derivavit *Solanus* ea , ex quibus *Crisium* hora præ-
 dici potest . 37. 126. & 127
 Eorum doctrina circa *Crises* non pro ridicula tractanda . 85
 Eorum dogmata circa *Crises* qualia re vera sint . 81
 Vendicata factis . 82. 83. 84. 85. 87. & 97
 Eorum facta & regulæ pro *Crisium* prædictione adoptata a Boër-
 bavio . 87
 Eorum facta a Modernis quibusdam confirmata . 82. 83. 86. 97
 Eorum facta confirmata a *Foersto* . 83. 84
Et

130 I N D E X

Et ab Hoffmanno.

Eorum facta neglecta a plerisque Modernis sine sufficienti causa. 83
80. ad 82

Incertitudo vel falsitas criticorum signorum, ab iis traditorum, numquam legitime a Modernis probatae sunt. 87. 88. 97

Objectiones contra Crisium observationem apud eos, male fundatae. 81. & 82

Sollicite criticæ evacuationis copiam observaverunt. 37

Eorum prognoses circa pulsum internittentem. 123. & 124
Falso lethales.Eorum regulas de prædictione Crisium feliciter secutus est Forrestus. 59. 79. & 80
84

APOPLEXIA

Quandoque observata est sequela febrium intermittentium, catarum per corticem, absque interventu Crisium. 92

ARTERIÆ.

Aortæ inferioris compressio. vid. Compressio.

Axillarium arteriarum compressio. vid. Compressio.

Arteriæ mesentericæ. vid. Mesentericæ arteriæ.

Arteriæ renales. vid. Renales arteriæ.

Temporalium arteriarum pulsatio. vid. Pulsatio.

ARTERIOTOMIA.

Subiti ejus & mirabiles effectus in cephalalgiis chronicis. 93

Applicabilis ad acutos casus.

Neglecta hisce temporibus. 94

ibid.

AUCTOR præsentis Opusculi.

Operis ejus momentum consistit in novitate & veritate factorum, quæ continet. 5. Quarum illa facile ab unoquoque Lectore agnosceretur, unde non probabitur. Ibid. Hæc vero solidissime pertractabitur, & optime appetit ex relatione addita. 5. ad 11

Opus Solani a Petro Roxo ipsi traditur. 6

Illud diligentissime legit, & observationes omni candore instructas invenit. 7. & 8

Antequeram tamen petit, ne minimo quidem dubio locus foret, & humanissime a Solano recipitur, qui veritatem observationum suarum ipsi probat. 8. & 90

Novit aliquos, qui Solani observationes ne quidem animadvertebant, donec mera experientiæ vi convincerentur. 9

Peculiarem de se ipso mentionem prætermittit, & Lectori de candore suo relinquit judicium. Ibid.

Lectorem monet de Solani in medicina & philosophia naturali cognitione infirma, ut omni præmaturæ exceptioni occurrat. 12

Quare observationum editionem non distulerit. 12. ad 14

Persuaserat Solano, ut correctam observationum suarum editionem præpararet, quam obitus ipsius prævertit. 13. ad 15

Collegarum & aliorum Medicorum auxilium provocat, ut observationes perfectiores communicent. 14. 17. 62. 128

Operis sui divisionem dat, & veniam a Lectore petit, si leves quasdam incurias observaverit. 15

Factorum similitudinem, quantum potuit, evitavit. 16

Quare Sinensium artem in explorandis pulsibus silentio prætermittit.

mittat.	16. & 17
Quare peculiare de <i>Crisium</i> observatione caput addiderit.	17. 78
Metuit, ex <i>Crisium</i> neglectu, ne opus ejus tamquam fraudulentum censuram subeat.	79
Objectionem hanc tamen præcavet.	79. ad 80
Adserit Modernorum neglectum circa antiquam observationem <i>Crisium</i> nondum hactenus legitime justificatum.	80. ad 81
Ejus animadversiones circa <i>Crisium</i> apud Modernos neglectum, & considerationem apud <i>Antiquos</i> .	81. ad 98
----- in Sir John Floyer's <i>Pulsewatch</i> .	29. & 30
Ejus animadversiones de celeri inflammationum progressu in acutis febribus.	116
----- circa pulsum dicrotum.	68. ad 73
----- Intermittentem.	73. ad 75
Experientia convictus de nimia conclusionum latitudine, quas, in legibus pro prædictione <i>Crisium</i> constructis, fecit <i>Solanus</i> .	11. 37. 72. ad 74. 76. ad 77. 110. ad 111
Ejus differentia a <i>Solano</i> unde pateat.	77
Observationum ejus defectus causæ quædam.	69. ad 71
Ex ejus observationibus determinari potest connexio inter criticos <i>Solani</i> pulsus & relatives horum crises.	39. &c. 66. ad 71
Ejus observationes <i>Solanianis</i> factis fidem adjiciunt.	76
Differentiae inter ejus & <i>Solani</i> observationes circa <i>Pulsum dicrotum</i> .	39. &c. 68. ad 71
Ejus observationes circa <i>Pulsum dicrotum</i> .	65. ad 67. 99. ad 111
----- de narium hæmorrhagia absque <i>Pulsu dicroto</i> .	68
----- circa <i>Pulsum intermittentem</i> .	67. 68. 113. ad 121
----- Observatio de diarrhoea critica sine <i>Pulso</i> <i>intermittente</i> .	104
Non observavit <i>Pulsum inciduum</i> , nec <i>dicroti</i> vel <i>intermittentis</i> a majoribus gradatim ad minores adparitiones progressum, nec <i>Crieses</i> per <i>Vomitum</i> vel <i>Urinam</i> .	71
Qua intentione præfentes observationes communicet.	77
Ejus observationes <i>Solanianis</i> inferiores.	69. ad 71. 76
----- limitant & corrigunt leges prædictionum <i>Solanianas</i> .	72. ad 74. 77. 110. ad 111
----- novæ in <i>Medicina</i> .	68
----- Observatio de pleuritide defuncti dissectione.	114. ad 116
----- Observationes repetendæ cum cautela & prudentia.	77
----- similes ex <i>Antiquis</i> .	58
----- Observationum usus & finis.	77. ad 80
Edocitus omnes <i>Solani</i> observationes, æqualis cum iis, quas edidit, exactitudinis non fuisse.	76
Non omnes <i>Solanianas</i> observationes enarrat, sed quasdam reficit.	40
AURES.	
Adfectæ sub pulsu dicroto.	66
AVICENNA.	
<i>Pulsum Martelinum</i> immerito malum enuntiavit.	122
AVILA (Pedro de)	
Ejus casus.	119

SAGLIVUS.

Observatio ejus de fluidis, intra crassa intestina contentis, & per vesicam absorptis. 59. ad 60

Observatio ejus circa pulsum intermittentem. 127

BALLONIUS.

Judicij limati practicus. 89

Strictissime prohibet purgantia, appropinquante, vel præsente die critico. ibid.

BELLINI.

Opinio ejus ingeniosa tantum hypothesis contra crises. 82

BOERHAAVE.

Admittit facta allegata, & regulas statutas, ab Antiquis pro prædictione Crisiūm. 87

BORBORYGMI.

Intestinorum, sub pulsu intermittente, observati. 47. 68. 114. 116. 117

CALOR Aeris.

Ejus gradus Gadibus. 24. ad 26.

CANDIDATI Medicinæ. vid. Medicina.**CAPUT.**

Ejus affectionum quarumdani causa videtur fuisse hypochondriorum obstructio. 107

Periculosi hujus affectus, sequentes curam febrium quarumdam intermittentium per corticem, absque Crisiūm intervenitu. 91. ad 92

Varie affectum sub pulsu dicroto. 36. 42. 66. 71. 100. 102. 103. 104. 105. 108. 109. 110. 111

CARRERA (Manuel de).

Ejus casus. 116

CASTAN (Doctor Don Pedro).

Ejus observationes circa pulsum dicrotum. 45

CASTILLA (Don Pablo de).

Ejus casus. 117

CASTILLO (Doctor Don Francisco del).

Ejus casus. 124

CASTRO PALOMINO (Franciscus de).

Primus instructus a Solano, de legibus ipsius in prædicendis Crisiibus, felicibus præsagiis celeberrimus evadit. 125. ad 126

CATALEPSIS.

Observata sub pulsu dicroto. 110

CATHARTICA. vid. Purgantia.**CAUTELA.**

In examinando pulsu dicroto. 100

In formanda inde prognosi. 77

CEPHALALGIA inveterata.

Resistit evacuationibus juxta communem venæ sectionis & purgationis methodum institutis. 93

Subito curata per arteriotomiam. ibid.

CER-

CERTITUDO in Medicina. vid. Medicina.

CLIMATA Septentrionalia. vid. Septentrionalia climata.

COCTIO.

Veterum circa illam observationes a nullis aliis evertuntur. 87. ad 88. 97

COLON intestinum. vid. Intestina.

COMA.

Observatum sub pulsu dicroto. 66. 116

COMPRESSIO Arteriarum.

Aortæ inferioris, videtur causa fuisse hæmorrhagiæ narium. 107

Axillarium.

Ad illam non est limitata causa pulsuum criticorum. 75

CONNEXIO.

Inter criticos Solani pulsus, & relativas horum crises, factis stabilita. 39. &c. 66. ad 71. 77

Insignem pro Crisi evidentiam format. 77

Non debet examinari per theoriam. 74. ad 75

Limitata.

Ex hac Crises in lucem productæ, & producendæ, ad aliquot dierum distantiam pronuntiatæ, & pronuntiandæ. 77

Ex hac patet differentia Auctoris præsentis Opusculi a Sola-
no. ibid.

Cum pulsu dicroto connexionem non habent hæmorrhagiæ narium, per vasorum erosionem productæ. 73

CONVULSIO.

Quandoque causa pulsus intermittentis instabilis. 74

CONSTIPATIO Alvi. vid. Alvi constipatio.

COR.

Ejus inflammatio. vid. Inflammatio.

Morbi ejus causæ pulsus intermittentis. 73

Ejus polypus observatus. 115

Pulsus critici non oriuntur a causa, ad illud limitata. 75

Suppuratum, & pericardio adhærens. 114

CORPOSIS Situs.

Ad eum non est limitata causa pulsuum criticorum. 75

CORTEX Peruvianus.

Non curat efficaciter & tuto febres intermittentes sine interven-
tu Crisium. 90. ad 92

Promiscue adducit varias Crisium species. 91

Salutares ejus effectus non limitati ad aliquam peculiarem cri-
sin. ibid.

Datus cum roborantibus catharticis, in quibus casibus bene cef-
serit. ibid.

Ejus, sine adjuncta Crisium ope, in febrium intermittentium
curatione, inefficacia ad remediorum effectus scientiam nos
ducit. 92. ad 97

CRISTADO Y BALBOA (Doctor Don Francisco).

Testis est aliquot prædictionum Solani. 41. & 48

CRISES.

Historiæ earum, unice per pulsum prædictarum, fabulosæ vide-
ri debent. 5. ad 6. Unde eruditio orbi significatur, qua fide
opus hoc publico offeratur, & optime appetet ex relatione
addita. 6. ad 11. Ob-

- Observatæ citra ulla pulsuum prægressa indicia. 35. 68. 103
 Regulariter juxta *Solanum* subsequuntur pulsus, qui illas innunt .
- Crisi cuidam aliquando nova alia crisis substituitur. 35. ad 36.
 conf. 59. ad 60
- Aliquando plures accidentunt simul. 36
 Hujus rei exempla. 42. 53. ad 54. 120
- Earum hora probabiliter prædicti potest. 37. 86. 126
- Crisis indicia cum *Solanus* observaret, remedia prohibuit. 41
 Earum decursui regulari repugnare climata septentrionalia, diu objectum fuit. 52. 53. 56. 57. 122. 123
 Inter criticos *Solani* pulsus, & relativas horum crises connexio factis stabilita . 62
 Per pulsum dicrotum indicatæ minus regulariter succedunt. 72
 Ex connexione inter pulsus & relativas eorum crises patet *Auctoris* præsentis Opusculi a *Solano* differentia. 77
 Unde in lucem productæ, & producendæ, ad aliquot dierum distantiam pronuntiatæ, & pronuntiandæ. ibid.
 Connexio inter eas & pulsus, ipsas indicantes, insignem pro crisi evidentiam format. ibid.
 Ad eas avertendas comparata moderna praxis. ibid.
 Earum prænotio ingens privilegium. 78
 Earum observatio in contemptum incidit post *Paracelsum* atque *Helmontium*, & medicinæ per *Chemicos* invasionem. 78. 93
 Ex universali harum neglectu metuendum, ne opus præfens tamquam fraudulentum censuram subeat. 79
 Moderni hactenus in earumdem neglectu nulla ratione sustentati .
 Vera substantia doctrinæ crisium. 80. ad 82.
Auctoris præsentis Opusculi animadversiones circa earum apud *Modernos* neglectum, & considerationem apud *Antiquos*. 81. ad 98
 Per eas non omnes acutæ febres terminantur. 81
 Male fundatæ objectiones contra easdem . 81. ad 82
 Examinandæ factis . 82. 97
Antiqui in illarum favorem factis institerunt. 82. ad 84. 86. 87. 97
 Exemplum hujus rei ex *Fereflo*. 83
 Confirmatæ a *Modernis* Medicis . 82. 86. 97
 Exemplum hujus rei ex *Fred. Hoffmanno*. 83
 Non ridicule tractandæ . 85
 Non sunt violenti conatus Naturæ sibi ipsi relictæ, sed stabilia ejus opera . 85. ad 87. 97
 Quandoque accidentunt post repetitas omnis generis evacuationes .
 Sæpe citra ullum notabilem in ægro tumultum . 41. 45. 54. 55. 78. 85. 100. 102
 Generaliter fixum ordinem sequuntur . 85
 Objectiones contra earum usus practicos solvuntur . 86
 Eæ in levibus febriculis imperceptibiles; evidenter in gravioribus; in violentissimis violentæ . 85. ad 88
 Purgante impeditæ, periculosæ & lethales . 87
 Sine earum interventu non tuto curantur febres intermittentes, ope corticis peruviani, vel aliorum febrifugorum . 89. ad 90
 Corticis Peruviani in intermittentium febrium curatione, inefficacia ,

- cacia , sine earum interventu nos ad remediorum effectus
scientiam deducit . 92. ad 97
- Earum variæ distinctæ species sequuntur usum corticis peruviani ,
vel aliorum febrifugorum . 91
- Earum tempus post usum corticis peruviani non stabile . ibid.
- Sanant recentes viscerum obstrukções , ab intermittentibus fe-
bribus natas . 91. ad 92
- Incertitudo vel falsitas criticorum signorum , ab Antiquis tradi-
torum , nunquam legitime a Modernis probatæ sunt . 87. ad 88. 97
- Quæ demonstrationes requirantur . 87
- Periculum valida , sine ullo crisi suspectu , remedia in acutis
febribus præscribendi , demonstratum per facta . 88. ad 92. 97
- Salutares bonarum crisi effectus illis , quos efficacissima nostra
remedia producunt , superiores esse , ideoque per hæc proprie-
suppleri non posse , factis & ratione demonstratur . 93. ad 95. 97
- Notabilis differentia in eventu talium acutarum febrium , quæ
crisis vel comitatæ , vel destitutæ sunt . 83. 84
- Earumdem observatio cum strenua admodum curandi methodo
potest subsistere . 95. 97
- Earumdem observatio Medici attentionem exigit . 95
- Ea felix futura Medici otium clamat . ibid.
- Medium est inter pusillanimem otiosam & tumultuariam præci-
pitatem praxin . 96
- Aliquando retardantur ob fluidorum vel emunctiorum vi-
tium . 70. 73. 104. ad 105. 108 ad 109
- Aliquando perniciose ob accidentalem debilitatem . 37. 50
- Hujus rei exempla . 43. 44
- Quando prædicendæ felices . 37. 86
- Pro prædictione earum leges . vid. *Leges* .
- CRITICA Diarrhœa.** vid. *Diarrhœa*.
- CRITICA Evacuatio.** vid. *Evacuatio*.
- CRITICA Hæmorrhagia.** vid. *Hæmorrhagia*.
- CRITICA Signa.** vid. *Signa*.
- CRITICA Symptomata.** vid. *Symptomata*.
- CRITICA Urina.** vid. *Urina*.
- CRITICI Dies.** vid. *Dies Critici*.
- CRITICI Pulsus.** vid. *Pulsus Critici*.
- CRITICUS Icterus.** vid. *Icterus*.
- CRITICUS Sudor.** vid. *Sudor*.
- CRITICUS Vomitus.** vid. *Vomitus*.
- CRUDITAS.**
- Antiquorum circa eam observationes nullis aliis evertuntur .
87. ad 88
- CRUOR.**
- In Hæmorrhagia narium . vid. *Hæmorrhagia*.
- CUENCA (Ludovicus De)** 47
- Ejus casus .
- CUESTA (Franciscus Martinus De)** 103
- Ejus casus .
- CUTANEA Eruptio.** vid. *Eruptio cutanea*.

D

DEBILITAS.

Quandoque causa pulsus intermittentis instabilis.

Ob eam *Crisis* lethalis evadere potest. 74

DELGADO (Juan)

Ejus casus.

DELIRIUM.

Observatum sub pulsu dicroto.

36. 42. 66. 102. 108. 110

DIARIUM Thermometricum.

Paratum *Gadibus*.

DIARRHOEA

Notata per intermittentem pulsum.

Exempla hujus rei. 42. 46. &c. 54. 67. 110. 114. &c. 123. ad 125 32

Critica, observata absque prægresso pulsu intermitte. 104

Crisis per eam, & per urinam, indicium non accurate distin-
ctum est.

Crises per eam, & per urinam, facile inter se invicem conver-
tibles

Critica, aliquando sequitur usum corticis peruviani, vel aliorum
febrifugorum.

Critica, perniciosa evadere potest ob accidentalem debilita-
tem. 91

DIAZ (Frater Francisco)

Ejus casus.

DICROTUS Pulsus. vid. *Pulsus dicrotus*. 47

DIES.

Critici, qui

Probati factis. 81. 83

3. 4. 7. 11. 14. dies pro critici revolutionibus notabiles in fe-
bribus acutis. 83. 84. 96

Septenarii & Semiseptenarii faustis crisiis peculiariter dedica-
ti. 83

7. in factis reliquis superior. 81

14. Septimo proximus, quoad felices crisi eventus. ibid.

4. 9. & 11. pro infaustis crisiis notabiles. 83. 84

Die critico prohibentur evacuationes a *Ballonio*. 89

Die critico lene purgans, in acutis febribus exhibatum, lethali.

Objectiones contra eos male fundatae. ibid.

DOLORES.

Capitis, frontis, temporum, nasi, oculorum, & aurium sub
pulu dicroto observati. 36. 66. 103. 104. 105. 109. 110. 111

DURAN (Alfonsus)

Ejus casus.

49

E

EMES (Michael).

Ejus casus.

EMUNCTORIA.

Eorum resistentia moratur crises. 70. 73. 104. ad 105. 108

ERUPTIO cutanea.

Ob-

Observata sub pulsu inciduo.

125

EVACUATIONES.

Criticarum evacuationum copiam follicite observaverunt *Antiqui*.
37

Eam neglexit *Solanus*. *ibid.*

Fœtidæ non lethales. 95

Prohibentur a *Ballonio* die critico. 89

Generales: harum inefficacia in removendis quibusdam morbis. 93

Post omnis generis evacuationes crises aliquando contingunt. 41. 45. 54. 55. 78. 85. 100. & 102

Particulares: in quibusdam tantum casibus, noxiis humoribus liberare corpus, vel solidorum tonum mutare valent. 93. 97

Solice cujusdam suppressio periculosa, post usum corticis peruviani in febribus intermittentibus. 91. ad 92

Criticarum evacuationum quantitas. vid. *Quantitas*.

Hæmorrhoidales. vid. *Fluxus hæmorrhoidalis*.

Menstruæ. vid. *Fluxus Menstruus*.

F

PEBRIFUGA.

Non, nisi crisiū interventu, curant febres intermittentes. 91

FEBRES acute.

Earum revolutionibus dies critici *Septenarii*, & *Semiseptenarii* dedicati. 81

In iis dies 3. 4. 7. 11. 14. notabiles pro revolutionibus criticiis. 83

In iis pro infaustis crisiis notabiles 4. 9. & 11. dies. 83. 84

In levibus, crises imperceptibiles; in gravioribus evidenter; in violentissimis violentæ. 87

Non omnes per crisiū terminantur. 81

Earum eventus præcipue dependet a methodo curandi, primis ipsis invasionis diebus adhibita. 96. 116

Differentia eventus earumdem, cum, vel sine crisiis. 83. 84

In iis juxta *Ferrenum* pulsus intermittens est legitima exhibendi purgantis indicatio. 71

Sub intermittente pulsu falso dictæ lethales. 59. 79. 80. 123. ad 125

In iis natura non satis æstimata. 79. 88. ad 93

In iis *Radcliffiis* caute admodum utebatur remediis turbantibus, & mitissimis etiam catharticis. 89

In iis leve purgans die critico exhibitum lethale. 89. ad 90

Valida in iis remedia præscribere periculosem. 88. ad 92. 97

Quandoque sequelæ sunt febrium intermittentium, per corticem curatarum, absque crisiū interventu. 90. ad 92

Intermittentes.

Fallax harum cura, & subinde lethalis, sine interventu crisiū. 90. ad 92

Praxis eminentium quorumdam Medicorum *Londinensium* huic observationi analoga. 91

In harum cura inefficacia corticis peruviani, sine crisiū ope, nos ad remediorum effectū scientiam deducit. 92. ad 96

Tertiana duplex sanata paucis Tart. Vitriolat., Nitr. Antim., & Sal. Absynth. dosibus. 112

In

138 INDX

In iis , quas vel comitatur , vel præcessit consueta quædam eva-	
cuatio , ea suppressa periculosa .	91
In iis Natura non satis æstimata .	90. ad 92
Harum paroxysmorum sudores pulsus inciduus , ut plurimum ,	35. ad 36
non præcedit .	
FELLIS Vesicula. vid. <i>Vesicula Fellis</i> .	
FERMIN (Pedro)	
Proximus , cui suam prædicendi artem communicavit <i>Sola-</i>	
<i>nus</i> .	126
FERREN (Doctor) .	
Ejus observatio circa pulsum intermittentem .	71. ad 72
FLATUS .	
In intestinis observati sub pulsu intermittente .	47. 68. 114. 116.
	117. ad 119. 120
FLOYER (Sir John) .	
Animadversio in ejus librum <i>Pulse-watch</i> .	29. ad 30
Plurimum operis impendit explicandæ <i>Sinensium</i> arti , in explo-	
randis pulsibus .	16. ad 17
FLUIDA .	
Eorum vitium quandoque moratur crises .	70. ad 73. 105. 109
FLUXUS .	
Hæmorrhoidalis .	
Menstruus .	93
Suppressi , per venæ sectionem , eadem vel majori copia institu-	
tam , proprie compensari nequeunt .	ibid.
Cur ?	ibid.
Menstruus indicatus per pulsum intermittentem .	118. 119
Purulenti . vid. <i>Purulenti fluxus</i> .	
Salivæ . vid. <i>Salivæ fluxus</i> .	
FORESTUS .	
Observationes ejus illas <i>Veterum</i> circa crises confirmant .	83. ad 85
<i>Antiquorum</i> regulas de prædictione crismum feliciter secutus est .	
	84. ad 85
FRIGUS .	
Aëris <i>Gadibus</i> .	25. ad 26
FRONTIS Dolor . &c. vid. <i>Dolor</i> .	
FUENTES (Doctor Don Raphael de) .	
Testis unius observationis de pulsu inciduo .	55
G	
GALENUS .	
Ejus error , fœtidarum excretionum respectu .	95
Respectu pulsus intermittentis .	59
Observatio ejus circa hunc pulsum .	
Felix ejus prædictio criticæ nasi hæmorrhagiæ .	127
GARZIA (Frater Cecilio) .	
Ejus casus .	52
GARZIA (Doctor Don Francisco) .	
Testis unius observationis de pulsu dicroto .	112
GARZIA (Frater Michaël) .	
Testis unius prædictionis <i>Solani</i> ex pulsu intermittente .	47. ad 48
GODOY Y ROXAS (Don Alphonso de) .	
Ejus casus .	52
	Go.

GOMEZ (Doctor Don Joseph).	
Observationes ejus circa pulsum dicrotum.	47
— — — — circa pulsum intermittentem.	49. &c.
— — — — circa pulsum inciduum ..	51
GOMEZ (Frater Juan).	
Ejus casus .	53
GONI Y AVENDANO (Don Geronimo).	
Ejus casus .	45
GRANA (Sylvestre de).	
Ejus casus .	313
GUTIERREZ DE LOS RIOS (Emanuel).	
Compendii <i>Lapidis Lydii</i> editor , judicio carens.	13

H

HÆMORRHAGIA.

Narium , per pulsum dicrotum indicata .	29
Exempla hujus rei . 41. &c. 53. 67. &c. 99. &c. 142. ad 143	
Non sequitur semper pulsum dicrotum .	36. 66
Observata sine pulsu dicroto .	69
Ei non semper absolute possumus confidere ex adparitione pul- sus dicroti .	73
Juxta <i>Auctorem</i> præsentis Opusculi pulsus dicrotus est potius in- clinatio ad narium hæmorrhagiam , quam absolutum ejus in- dicium .	72
In ea si crux pallide ruber , & parca copia fluxerit , ægræ lente convalescunt ; lentissime vero , si cum eodem colore abundaverit .	36
Quandoque retardata ob densitatem sanguinis , vel vasorum re- sistentiam . 70. ad 73. 105. 109	
Copiosa , non semper violentos capitum adfectus præcavet in morborum principio .	110
Per tacitam vasorum erosionem producta pulsu verisimiliter nunquam indicatur .	73
Critica , lethalis ob accidentalem debilitatem .	43
Felix ejus prædictio , a Galeno facta .	88. ad 89
Quædam probabiliter per aortæ compressionem orta .	107

HÆMORRHOIDALIS fluxus . vid. Fluxus hæmorrhoidalis .**HÆMORRHOIDES.**

Observatæ sub pulsu intermittente .	63
-------------------------------------	----

HEPAR.

Ejus parvi lobè limbus lividus inventus .	115
---	-----

HERCULEA Medicina . vid. Medicina .**HEREDIA Y BAZAN (Don Antonio de)**

Testis unius Solaniane observationis de pulsu dicroto .	42
---	----

HIPPOCRATES .

Ex ejus <i>Aphor.</i> 8. <i>Sect.</i> 3. verisimiliter deducta fuit objectio , climata septentrionalia regulari crisium decursui repugnare .	62
---	----

Objectiones contra ejus <i>Aphor.</i> 61. <i>Sect.</i> 4. male fundatæ .	81
--	----

Ejus <i>Aphor.</i> 71. <i>Sect.</i> 4. citatur .	52
--	----

HISPANI Medici . vid. Medici .**HOFFMANNUS (Fredericus).**

Ejus observationes confirming illas , quas Veteres de crisibus con- fecerunt .	83
---	----

HUMIDITAS.

Observata sub pulsu inciduo.

125

HYPERCATHARSIS.Observata sequela lenis cathartici, appropinquante, vel præsen-
te die critico exhibiti.

89. 90

HYPPOCHONDRIORUM Obstructio.

Probabiliter causa haemorrhagiæ cujusdam narium.

107

I

ICTERUS Criticus.

Indicatur pulsu inciduo cum arteriæ duritie.

35

Ex hoc pulsu prædictus a Solano.

56

Rationes, quæ inducebant ipsum ad hanc prognosin.

126. 127

IGNACIO (Francisco).

Ejus casus.

51

INANITIO.

Quandoque causa pulsus intermittentis instabilis.

74

INCIDUUS Pulsus. vid. *Pulsus inciduus*.**INDIGESTIO.**

Quandoque observata sub pulsu intermittente.

68

INFLAMMATIO.Progresui ejus in acutarum febrium principio alacriter occur-
rendum.

106

Quandoque sequela febrium intermittentium, ope corticis peru-
viani suppressarum.

91. & 92

Cordis, pericardii, pleuræ, mediastini, atque intestinorum.

114.

Cordis, quandoque causa pulsus intermittentis instabilis.

& 115

INTERMITTENS pulsus. vid. *Pulsus intermittens*.**INTERMITTENTES febres.** vid. *Febres intermittentes*.**INTESTINA.**

Eorum tumultus sub pulsu intermittente observatus.

47. 120

Fluida intra rectum & colon contenta, quandoque absorbentur
per vesicam.

59. ad 60

Eorum inflammatio. vid. *Inflammatio*.

K

KNIGHT (M. VVilliam.)

Ejus casus.

103

L

LAPIS Lydius Apollinis.

Opus Solanianum ita dictum.

6

Traditur Auctori præsentis Opusculi.

ibid.

Tædiosum volumen in folio, exigui emolumenti.

13

Eius Compendium, editum ab Emanuele Gutierrez de Los Rios.

ibid.

LAXITAS Alvi. vid. *Alvi laxitas*.**LEGES.**

Pro prædictione Crisium ex pulsu quasdam construxit SOLANUS.

11. 29. &c. 32. &c. 34. &c. 35. &c.

Sed libere nimis, & universaliter.

11. 32. 37. 72. 73. 74. 76.

ad 77. 110. ad 111

Ea-

I N D E X

141

EARUM ORIGO.	
Pro prædictione diarrhoeæ criticæ.	121. ad 127
Earum origo.	29. &c.
Pro prædictione hæmorrhagiæ criticæ narium.	123. ad 125
Earum origo.	29. &c.
Pro prædictione icteri critici.	121. ad 123
— — Sudoris critici.	35
Earum origo.	34. &c.
Pro prædictione vomitus critici.	125
— — Urinæ criticæ.	ibid.
Corriguntur, & limitantur observationibus <i>Auctoris</i> præsentis Opusculi.	72. ad 74. 76. 77. 110. ad 111
Pro prædictione Crisium statutas ab Antiquis admittit Boerhaavius.	87
Has ex Factis constituerunt Antiqui.	ibid.
Incertitudo vel falsitas earumdem numquam legitime a Modernis probatae sunt.	87. ad 88
LETHARGUS.	
Observatus sub pulsu dicroto.	65
LIEN.	
Tumidus inventus.	115
LOQUELA DIFFICILIS.	
Observata sub pulsu dicroto.	106
LUQUE (Antonio de).	
Ejus casus.	44

M

MANOJAS (Josephus).	
Ejus casus.	312
MARIN DE APARICIO (Don Pedro Joseph).	
Ejus observatio de pulsu inciduo.	54
MEDIASTINUM.	
Suppuratum.	115
MEDICI.	
Eorum Anglorum præsertim, auxilium provocatur ab <i>Auctore</i> præsentis Opusculi, ut observationes perfectiores communacent.	14. 17. 37. ad 38. 128
Catalogus eorum, qui <i>Solani</i> observationes propria experientia confirmarunt, & illustrarunt.	18. ad 19
Quando ipsis agendum sit in morbis.	95. ad 96
Eorum attentionem exigunt crisium observationes.	95
Eorum otium clamat felix futura crisis.	ibid.
<i>Albertini</i> animadversio eludit eos, quorum in obseruando diligentia una cum febre cessat.	90. 92
Varii confirmarunt <i>Albertini</i> observationes.	90

ANGLI.

Felix eorum methodus dandi corticem peruvianum cum roborantibus catharticis.

91. ad 92

HISPANI.

De ignava eorum infensilitate conqueritur *Perrus Roxo.*

6

Post *Solani* obitum ejus observationum perquisitionem dereliquerunt.

13

Sti-

Stimulus eorum, ad *Solanum* incitandum, levis fuit.

39

MEDICINA.

Medicinæ Candidati in *Hispania*, antequam ad prixin admittantur, Medici alicujus prixin biennio frequentare debent. 122

Certitudo in ea exigua.

— — — magni pretii est, etiam minima. 77

— — — major quomodo acquirenda. ibid.

Ejus a *Chemicis* invasio, tempus est, quo incepit præsens generalis neglectus crisiū. 78. 93

Speciale lucrum ei accedit ex observationibus circa pulsum intermittentem. 79

Herculea, quæ. 88. ad 89

— — — considerata. 88. ad 97

— — — cum crisiū observatione subsistere potest. 95. 97

MENSTRUA. vid. *Fluxus menstruus*.**MERCADO (Manuel).**

Ejus casus. 43

MESENTERICÆ (Arteriæ).

Exigua in illis resistentiæ inæqualitas crisiū, per diarrhœam, in illam, per urinam, mutare potest. 59. ad 60

MODERNI.

Neglectus horum, circa antiquam observationem crisiū, nondum hæc tenus legitime justificatus. 80. ad 82

Ex hoc metuendum, ne opus præsens tamquam fraudulentum censuram subeat. 79

Incertitudo vel falsitas criticorum signorum, ab *Antiquis* traditorum, numquam legitime ab iis probatæ sunt. 87. 97

Auctoris præsentis Opusculi animadversiones, circa crisiū neglectum apud eos. 81. ad 98

Eorum aliqui facta, a *Veteribus* pro crisiū prædictione adlegata, confirmarunt. 82. 83. 86. 97

Ea adoptavit *Boerhaavius*. 87

Eorum prognoses fatales circa pulsum intermittentem. 79. ad 80

MOLLITIES.

Pulsus intermittentis, signum crisiū per urinam. 33. 58. ad 59

MORBI Cordis. vid. *Cordis Morbi*.**MORBI Pulmonum.** vid. *Pulmonum Morbi*.**MURMUR.**

Sub pulsu intermitente observatum. 120

N**NASUS.**

Varii hujus affectus sub pulsu dicroto observati. 36. 66

71. 100. 103. ad 104. 109

Ejus fluxus purulentus. vid. *Purulentus fluxus*.

Ejus haemorrhagia. vid. *Hæmorrhagia*.

Ejus plenitudo. vid. *Plenitudo*.

Ejus pruritus. vid. *Pruritus*.

NATURA.

Morborum curatrix. 93. ad 97

Medici dux. 78

Non satis aestimata. 79. ad 80. 88. ad 93

Regularis ejus progressus in crisiibus. 86. ad 87

Peri-

I N D E X

143

Periculum turbandi operationes ejus factis demonstratum.	88
Quando sola sibi sufficit, Medici otium clamat.	ad 89. 97
NERVI.	95. ad 96
Causæ pulsuum criticorum.	75. ad 76
NUBECULA.	
Rubra in urina, quid significet.	52

O

OBJECTIONES.

Exigui momenti, quibus contra crises insistitur.	81. 82
Quædam majoris momenti.	85. 86
— — — consideratae.	85. ad 88

OBSERVATIO Crisium. vid. Crises.

OBSERVATIONES Albertini. vid. Albertinus.

Alpini. vid. Alpinus.	
Baglivii. vid. Baglivius.	
Ferren. vid. Ferren.	
Foresti. vid. Forestus.	
Galeni. vid. Galenus.	
Hoffmanni. vid. Hoffmannus.	
VVieri. vid. VVierus.	
Doctoris Solani. vid. Solanus.	
Doct. Alvarez. vid. Alvarez.	
Doct. Castan. vid. Castan.	
Doct. Gomez. vid. Gomez.	
Domini Petri Marin. vid. Marin.	
Dom. Joannis de Pedraza. vid. Pedraza.	
Doct. Porras. vid. Porras.	
Doct. Roxo. vid. Roxo.	
Doct. de Sayas. vid. Sayas.	
Dom. Christophori Solani. vid. Solanus (<i>Christophorus</i>).	

Auctoris præsentis Opusculi. vid. Auctor &c.

Nullæ existunt, quæ Veterum observationes circa cruditatem, coctionem, crisiumque prædictionem evertunt. 87. ad 88

OBSTRUCTIO Hypochondriorum. vid. Hypochondriorum obstructions.

Viscerum. vid. Viscera.

OCULI.

Adfecti sub pulsu dicroto. 66. 104. 109

ORDO.

In crisibus observatus. *

86

ORTEGA (Juan de).

Ejus casus.

90. ad 91

P

PABLUS (Josephus).

Præceptor Doctoris Solani. 121. ad 222

Pulsus dicrotum neglexit. 122

Violentissimo temperamento prædictus. 124

PARALYSIS.

Aliquando sequela est febrium intermittentium, per corticem curatarum sine crisium interventu. 91. ad 92

PA-

PARILLA Y VILLALON (*Doctor Don Rodrigo*).
Testis unius prædictionis *Solaniane* ex pulsu intermitente. 45

PAROTIDES.

Tumor earum sequela quandoque est febrium intermittentium,
per corticem curatarum, sine crisi interventu. 91. ad 92
Abscessus parotidis critici exemplum. 49

PARDO (*Don Juan.*)

Ejus casus. 41

PATIENTIA.

Requisita in observatione pulsuum criticorum, & sequelarum eo-
rumdem. 77

PAZ (*Frater Alejandro de*).
Ejus casus. 53

PEDRAZA Y CASTILLA (*Don Juan de*).
Testis hæmorrhagiæ criticæ per nasum. 102

Ejus observations. 112. 113. 117. ad 121

Sæpe expertus est observationum *Solanianarum* veritatem. 73
Quandoque nimia earumdem confidentia deceptus fuit. 73. 120

PERICARDIUM.

Suppuratum. 114

PERNIA (*Joannes*).
Ejus casus. 112

PERSPIRATIO AUCTA.

Critica, quandoque sequitur usum corticis vel aliorum febrifugorum. 91

PLENITUDO Nasi.

Observata quandoque sub pulsu dicroto. 66. 71

PLEURA.

Craffa, spongiosa, ac suppurata, post pleuritidem. 114

POLYPUS *Cordis*. vid. *Cor*.

PONTES (*Antonio de*).
Testis unius prædictionis *Solaniane* ex pulsu inciduo. 52

PORRAS (*Doctor Don Miguel de*).
Ejus observations. * * 44. 48

PORRAS (*Don Rodrigo de*).
Ejus casus. *

PRACTICANTE, vel *Passante*. *

Quinam dicantur in *Hispania*. *

PRÆDICTIO *Criatum*. vid. *Crises*.

PRÆNOTIO *Criatum*. vid. *Crises*.

PRAXIS.

Moderna, generaliter directa ad præcavendas crises. 78

Herculea, quæ. 88. ad 89

----- considerata. 88. ad 97

PRIMÆ VIE.

Varii earum adfectus sub pulsu intermitente. 35. ad 36. 47. 68.

71. 114. 116. ad 118. 120

PROGNOSIS.

Antiquorum. vid. *Antiqui*.

Ex pulsibus. vid. *Pulsus*.

PROGNOSTICA SIGNA. vid. *Signa prognostica*.

PRURITUS Nasi.

Commune symptoma sub pulsu dicroto. 66. 71. 100. 103. 109

PULMONES.

Adhæ-

I N D E X 145

- Adhærentes pleuræ inventi post pleuritidem. 114. ad 115
 Eorum morbi quandoque causæ pulsus intermittentis. 73
 Pulmonis dextri lobus suppuratus inventus. 151
- PULSUS.**
- In iis explorandis *Sinensem* ars ineptis nugis referta. 16. ad 17
Critici, juxta Doctorem *Solanum* ;
 Non constanter *Crises* precedunt. 35. 69. 103
 Dum apparent, *Crises*, quas innuunt, regulariter sequuntur. 36
 Aliquando aliis alii substituitur. ibid.
 Quandoque duo, tresve adsunt, totidemque, per illos significatæ, *Crises* accidunt. ibid.
 Hujus rei exempla. 42. 53. 120
 Inter hos & relativas horum *Crises* connexio factis stabilita. 39. 66. ad 71. 78
 Signa potius & effectus sunt inclinationis ad relativas crises, quam absoluta harum & certa indicia. 72. 110. ad 111
 Non oriuntur a causa quadam, ad cor, vel generale vasorum sanguiferorum systema, limitata, sed a nervis. 75. ad 76. 109. ad 110
 Per experientiam determinari debent, licet causa mechanica maneat mysterium. 74
 Aliquando transferuntur ex dextro in sinistrum carpum, & vicissim. 76. 109. ad 110
Ex connexione inter hos & relativas eorumdem *Crises* patet *Auctoris* præsentis Opusculi a *Solano* differentia. 77
Connexio inter hos & relativas horum crises insignem pro *Crise* evidentiam format. ibid.
 Forum progressus ac periodi hactenus observati. 30
 Familiares, non critici. 74
 Prædictio ex iis cum cautela & patientia tractanda. 77
- Dicrotus Pulsus.**
- Signum est criticæ hæmorrhagiæ narium. 29. &c.
 Variæ ejus conditiones notant tempus & quantitatem hæmorrhagiæ. 30. &c.
 Hujus rei exempla. 41. 43. 100. 103. 107. 108. 111
Ex ejus adparitione non semper absolute possimus confidere hæmorrhagiæ, multo minus tempori, quo continget. 73
 Exempla hæmorrhagiarum, significatarum & prædictarum per hunc pulsum. 41. &c. 53. 65. &c. 99. 122. 123
Connexio inter eum & relativas ejus crises stabilita per facta. 39. & seqq. 71
 Non habet nexus cum hæmorrhagiis per vasorum erosionem productis. 73
Auctoris præsentis Opusculi animadversiones circa eundem. 68. ad 73
 Deerat in duobus, qui hæmorrhagiæ narium passi sunt. 69
 Ejus a majoribus ad minores periodos transitus *Auctori* præsentis Opusculi non occurserunt. 71
 Juxta *Auctorem* præsentis Opusculi potius inclinationis ad hæmorrhagiæ narium signum & effectus, quam certum istius hæmorrhagiæ indicium. 72. ad 73
 Familiaris, non criticus. 74
 Quandoque transfertur ex dextro in sinistrum carpum, & vicissim. 76. 109. ad 110
 Variis capitibus affectibus stipatus. 35. 43. 66. 71. 100. 102. 103
 ad 105. 108. ad 111

- Observatus sine narium hæmorrhagia, vel ullis capitum affectibus. 65
 Neglectus fere jacuit. 73
 Neglectus a *Pablo*, præceptore *Solani*. 122
 Fugatus adstringentibus. 102
 Purgante prohibitus. 105
 Martelinus vocatur ab *Avicenna*. 122
- Inciduum pulsus.**
 Primum observatus a *Solano*. 34
 Descriptus. *ibid.*
 Nomen ejus unde derivatum. *ibid.*
 Junctus cum arteriæ mollitie, notat sudorem criticum. 35
 Variæ ejus conditiones variam sudoris critici quantitatem, & tempus denotant. 30. ad 31. 35
 Hujus rei exempla. 51. 54. ad 55
 Exempla sudorum criticorum inde prædictorum. 51. ad 56
 Ut plurimum non præcedit sudores in febrium intermittentium paroxysmis. 35. ad 36
 Aliquando simplici tantum humiditate, aut eruptionibus cutaneis stipatur. 125
 Junctus cum arteriæ duritie notabat icterum criticum. 35. & Quare 126. ad 127
 Hujus rei exemplum. 56
 Variæ ejus conditiones icteri tempus denotant. 30. ad 31. 57
 Ab *Auctore* præsentis Opusculi non observatus hactenus. 71
- Intermittens pulsus.**
 Signum diarrhoeæ criticæ. 32
 Variæ ejus conditiones variam diarrhoeæ quantitatem & tempus denotant. 30. ad 32
 Hujus rei exempla. 47. ad 49. 51. 53. ad 54
 Diarrhoearum criticarum inde indicatarum & prædictarum exempla. 42. 46. ad 51. 53. 67. 110. 114. 123. ad 125
 Familiaris intermittens pulsus, non criticus. 73
 Instabiles quædam pulsus intermissiones, non criticæ. 74
 Observatus sine subsecente diarrhoea, aut ullis primarum viarum affectibus. 67. ad 68
 Absque eo observata diarrhoea critica. 104
 Ejus causæ, cum a cordis, sanguiferorum eidem adjacentium vasorum, pulmonumque morbis producuntur, exceptiones *Solanianæ* regulæ suppeditant. 73. conf. 115
 Ejus causæ, cum spasmi, convulsiones, inflammatio cordis, debilitas, repletio aut inanitio fuerint, exceptiones *Solanianæ* regulæ suppeditant. 74. conf. 115
 Quandoque tantum notat primarum viarum affectus, tormina, borborygmos, flatum eruptiones, & similia. 36. 68. 120
 Sub eo observati primarum viarum affectus varii. 71. 72. 114
 116. ad 118
 Ejus varias causas supposuerunt, sed nullas demonstrarunt *Theoretici*. 74
 Cum arteriæ tensione, vomitum criticum diarrhoeæ superaddendum indicat. 33
 Variæ ejus conditiones variam per vomitum quantitatem, hujusque tempus denotant. 30. ad 33
 Cum mollitie, crisi per urinam conjungendam notat. 33. 58
 Variæ ejus conditiones variam urinæ quantitatem, & tempus excre-

- excretionis denotant. 30. 31. 33
- Juxta Domini Ferreni observationes signum est saburræ primarum viarum, & regularis in acutis febribus purgandi indicatio. 71. ad 72
- Non raro symptoma est vermium in primis viis. 49. 53. 72. 115. 118
- Auctoris præsentis Opusculi animadversiones circa eundem. 73. ad 75
- Ejus a majoribus ad minores periodos transitus Auctori præsentis Opusculi non occurserunt. 72
- Falso in acutis febribus dictus lethalis. 58. 79. ad 80. 123. ad 124
- Cum robur, ad perficiendam Crisin, deficit, portendit mortem. 32. 80. 127. ad 128
- Non criticus, aliquando mali ominis. 80
- Peculiare emolumentum, quod ex observationibus, circa hunc pulsus factis, nascitur. 79. & 80
- Notat quandoque hæmorrhoides. 68
- Aliquando significat futuram mensum proruptionem. 118. 119
- Quandoque transfertur ex dextro in sinistrum carpum, & vicissim. 76
- Fugatus adstringentibus. 51
- Error Prosperti Alpini respectu hujus pulsus. 59
- Error Galeni respectu ejusdem. ibid.
- Martelinus Pulsus.**
- Ab Avicenna sic dictus, est pulsus dicrotus Solani. 122
- Immerito malus ab Avicenna enuntiatur. ibid.
- PULSATIO.**
- Temporalium arteriarum observata sub pulsu dicroto. 66
- PURGANTIA.**
- Purgantis indicatio in acutis febribus juxta Ferrenum est pulsus intermittens. 71. ad 72
- In eorum usu in acutis febribus cautus fuit Radcliffius. 89
- Die critico præsente, vel adpropinquante exhibitum, causa hipercatharæos lethalis. ibid.
- Roborantia, cum cortice peruviano data, in quibus casibus bene cesserint. 91. & 92
- Hæmorrhagiam per nasum prohibet. 105
- Per ea evacuatio. vid. *Evacuatio*.
- PURULENTI & Ichorosi fluxus.**
- Aurium, sub pulsu dicroto observati. 66
- Narium fluxus purulentus, sub eodem pulsu observatus. 36
- PUS.**
- In pericardio, & thorace extrinsecus tactu perceptum. 114
- In pericardio repertum. ibid.
- Q
- QUALITATES.**
- Vitiosæ, quandoque observatae in evacuationibus criticis. 95
- QUANTITAS.**
- Evacuationum criticarum, indicata per pulsum. 31. 32. 33. 35
- R
- RADCLIFFE (Doctor.)**
- Religiosus & felix crismum observator. 89
- In acutis febribus admodum cautus fuit in omnium turbantium remediorum, mitissimorumque etiam catharticorum usu. ibid.
- Judicium ejus de casu quodam, ubi æger moriebatur, eodem

die , quo leve purgans sumpserat .

90

RECTUM Intestinum. vid. *Intestina* .

REMEDIA .

Prohibita a *Solano* , cum crisis indicia observabat . 41.52. 56.57.59
Tempestive exhibenda , habito respectu crisiū . 89. &c. 95
Periculum , valida , sine ullo crisiū respectu , remedia in acu-
tis febribus præscribendi , demonstratum per facta . 88.ad 92.97
Ad eorum effectus scientiam nos dicit corticis peruviani ineffi-
cacia in febrium intermittentium curatione , sine adjuncta
crisi . 92. ad 96

Eorum efficacia , minor , quam bonarum crisiū . 93
Sub manifestis imminentis felicis crisis indicis , inutilia , aut
periculosa . 95

RENALES (Arteriæ) .

Exigua in illis resistentiæ inæqualitas crisiū , per urinam , in il-
lam , per diarrhœam , mutare potest . 59. ad 60

REPLETIO .

Causa pulsus intermittentis instabilis . 74

REXANO (Doctor Don Nicolas) .

Hunc concernit observatio quædam de pulsu inciduo . 54

ROMERO (Christoval) .

Ejus casus . 110

ROMERO (Juan.)

Ejus casus . 41

Casus matris ejusdem . 50

Roxo (Doctor Don Pedro) .

Opus *Solani* Auctori præsentis Opusculi tradidit . 6

De *Solaniani* inventi veritate instructus . ibid.

De ignava conterraneorum suorum insensibilitate conqueritur . ibid.

Obitus ejus , Auctoris præsentis Opusculi , juxta *Solani* metho-
dum , observationum progressus inhibuit . 12

Auctori præsentis Opusculi integrum observationes faciendi li-
bertatem concessit . ibid.

Ejus observatio de pulsu dicroto . 111

Pleuritidis historia ab ipso Auctori præsentis Opusculi data . 113

S

SAAVEDRA (Dona Maria Josepha de) .

Ejus casus . 48

SABURRA Primarum viarum .

Sub pulsu intermittente observata . 71

SALIVÆ Fluxus .

Criticus , aliquando sequitur usum corticis peruviani , vel alio-
rum febrifugorum . 91

SANGUIFERA Vasa. vid. *Vasa sanguifera* .

SANGUINIS Missio. vid. *Evacuatio* .

SAYAS (Doctor Don Thomas de) .

Observationes ejus & testimonium de *Solanianis* crisiū prædi-
ctionibus . 46. &c.

Prædictionis *Solani* ex pulsu inciduo testis . 52

SEPTENTRIONALIA Climata .

Crisiū decursui regulari repugnare , diu objectum fuit . 62

SEVILLA (Alonzo de) .

Ejus

- Ejus casus. 54
- SERRA Y SALVATIERRA (*Don Bartholome de*).
Ejus casus. 56
Plus semel certitudinis *Solanianarum* prognosium testis. 57
- SIGNA Critica.
Incertitudo vel falsitas criticorum signorum, a *Veteribus* traditorum, numquam legitime a *Modernis* probatae sunt. 87. ad 88. 97
- SIGNA Prognostica.
Diarrhoeæ criticæ signum est pulsus intermittens. 32. &c.
Hæmorrhagiæ criticæ narium signum est pulsus dicrotus. 29. &c.
Icteri critici signum est pulsus inciduus cum arteriæ duritie. 35
Sudoris critici signum est pulsus inciduus cum arteriæ molliitie. *ibid.*
Vomitus critici signum est tensio arteriæ, pulsui intermittentè conjuncta. 33
Urinæ criticæ signum est molliities arteriæ intermissioni conjuncta. 35. 59
Pulsuum prædictorum non constanter crises præcedunt. 35
Mutantur aliquando in alia. 36
Aliquando aliud priori supervenit, & simul continuantur. 36
42. 53. 120. & 121
- SINENSES.
Eorum ars in explorandis pulsibus ineptis nugis referta. 17
In qua explicanda plurimum laboris impendit auctor modernus, *Sir John Floyer*. 17. 29. & 30
- SINGULTUS.
Observatus sub pulsu intermittente. 36
- SITUS corporis. vid. *Corporis situs*.
- SOLANO DE LUQUE (*Doctor Don Francisco*).
Opus ejus a *Petro Roxo* præsentis Opusculi *Auctori* traditur. 6
Ejus observationes diligentissime leguntur, & omni candore instructæ inveniuntur ab *Auctore* præsentis Opusculi. 6. ad 8
Humanissime *Auctorem* præsentis Opusculi, qui *Antequeram* penterat, recipit, & veritatem observationum suarum ipsi probat. 8. 9. 99.
Ejus observationes aliqui ne quidem animadvertebant, donec mera experientiæ vi convincerentur. 9
Ejus *Lapis Lydius* est exigui emolumenti. 13
Ejus *Lapidis Lydii Compendium* editum est ab *Emanuele Gutierrez de los Rios*. *ibid.*
Auctoris presentis Opusculi persuasione correctam observationum suarum editionem præparabat, quæ obitu ipsius periit. 13
14. 15. 16
Ob ejus obitum *Auctor* præsentis Opusculi observationum editionem non distulit. 13
Primus pulsuum criticorum, in hoc opere memoratorum, observator. 60. ad 61
Prima observationum ejus origo. 121. ad 127
Ejus observationes post circuitus sanguinei inventum maxime insolitæ. 121
Josephi Pabli Praxin frequentavit. 121. & 122
Illoræ Praxin exercuit. 123
Postea in *Rute*, *Iznajaræ*, & *Granatæ*. 126
Instruxit primo *F. de Castro Palomino*, de suis, in prædicendis cri-

- | | |
|--|---------------------------------|
| crisibus, legibus. | 125 |
| <i>Et dein Petrum Fermin.</i> | 126 |
| Levissimo stimulo ab insensilibus conterraneis incitabatur. 39 | 39 |
| Exemplum candoris ejus. 99 | 99 |
| Observationes ejus valde numerosæ. 39 | 39 |
| A variis primi ordinis viris confirmatæ, & juramento corroboratæ. | 9. 40. 42. 44. 55 |
| Ut & a Medicis. | 9. 40. 43. 44. 45. 48. 51 |
| Observationes ejus circa pulsum dicrotum. 42. 43. ad 44. 122. ad 123 | 42. 43. ad 44. 122. ad 123 |
| Circa pulsum intermittentem. | 45. &c. 123. ad 125 |
| Circa pulsum inciduum. | 52. &c. |
| Icterus criticus ab ipso prædictus. | 56. & quare 127 |
| Ejus observatio de cruro in hæmorrhagia narium. | 36 |
| Crises observavit citra ulla pulsuum prægressa indicia. | 35. 104 |
| Unde noluit, quod illa constanter omnes crises præcedant. | 35 |
| Sed statuit, quod, dum illa apparent, crises, quasi innuant, regulariter subsequantur. | 36 |
| Ex Veteribus derivavit ea, ex quibus crisiū hora prædicti potest. | 37. 126 |
| Neglexit evacuationis criticæ copiam. | 37 |
| Cum crisis indicia observabat, remedia, quæ Naturæ molimina impedire possent, prohibuit. | 42. 52. 53. 56. 57. 122. 123 |
| Connexio, inter criticos ejus pulsus & relativas horum crises, factis stabilita. | ad 124 |
| Differentiae inter ejus & Auctoris præsentis Opusculi observationes circa pulsum dicrotum. | 39. &c. 66. ad 71. 77 |
| Unde pateant. | 39. &c. 68. ad 71 |
| Confessus est, crises per pulsum dicrotum indicatas, subinde minus regulariter accidisse. | 77 |
| Ejus observationibus cedunt observationes Auctoris præsentis Opusculi. | 69. ad 71. 76 |
| Ejus factis fidem adjiciunt observationes Auctoris præsentis Opusculi. | 76 |
| Ejus observationes omnes æqualis, cum iis, quas edidit, exactitudinis fuisse, vix existimat Auctor præsentis Opusculi. ibid. | 73 |
| Perfusus erat, se, observationum suarum adminiculo, fixam, crises prædicendi, methodum attigisse. | ibid. |
| Ejus observationes repetendæ sunt cum cautela & prudentia. | 77 |
| Leges quasdam pro prædictione crisiū ex pulsu construxit. | 11 |
| Sed libere nimis, & universaliter. | 29. &c. 32. &c. 34. &c. 35. &c. |
| Hinc limitantur, & corriguntur observationibus Auctoris præsentis Opusculi. | 11. 32. 37. 72. ad 77 |
| Qui error excusat, quod eruditio ejus in medicina, & philosophia naturali nimis infirma fuerit. | 11. 74 |
| SOLANO DE LUQUE (Don Christoval). | ibid. |
| Testis hæmorrhagiæ criticæ per nasum. | 102 |
| Observatio ejus de pulsu intermittente. | 119 |
| Ejus casus. | 113 |
| SPASMI. | |
| Quandoque causæ pulsus intermittentis instabilis. | 72 |
| STERNUTATIO. | |

I N D E X.

151

Frequenter observata sub pulsu dicroto .	66. 72. 100. 109
STUPIDITAS.	
Observata sub pulsu dicroto .	66. 110
Subsequens curæ febriū intermittentium per corticem peruvianum sine crisiū interventu .	92
SUDOR.	
Critici , Signum est pulsus inciduus cum arteriæ mollitie .	35
Hujus rei exempla .	33. &c.
Criticus quandoque sequitur usum corticis peruviani , vel aliorum febrifugorum .	91
Febrium intermittentium . vid. <i>Febrēs intermittentēs</i> .	91
SURDITAS.	
Observata sub pulsu dicroto .	66
USURRUS Aurium .	
Sæpe observatus sub eodem pulsu .	<i>ibid.</i>
YMPOTOMATA.	
Secundum curandi methodum Herculeam , an accidentalia , an critica fuerint , non examinatur .	88. ad 89

T

EMPORALES Arteriæ . vid. <i>Arteriæ temporales</i> .	
EMPORUM Dolor . vid. <i>Dolor Temporum</i> .	
ENESMUS.	
Sub pulsu intermittentē observatus .	117. ad 118
ENSIO.	
Pulsus intermittentis signum vomitus critici cum diarrhoea .	33
HEORETICI.	
Varias intermittentis pulsus causas supposuerunt , sed nullas demonstrarunt .	72
HERMOMETRICUM Diarium . vid. <i>Diarium thermometricum</i> .	
HORAX.	
In eo pus , extrinsecus tactu perceptum .	114
Ejus latus dextrum suppuratui .	115
OLEDO (Juan de) .	
Ejus casus .	112
ORMINA.	
Frequens symptoma sub pulsu intermittentē .	36. 68. 114
UMULTUS Intestinorum . vid. <i>Intestina</i> .	
YRRY (Mr. VVilliam) .	
Ejus casus .	107

V

ALENZUELA (Dona Franciſca de) .	
Ejus casus .	50
ASA Sanguifera .	
Eorum (cordi adjacentium) morbi , causæ pulsus intermittentis .	74
Pulsus critici non oriuntur a causā ad illa limitatā .	75
ERMES.	
In primis viis , sæpe comitatur pulsus intermittentis .	48. ad 49. 53. 115. 117. ad 118
ERTIGO.	
Sub pulsu dicroto observata .	66. 105
ESICA.	
Quan-	

I N D E X.

152 Quandoque absorbet fluida, intra colon & rectum contenta. 59

VESICULA *Felis*.

Pene inanis inventa. 115

VISCERA.

Eorum obstructiones recentes, a febribus intermittentibus natæ, sanantur crisi. 91

VOMITUS.

Signum crisis per vomitum. 33

Numquam simplex absque diarrhoea. ibid.

Observatus sub pulsu intermittente. 36

Crisis per vomitum numquam *Auctori* præsentis Opusculi occurrit. 71

VORREGO (*Don Pedro*).

Testis unius prædictionis *Solani* ex pulsu intermittente. 48

URINA.

Signum crisis per urinam. 33. 58. ad 59

Crises per urinam. 58. &c.

Crisis per eam numquam simplex, sine diarrhoea, juxta *Solannum*. 33. 58. 59

Crisis per urinam, & per diarrhoeam, indicium non accurate distinctum. 59

Crises per urinam, & per diarrhoeam, facile inter se invicem convertibiles. ibid.

Crisis per urinam numquam *Auctori* præsentis Opusculi occurrit. 71

Critica, quandoque sequitur usum corticis peruviani, vel aliorum febrifugorum. 91

Urinæ Nubecula. vid. *Nubecula*.

W

WIERUS.

Ejus observatio de pulsu intermittente. 60. ad 61

--- Manifestum in *Solani* favorem testimonium evadit. 11

Z

ZAPATA (*Doctor Don Diego*).

Hunc concernit casus icteri critici, a *Solano* prædicti. 56

ZAYAS (*Joannes de*).

Ejus casus. 102


ZUNOL (*Doctor Don Joseph*)

Hunc concernit casus icteri critici, a *Solano* prædicti. 56

V I T I A T Y P O G R A P H I C A.

Pag.	50.	lin.	30.	fluidorum	lege	fluidorum
...	59.	...	penult.	p. 33. n. 4.	...	p. 33. n. 7.
...	66.	...	25.	quanti-re	...	quanti-tate
...	74.	...	33.	vale hacenus	...	quale hacenus
...	80.	...	19.	eu	...	ex
...	99.	...	12.	Settembris	...	Septembris
...	109.	...	6.	deide	...	deinde
...	109.	...	8.	p. 70. n. 5.	...	p. 70. n. 4.

D I S S E R T A T I O
D E
NATURA HUMANA:
A U C T O R E
WILHELMO NOORTWYK
M E D . D o c t .





PRÆFATIO.



Eterum , & Recentiorum
scripta , ipsumque etiam
prægressum opusculum +
pervolventi adeo familia-
re , illustre adeo Naturæ no-
men occurret , ut miretur
merito , vix ullum tanti nominis signifi-
cationem explicasse , de ipsa autem Re ,
ex professo , tractasse plane neminem . Ra-
tio haud dubie ea est : Multi admirantur ,
cognoscunt pauci : quod HIPP. (pag. 347.)
Effatum , si ullibi , h̄c certe , ni fallor ,
præprimis obtinet . Itaque haud inutile
fore speraverim , data jam opportunita-
te , singularem de Natura illa tractatu-
lum subnecere . Dissertatio est , quam
olim pro Doctoratus gradu publice defen-
dendam suscepi : quæ , relecta jam , non
ita displicuit , quin tolerari utcunque
posse videretur , eo usque saltem , donec

a 2 altio-

+ Confer pag. ejusdem 86. & subjunctam ibi notulam .

4

aliora ingenia negotium hoc subtilius perfectiusque enucleaverint. Aliqua hinc inde mutavi, & addidi, quæ alius, quem penes me servo, (de Vita) Tractatus, ubi in Naturam accuratius nonnihil inquirere coactus sum, ad majorem elucidationem suppeditare potuit. Sed pauca hæc, §. I. 3. 4. 14. 15. 32. & 112. potissimum concluduntur. Reliquis nullam fere mutationem attuli. Si tempore & labore ingenii proles appenderentur, aliquid etiam meus hicce embryo pondus habere posset; sed iniqua nimis statera hæc. Qualecumque sit, veniam utique merebitur TYROCINIUM: eo magis, quod, nullo duce, incalcatum aliis iter solus ingredi coactus fuerim.



DE



DE
N A T U R A
I N
U N I V E R S U M

§. I.

Ecit Deus creatorum omnium primitias ; singulas autem fecit , ut voluit ; voluit ergo , ut essent id , quod deinde factæ sunt; voluntatem hanc explevit Imperium ; sic legitur (*Psalmo CXLVIII.*) ; *Ipse dixit ,*
& facta sunt , ipse mandavit , & creatæ
sunt . Proxima igitur creationis causa Jussum Dei fuit ,
jussitque hic , ut essent singula id , quod sunt : atta-
men , ea non modo talia esse , volebat Auctor , sed &
agere , quidquid ipsi placebat , ut agerent , ordine æter-
no ac inviolabili ; unde pulcherrime statim subjungit
PSALMISTA ; Statuit ea in æternum & in sæculum sæ-
culi , Præceptum posuit , & non præteribit . Hanc LEGEM ,
vel PRÆCEPTUM hoc , Creaturis quibusque datum ,
institutum , & permanens , NATURÆ nomine intelligo .

§. II.

Itaque haud alia melior sese obtulit *Naturæ* definitio, ac ea, quam dedit HELMONTIUS (pag. 45.) : nempe, quod sit *Jussum Dei*, quo res est id quod est, & agit quod agere jussa est.

§. III.

Unicum saltem ex creationis historia Specimen ultro elucidabit omnia. *Dixit Deus*: Fiant luminaria in firmamento cœli, & dividant diem ac noctem, & sint in signa, & tempora, & dies, & annos: ut luceant in firmamento cœli, & illuminent terram. Et factum est ita. Fecitque Deus duo luminaria magna; luminare majus, ut præcesset diei, & luminare minus, ut præcesset nocti; & stellas. Et posuit ea in firmamento cœli, ut lucerent super terram, & præcessent diei ac nocti, & dividerent lucem ac tenebras (GENESIS cap. 1.). Patet hic Dei Creatoris imperium, quod luminarium illorum non essentiam modo, sed & actionem determinat.

§. IV.

Profecto admodum adæquata videtur illa HELMONTII Definitio; nec facile, me judice, alia excogitari possit, quæ rem hanc perfectius distinctiusque exprimat; omni certe *Naturæ*, tam spirituali, quam corporeæ, accuratissime convenit; divinæ tantum non respondet, neque tamen penitus dissonat; ipse etenim Deus, *Naturam* suam declaraturus MOYSI, dixit, *Ego sum qui sum* (EXOD. cap. 3.): quod prope equidem ad præmissam definitionem accedit: sed tantum creata omnia Creator superat, ut sub eandem plane definitionem cadere nequaquam possit.

§. V.

Nec longe ab his absuit HIPPOCRATES. Sic (pag. 345. ex interpretatione Foësi) inquit: *Naturam vero Dii omnes certo ordine constituerunt. Tum* (pag. 1022.), *Medi-*

7

Medicamentorum vero naturas esse scimus , ex quibus , ut talia , & hujusmodi sint , habent ; neque enim omnes uno , & eodem modo , sed aliæ aliter , se habent . Tandem (pag. 1184.) ; At nullo quidem edocta Natura , circae disciplinam , ea , quæ conveniunt , efficit .

§. VI.

Hæc , & alia , quæ passim in ejus operibus occur-
runt , evidenter docent , agnovisse magnum hunc vi-
rum ; 1o. Naturam a Diis esse ; 2o. Naturam esse id ,
quo medicamentum quoddam tale est , quale est , &
distinctum ab omni alio ; 3o. Naturam efficere ea , quæ
conveniunt (minime autem convenit quidquam effi-
cere , nisi quod jussum est) . Si hæc omnibus creatis
tribuantur (nec quidpiam , ut videtur , repugnat) ,
adparet sententiam HIPPOCRATIS de Natura , cum
iis , quæ (§. II.) diximus , si non penitus , plurimum
saltem , coincidere .

§. VII.

Interea neutiquam negaverim , Naturæ nomen eidem
Auctori significationibus ab hac dicta distinctissimis sæ-
pe in usu esse , quod & in aliis Scriptoribus occurrit
quam frequentissime ; sed huic rei non inhærebo : suf-
ficere visum est , si definitum sit id , quod proprie per
Naturam intelligendum censeo . Reliquæ nominis hujus
applicationes admodum numerosæ sunt , quas ut per-
tractare non admittit proposita brevitas , sic sane non
magis commendat exigua utilitas : præsertim , quum
obviæ satis sint in Oeconom . HIPP. Lexico BLANCAR-
DI , aliisque : ex quo , si quis desideret , fonte non dif-
ficerter hauriri poterunt .

§. VIII.

Sed existimabit forte aliquis , Naturam non ita re-
ste Jussum Dei (§. II.) dictam esse ; at potius , pote-
statis ex hoc jusso natæ , ut ideæ divinæ ipsis creatu-
ris impressæ , similive nomine , insigniendam . Sane eo-
dem

dem fere redit res . Malui tamen ego *Jussum Dei* dicere , quoniam merito sic appellari posse videbatur , atque imprimis , quod pro eo staret tanti viri , ipsiusque etiam *PSALMISTÆ* auctoritas .

§. IX.

Reliqua , quæ complectitur data definitio , *Naturam* ponunt , & quatenus creata inter se distincta reddit , determinatque singula (sic *Natura* aurum facit esse aurum , atque ab omni creato distinctissimum) ; & quatenus causa est omnium eorum , quæ in tali determinato subjecto absolvuntur , juxta institutum illius , qui hæc ita fieri voluit : magnes ex. gr. Ferrum attrahit , ad quam actionem ex sua *Natura* disponitur , quæ ubicunque adest , hoc fit , ubi abest , id nunquam peragitur : vera ergo est illius actionis causa . Idem & de aliis verum est .

§. X.

Denique & hoc notandum , res ipsas per *Naturam* non semper cogi , ut agant omne id , quod agere possunt ; uti forte male quis ex definitione colligeret : sic de *Natura* acidi est effervescere cum Alcalinis ; hæc tamen effervescentia nunquam obtinet , nisi sibi invicem admisceantur ; cæterum quiescit utrumque . Unde videmus , *Naturam* indere modo creaturis aptitudinem , ut , dum agunt , ita agant , ut agere jussæ sunt : quam actionem ut producant , semper causa excitante indigent .

§. XI.

Hæc vero causa excitans si accessit , coguntur nefario agere . Acido (ut in eodem exemplo maneamus) dum permiscetur alcali , non potest non effervescentiam concipere . Patet igitur *Naturam* , datis conditionibus requisitis , agere inevitabiliter , & in iisdem conditionibus semper eadem penitus lege , certo igitur & immutabili ordine . Hæc fere sequentibus verbis *PALINGENIUS* expressit :

Naturam vero appello Legem Omnipotentis
Supremique Patris , quam prima ab Origine
mundi

Cunctis imposuit rebus , jussitque teneri
Inviolabiliter , &c.

Confer PSALMISTAM §. I.





DE NATURA HUMANA.

§. XII.

QUÆCUNQUE hactenus (a §. I. hucusque) dicta sunt , eo ordine conatus sum digerere , ut facili negotio ad *Naturam Humanam* applicari possint : Hanc enim pertractare scopus erat . Reliqua nullâ aliâ ratione addidi , nisi quod sic facilius ipsa *Natura Hum.* quoisque id licet , intelligi posse videbatur .

§. XIII.

Definitio igitur ante data , & , quæ hactenus enarravi , alia , commode hoc transferri poterunt : proinde inutile esset hæc repetere .

§. XIV.

Quædam tamen de *Natura Humana* super addere conveniet , quæ ad multas etiam alias cautus quisque accommodare poterit . Homo anima constat ac corpore ; anima igitur pars est compositi , uti & corpus . Concipiamus nunc partes has , tanquam ab invicem separatas : videbimus , suam animæ *Naturam* esse , suam corpori ; quæ *Naturæ* nihil omnino commune habeant . At uniantur anima & corpus ; *Natura* ergo utriusque similiter unitur ; fit tertium quid ; hoc jam , nec anima , nec corpus , sed homo est ; neque agit ulterius , ut anima , aut corpus , sed ut compositum ex his . In Homine itaque animæ & corporis *Naturæ* non manent distinctæ ; uniuntur ; unitæ faciunt *Naturam Humanam* : hæcque in ipso punto unionis nascitur . Sic binæ *Nature* , toto sane cœlo diversissimæ , stupendo artificio

con-

confiunt ; & neutra remanet ; verum inde una tertia exsurgit . Hæc non fit prædictarum binarum simplici tantum quasi appositione , sed nova prodit . Supponamus enim talem Naturarum appositionem ; necessario sequitur , ut , quidquid observamus in homine , vel mentis , vel corporis , Naturæ adscribi queat . Quorsum ergo motum ex. gr. voluntarium referes ? an corpus ex Natura sua voluntarie movetur ? negant cadavera : neque mentis Naturæ adsignari potest ; nam accidit corpori . Adeoque motus voluntarius non est naturalis corpori , non menti , sed homini . Idem in multis aliis actionibus luce meridiana clarius . Hinc etiam nec corpori , nec animæ mandavit Creator , Crescere & Multiplicari (GENES. Cap. 1.) , homini legem istam imposuit . Facta proinde unione , nova Natura exsurgit , quæ , licet utcunque mentis ac corporis Naturas retineat , ipsa tamen latius etiamnum patet . Sicque , re ipsa , sub prima creatione alia corpori Natura erat , alia menti , alia , his unitis , facto homini ; agitque homo , partim ratione mentis , partim ratione corporis , semper tamen ratione compositi , secundum Naturam suam , id est , Humanam . Male itaque Humanæ Natura aut animæ attribueretur , aut corpori , dum contra , tamquam diversum quid , & prorsus singulare , cogitanti occurrit . Nec tamen , proprie loquendo , pars est hominis , qui præter animam & corpus nullas ejusmodi partes agnoscit ; sed PARTIUM HARUM UNITARUM IMMEDIATUM ET INSEPARABILE ATTRIBUTUM .

§. XV.

Id porro singulare Natura Humana sibi arrogat , quod sit omnium , quæ in terris observantur , perfectissima . Perfectionem Naturæ cuiusdam aestimare debemus ex perfectione ipsius rei , & splendore actionum , ad quarum exercitium Natura eam aptam reddit . Alia hic criteria non habemus ; nec aliquid , in universum , de Natura cognoscere possumus , nisi ex rebus ipsis , atque imprimis ex actionibus , quæ potissimum nostros sub sensus cadunt . Et sane hæc judicii ratio satis apte datæ definitioni congruit .

§. XVI.

§. XVI.

Sed binis his excellit *Natura Hum.* Si enim ipsum hominem spectes, is Juxta imaginem Dei factus (*GENES. Cap. I.*), huicque inter creaturas sublunares omnium proximus est: quum vero Deus sit supra cuncta perfectissimus, huic ex corporeis proximus sit homo, ejus ergo perfectio inter dicta erit maxima. Quod si his nobilitatem actionum, quibus supra alia ex *Natura* sua homo aptus est, adjicias, non negabis, credo, *Naturam Hum. omnium*, quas terra exhibit, perfectissimam esse.

§. XVII.

Evincunt id in primis animæ sic dictæ potentiaz; idealium mente perceptarum communicatio per sermonem; maxime omnium usus rationis: & quamvis in actionibus quibusdam magis corporeis alia homini saepe prævalere deprehendantur, ut celeritate cervum, odoratu canes, præprimis odorisequos, &c. quibus haec in singulares usus largiri creator voluit; tamen, si omnium actionum pondus libretur simul, certissimum est cedere ipsi omnia.

§. XVIII.

Hoc magis confirmatur ex eo, quod viventia sane non viventibus nobiliora sunt; inter illa autem excellant animata, quæ non sunt nisi brutum, & homo: proxime ergo homini perfectione *Naturæ* accedit brutum: sed quantum horum etiam præstantissimum ab illo adhuc distat! Manifestum hinc, *Naturam Hum.* inter sublunares perfectissimam esse. Sic, postquam omnium creationem retulit OVIDIUS (*in initio metamorph.*), meritò videtur dixisse:

*Sanctius his animal, mentisque capacious altæ,
Deerat adhuc, & quod dominari in cætera posset,
Natus homo est; &c.*

§. XIX.

§. XIX.

Hanc quoque *Naturæ* perfectionem variam esse in variis hominibus , postmodum (§. XXIX.) videbimus .

§. XX.

Natura autem Humana nunquam nisi in solo *Homine* deprehenditur ; hinc eidem , si abstracte spectatur , omnino singularis est (& hoc de aliis quibuscunque verissimum) : quod falsum , ubi quis eam considerat , quatenus ex aliis participat : decipitur enim , qui existimat , *Naturam Hum.* esse simplicem : *Habet enim homo non-nihil ex bruto , brutum nonnihil ex planta , &c.* ut ait VERULAMIUS (in lib. de Sapient. Veter. pag. mihi 29). Sic ut *Natura Hum.* composita revera sit , nequaquam simplex , partimque homini cum aliis communis , partim etiam (quod *Humanam* esse facit) singularis , & propria . Etenim , ut actiones ipsæ , sic & earum causa (*Natura*) sese habere videtur ; ac proinde , ubi communes sunt actiones , communis quoque causa (*Natura*) erit ; & quæ omnes , in universum , actiones communes habent , ea etiam , in genere *Naturæ* convenient ; quæ vero quasdam tantum actiones communes habent , quasdam proprias , ea partim *Naturæ* convenient , partim different ; quum ergo homo actiones quasdam communes , quasdam singulares sortitus sit , *Naturæ* ejus partim communis erit , partim propria .

§. XXI.

Ita ut merito rursus cum eodem VERULAMIO (loco citato) videamur posse concludere , *Naturam Hum.* (quod is de omnibus profert) ex specie superiori , & inferiori , compactam , vel etiam ex ea , quæ communis est omnibus corporibus , ex vegetabili , atque ex animali conflatam esse . Quibus si tunc id , quod homini singulare est , addideris , *Naturam Hum.* concipies , sed haec tenus omnibus hominibus universalem .



DE NATURÆ HUMANÆ DIVERSITATE IN VARIIS.

§. XXII.

SI *Naturam* contempleremur *in abstracto*, una modo se se offert omnibus creatis universalis : hinc unica definitione (§. II.) comprehendendi potuit ; & hac, singulis quorumcumque Creatorum *Naturis*, æquali jure adscribenda. Unde, hoc respectu, vel omnia *Naturæ* conveniunt.

§. XXIII.

Si vero genera, speciesque singulas rimamur accuratius, *Naturam* in iis distinctissimam deprehendimus. Quæ ergo *Naturæ* diversitas, non adeo ex ipsa *Natura* per se spectata, ac quidem a varietate subjecti, & prout illud ad varias actiones a creatore comparatum est, videtur procedere.

§. XXIV.

Adeoque dupli modo *Naturam* considerare possumus : 1^o. in se ; 2^o. quatenus certis subjectis inest : atque hac 2^a. ratione omnia creata *Naturæ* differunt : sive non modo genera, & species, sed & ipsa sub qualibet specie individua, *Naturæ* distinguuntur : quod ut in animalibus manifestius est, ita & in reliquis non minus verum esse suadet ratio.

§. XXV.

Hanc *Naturæ* diversitatem in hominibus obtinere, notavit jam HIPP. (pag. 756.) ; cum dicit ; *Natura a Naturæ, & ætas ab ætate, plurimum distat : nam id quidem verum est, quod, si Naturam Hum. consideres, ratione habita ad universam speciem, una tantum omnibus individuis communis occurrat ; sed in unoquoque homine aliquid, huic singulare, priori specificæ Naturæ junctum (Idiosynrasian vocant), facit Naturam Hum. variam esse in variis, nec in duobus omni dote eamdem : quin, & pro ætate, &c., in eodem homine sic variat.*

§. XXVI.

Latissime ergo *Natura Humana* dispersa in individuis est ; hinc in unam quasi specificam coit, qua omnia individua conveniunt ; specifica hæc cum aliis rursus eadem ratione genericæ copulari potest : sic, adscendendo, *Natura tandem omnis in unum quasi confluit* (VERULAMIUS loc. cit. pag. 28.). Quod si ponitur una illa universalis *Natura* simplicissima erit, & vilissima : cui, descendendo successive adjunctæ singulares (ut ita dicam) *Naturæ* perfectionem majorem tribuent, donec ad perfectissimam inter sublunaria *Humanam* pervenerit, ipsa rursus unitis *Idiosyncrasiis* maxime diversa. Horum assertorum multa cautus distinguet ab aliis (§. XXI. & XXII.).

§. XXVII.

Dictorum (§. XXV.) veritas manifesta videtur : id enim negat nemo in unoquoque homine actiones exerceri, quamvis in universum easdem, ac in altero, omnes tamen aliqua ratione semper distinctas. Communi sententia, ne vel in duobus hominibus sanguinem omni dote eundem inesse adseritur (quod & aliis quibuscumque eodem jure potest attribui) ; si tamen actiones, quæ omnes ad ejus elaborationem plus minusve cooperantur, omnino eadem essent, idem necessario generaretur humor. Hinc (ex §. XX.) patet, in singulo quoque homine unam cum aliis hominibus com-

mu-

munem *Naturam* esse, cui altera quasi singularis adjungitur; quod adstruxeram.

§. XXVIII.

Considero autem h̄ic, ut & in sequentibus, *Naturam*, imprimis prout in corporibus *Operativa* est: qua ratione maxime, si non tantum videtur medicinam respicere.

§. XXIX.

Ex his etiam liquet, quod (§o. XIX.) jam obiter monui, *Naturam* in uno magis, in altero minus perfectam esse. Quæ quidem major, minorve *Naturæ* perfectio ex eo potissimum videtur deducenda, quod corpora varia sint, & ad actiones, quibus ex communi specificâ *Naturâ* apta redduntur, perfectius, vel minus perfecte exercendas accommodata. Idem insuper exinde patet, quod, cum *Naturam* in singulis hominibus diversam esse dixerim, si ponatur una perfectissima, alia necessario proprius, ac alia, eo accedere debeat.

§. XXX.

Sua tamen cuique *Natura* est perfectissima, & optima; agens scilicet, uti totius fabrica exigit: hinc, hoc respectu omnes alias, quantumvis ex se perfectiores, superat.

§. XXXI.

Sed an etiam diversæ *Naturæ* variis partibus in eodem homine possunt attribui? Quemadmodum HIPP. cuilibet fere singulari parti distinctam quasi *Naturam* assignasse videtur: ut membris (pag. 747.), vasis (pag. 6.), humoribus (pag. 16.), ossibus (pag. 1028.), nervis, carnibus, &c. (pag. 1191.)? Sane omnibus his, si seorsum spectentur sua singularis *Natura* merito adscribitur; sin autem considerantur ut partes concurrentes ad constitutionem totius, *Naturam* a toto distinctam non habent; una enim in uno homine tantum *Natura* inest; quæ, ut totum corpus, ita quaslibet ejus partes, sibi subjecta tenet.

DE



DE NATURÆ HUMANÆ PRODUCTIONE.

§. XXXII.

STUPENDAS *Naturæ* actiones, ut ubique, sic impri-
mis in generationis negotio admiramur ; de quo
sollicita admodum *Natura* 1º. omnes actiones cor-
poris ita dirigit, ut semen elaboretur, continens verum
stamen futuræ prolis, unde crescat simile ei, ex quo
depromitur : id de vegetabilium seminibus adserunt BOTANICI ; de humano, aliorumque animalium semi-
ne per microscopia demonstravit LEEUWENHOEKIUS : &
ut hoc modo in viris agit, ita in mulieribus non mi-
nus accurata est producendo ovo ; factoque conceptu,
apta subministrando adminicula, ut in perfectum infan-
tem excrescat embryo ; illumque etiam exclusum nu-
triendo, usque dum sibi ipse sufficiat : quibus apte con-
spirantibus, propagatio absolvi possit. Hæc *Naturæ* po-
testas certa, atque infallibili lege, nisi aliunde impe-
diatur, agens, homini, ut plurimæ, si non omnes naturæ
actiones, imperscrutabilis penitus habenda videtur, effectu
tamen certissime observanda. Quæ ne langueret, Sti-
mulum 2º. indit, quo desiderant speciei suæ æternisationem
(MAURICEAU pag. 75.) ; hinc nunquam ex se destruen-
dæ. 3º. Disponit (HIPP. pag. 916.), si ita loqui liceat,
ex idea quadam sibi a Creatore indita, ad usus suos
aptissime singula ; quin & jam Disponit, ex quadam
quasi providentia, ea, quæ usui nondum sunt, sed erunt,
ut pulmones ex. gr. in fœtu, &c.

* Hæc Metaphorice intelligenda sunt. Circumspectus
sermo ultro quidem cautelam innuit. Non inutile ta-
men fuerit, rem hanc aliquanto distinctius explicare.

Repugnat certe , stricte loquendo , ut *Natura* , simplex *Attributum* (§o. XIV.) , ideas , & providentiam possideat . Quæ igitur sano sensu ita accipienda erunt . Jusfit Deus , ut *Natura* juxta divinam suam ideam ageret ; quæ certe divina idea providentiâ non caruit . Sufficit mandatum hoc ; & licet cœco plane impetu *Natura* agat , agit tamen , quæ Creator præscripserat . Et hæc vera in creaturis omnibus agendi ratio . *Divina Mens* , uti pulcherrime **HIPPocrates** loquitur , edocuit sua opera imitari cognoscentes quæ faciunt , & ignorantes quæ imitantur (pag. 344.) *Viri ex. gr.* cum muliere congressus facit , ut ex re manifestâ obscura cognoscatur , quod sic puer futurus est (pag. 345.) Commeant & transmoventur illa huc , & hec illuc ; - - - & quæ quidem faciunt , ne sciunt , quæ vero faciunt scire videntur , & quæ quidem vident non cognoscunt . Et tamen his omnia necessitate divina contingunt , & quæ volunt , & quæ nolunt (pag. 342.) Idem aliis , quæ in sequentibus occurrent , levioribus hyperbolis applicandum .

§. XXXIII.

Ex §. XXXII. no. 1. colligitur , *Naturam* , ut omnium aliorum , sic & humanam fixam esse in propagatione suæ speciei : nunquam enim homo , nisi ex hominibus producitur ; sic & quæcumque vel minima insecta suæ speciei simile procreant , nec unquam nisi a similibus progignuntur . ex sententia FRANC. REDI , multis ab eodem experimentis superstructa (in Litt. ad ill. *Virum CAROL. DATUM*) ; cui subscripsit SWAMMERDAMMIUS (in Hist. Insect. gen. p. 91.) Vana ergo sunt quæcumque hinc poëtæ , & vulgus fabulantur . Nec refragatur huic sententiæ magni VERULAMII (in Sylva Sylv. p. 363.) aliorumque , qui in contraria opinione versantur auctoritas ; quoniam hi ante pleniores supra dictorum cognitionem scripserunt ; indies autem increscunt scientiæ .

§. XXXIV.

Minime etiam adversantur his *Monstra* , alienam quasi *Naturam* referentia ; etenim monstrum , ex.gr. ex homi-

minibus genitum , nunquam aliam , quam *Humanam* , *Naturam* possidere certum videtur ; nec aliud esse , quo monstrum tale a legitime facto foetu differat præter solam formam externam : quod satis ex LICETI Tract. de Monstris , imprimis cap. i. potest intelligi . *Naturæ* ergo & hæc gaudent vere *Humanæ* . Si enim forma externa quidquam ad *Naturam* ficeret , sæpe alterius *Naturæ* animalia produxisset homo (exempla sunt in eodem Tractatu) : id vero impossibile , nisi determinatum huc requisitum semen in humano corpore generatum fuerit : quod toti *Naturæ* , & structuræ corporis humani absolute repugnat . Neque semen humanum in alienam *Naturam* permutandi potestas gravidæ videtur inesse : nam & hæc gaudet generatione similis , & tota ad id comparata est .

§. XXXV.

Videtur autem *Natura Hum.* ex parentibus in filios derivari , inditâ primis hominibus a Conditore , simul cum *Natura* , potentia generandi sibi simile , hinc *Naturam* suam communicandi producendis filiis , quibus & eadem impressa potestas in ultimos usque nepotes protrahatur . Nisi quis existimet Deum , ad parentum indolem , *Naturam* hanc singulis individuis de novo quasi infundere . Sed hæc ad nostrum forum vix pertinent ; itaque supercedebo .

§. XXXVI.

Saltem id , quod producitur , semper *Naturam* sui producerentis exhibit : sicque immobili ordine , & stabili lege , similis species continuat per similia *Naturæ* individua .

§. XXXVII.

Nec tamen ex patre tantum , vel sola etiam matre , *Naturam* hanc in filios descendere statuendum videtur , sed ex utrisque simul : quod ex aliorum animalium promiscuo coitu satis evidenter discimus : sic ex *Equa* , & *asino* , nunquam equus , aut asinus nascitur ;

20

*Sed communicans ex utraque natura monstrum, mulus
(MAURICEAU p. 64., HARVÆUS in Exercit. de Gener.
Animal. p. mihi 270.) Ad hoc videtur allusisse OVI-
DIUS, cum de gemellis, ex ORYTHIA & AQUILONE
natis, dicit:*

*- - - Partuque enixa gemellos,
CÆTERA QUI MÄTRIS, PENNAS GE-
NITORIS, HABEBANT.*

§. XXXVIII.


*Difficile apparet determinare, Quo tempore Natura
Hum. in generatione accedit. Attamen in ADAMO,
successive facto, aliquid hujusc rei adsequimur: Finxit
enim 10. Deus Corpus ejus de pulvere terræ: sed aberat
adhuc Natura Humana: postea Sufflavit in nares ejus
(GENES. cap. 2.): &, ex hoc, facto corpori adcesserunt
anima, natura, & vita: factusque est Homo vivens.*

§. XXXIX.

*Igitur ipso momento, quo anima copulatur corpori,
prodeunt simul Natura & vita. Accedit proinde Natura
Humana illo instanti, quo anima, quo vita: tria
enim hæc corpori superadveniunt simul, nec aliud alio,
nisi sola, ut loquuntur, Ratione, prius est. Hinc, si
quis valeat determinare tempus, quo accedit vel ani-
ma, vel vita, eodem opere demonstrabit, quo tempore
accedit Natura.*



DE



DE NATURÆ HUMANÆ STABILITATE.

§. XL.

Communicata semel *Natura*, porro *inmutabilis*, *ne*
potens vel augeri, vel minui, adeoque indivisibilis, permanet omnino eadem in eodem *Homine ad mortem usque*.

§. XLI.

Inmutabilem Naturam esse, certum est: si enim mutaretur, non maneret idem, qui ante fuerat, homo; cum a *Natura* singulari singulare ejus *Eſſe* dependeat (§. XXV.) *Hominem interim eundem esse*, qui nunc moritur, & qui, ante tot annos, ex tali patre, in tali matre, conceptus fuerat, nemo non fatebitur. Adeoque in hunc usque diem singularis illius hominis *Natura* non mutata perſtitit.

§. XLII.

Unde ergo fit, rogabit quis, tantum in eodem etiam homine pro diversis temporibus, ſæpe differre actiones, ut magis distinctæ fint, ac in duobus individuis, prope ad ſe mutuo accendentibus, quorum tamen *Naturas*, maxime ex hoc distinctas diximus (§. XXVII.)? Respondeo: Dupli ratione spectari *Naturam* posſe (§. XXIV.); ſcilicet 1o. in ſe; & tunc certiffime *inmutabilis* eſt; manetque eadem ad mortem usque (§. XLI.); verum ſi 2o. conſideratur in ordine ad ſubiectum, quod

cupat, minime negaverim, *Naturam* mutari posse in eodem etiam homine: quin & hoc jam inde præmonui (§. XXV).

§. XLIII.

Illam autem mutationem corpori magis, ac *Naturæ*, attribuendam esse unusquisque, credo, agnoscit. Sic & ista actionum in eodem homine diversitas a corpore mutato tantum, ut videtur, pendet.

§. XLIV.

Hæc ut clarius intelligantur, considerandum est, *Naturam*, ex se, semper eadem ratione agere: omnis autem ejusdem actio imperare est; quod imperium exsequi, incumbit corpori, eidem subdito. Exsequitur vero datum præceptum corpus, varia ratione, prout ipsum varium est. Varietas ergo actionum, non a *Natura*, sed a varia corporis conditione nascitur; quæ conditionis diversitas non modo *Congenita* est in variis hominibus, sed & in eodem, imprimis per usum sex rerum, quas non naturales vocant, morbos, & ætatem, ut quotidie observari potest, pro variis temporibus, accedit; siveque *Acquisita* dici meretur. Corporis igitur conditio, in eodem etiam homine mutatur; hinc mirum non est, si & actiones varient.

§. XLV.

Sed regeret quispiam, observatum esse, morbos hæreditarios in ipsa, ut videtur, *Natura* radicatos, sanatos fuisse: quod neutquam, nisi mutata *Natura*, contingere potuerit. Verum morbi illi, non in ipsa *Natura*, sed in certa quadam corporis, partiumve ejus ratione, sedem habere longe probabilissimum est: hanc si quis corrigere valeat (quod difficile quidem, subinde tamen haud impossibile), vel saltem effectum prævertere, morbum illum vel curabit, vel avertet; nec interim *Natura*, sed corpus tantum mutabitur.

§. XLVI.

§. XLVI.

Manet ergo, quod adstruxi, *Naturam* nempe in eodem subjecto ex se immutabilem (§.XL. XLI.), omnem vero mutationem ipsi corpori attribuendam esse (§. XLIII.): neque, mutato hoc, ipsam *Naturam* mutari existimo, quamvis ea specie imponat, sed & tum sub aliena forma eandem persistere. Unde NABUCHODO-NOSOREM (alii NEBUCAD-NETZAREM legunt), potestate divina mutatum, ita ut *Herbam*, tanquam boves, comederit, & pili ejus, ut aquilarum plumæ creverint, & unguis ejus, ut avium (S. S. DANIEL. cap. 4.) vere adhuc *Humana Naturâ* præditum fuisse, certum videtur, solâ formâ extrinsecâ distinctum: quod etiam in sequentibus, SACRÆ LITTERÆ, ut apparet, satis evidenter innuunt.

§. XLVII.

Hanc ipsam OVIDII sententiam fuisse, passim ex ejus *Fabulis* docemur: sic ex. gr. ubi ACTÆONEM, in Cervum mutatum, adfert, in eo, ut alienam formam memorat, sic *Naturam Hum.* integrum perseverasse abunde significat, dum affectus, quales homini tantum insunt, eidem attribuit, *Mentemque pristinam remansisse*, aperte enuntiat. Idem quoque eleganter exprimit, ubi, ERISICHTONE annosam querum prosternente, ait:

*Editus e medio sonus est cum robore talis :
NYMPHA SUB HOC EGO SUM &c.*

Hinc idem in historia PROTHET optime notat :

Sæpe lapis poteras, Arbor quoque sæpe, VIDERI.

§. XLVIII.

Quin & hoc magis confirmatur ex eo, quod admodum probabile sit, eandem etiam *Naturæ constantiam omni creaturæ inesse*.

§. XLIX.

Sic in INSECTIS , quantumvis , formam corporis externam mutari , manifestum sit , *Naturam* tamen non mutatam persistere ratio suadet : nempe mutatum sic insectum nemo , credo , novam omnino creaturam esse afferet : solâ ergo formâ mutatâ , idem nunc est , quod ante fuerat , animal ; hinc & *Natura* manet eadem . Quod vero mutatum ita animal quasdam nunc actiones exerceat , quibus ante ineptum erat , id mutatae corporis fabricæ debetur , pro cujus varietate diversas , quas *Natura* exserit , actiones esse vidimus (§. XLIV.) : sic , enatis in quibusdam alis , aptum fit volando animal , uti ex. gr. ex bombyce factus papilio ; nec tamen magis exhinc , de *Natura* in hoc animali mutata , concludendum videtur , quam in DÆDALO & ICARO , cum , fabricatis arte alis , aëri se committerent : id autem nemo adstruet .

§. L.

Hinc dictus , mutato nomine , formaque , papilio , idem numero est , qui ante fuerat bombyx , *Natura* omnino eadem præditus , corpore tantum in nonnullis permutato , talibusque instructo adminiculis , quibus ad novas quasdam actiones sufficiat : quin imo mutationem hanc ipsa illius animalculi *Natura* postulat , totumque è comparatum est ; quum in eruca alas jam demonstraverit SWAMMERDAMMIUS , post demum in papilio ne expandendas ; qui , quod majus est , in nymphis , quin jam ante in vermiculis , omnes partes , omnia membra , futuri animalculi , æque distincte , ac post in ipso animalculo , conspici , universaliter pronuntiat (Hist. insect. Gener. Sect. impr. 2.)

§. LI.

Patet igitur , stricte loquendo , potius dicendum esse , perfici hoc tempore corpus ipsum , explicatis . quæ ante latuerant , partibus , quam corpus mutari ; adeoque nec *Naturam* , nec corpus proprie mutari in insectis ;

sed

sed eandem numero manere *Naturam*, corpus vero, juxta specificas singulorum *Naturas*, stato tempore, istis instrui adminiculis, quorum rudimenta, quamvis eo tempore inutilia (nisi in futuros usus), ante tamen jam adfuerant: hinc mirum non est, si corpus novis actionibus aptum fiat.

§. LII.

Non minus id (§. XLVIII.) VEGETABILIBUS competit: docent inoculationes, ubi duplicis *Naturæ* arbor artificiose jungitur, surculo alieno in datum truncum insito. Bina hæc excrescunt simul in unam, ut se offert, frondosam comam lætissime; sua nihilominus utriusque distincta manet *Natura*; fructum namque fert, quoad saporem, & alias quasdam accidentales dotes, emendatum quidem, non mutatam tamen *Naturam* evincit enim inclusio semine, ex quo, sato, nunquam medie *Naturæ* arbos enascitur, sed talis, quæ immotam adhibiti surculi *Naturam* omnino exprimat. Neque truncus ipse *Naturam* exuit, sed manet, qualis ante fuerat; nulla enim se offert ratio, qua mutatam quis suspicari possit: quin certum est, si excreta arbos rescindatur rursus sub loco, quo facta fuit insitio, prodituram inde, nisi moriatur, aliam, quæ non mutatam pariter trunci *Naturam* demonstret. Addę his experimentum §. LXXXIX.

§. LIII.

Hinc non immerito concluditur, *Naturam* in vegetabilibus, quamdiu hæc adhuc vivunt, vigentque, immutabilem esse. Nunc & aliud circa eadem videamus.

§. LIV.

Nonne manifesta fit *Naturæ* eorundem permutatio-
dum, post mortem (ut ita dicam), planta quæcumque,
ex se aceſcens, et reducitur, ut in alcalinum liqua-
men transeat (Vide Cl. BOERHAAVII Chem. Proc. 88.)?
Sane maxime distant a se invicem *Natura* aceſcentis
& al-

& alcalini ! dico tamen , *Naturam* horum neutquam permutari . Si quis velit , *Naturam* horum vegetabilium , acescentium nomine cognitorum , in ipsa illa acescentia positam esse , mutatur hic *Natura* , fateor ; fiunt enim alcalefcentia primo , ac deinde alcalina , minime vero in hac eorum *Natura* constituenda videtur , quum non sit nisi dos vegetabilium accidentalis ; quoniam adesse potest & abesse ; neque magis ad *Naturam* vegetabilium , acescentium dictorum , facit acescentia , quam alcalefcentia ; sunt namque indifferentia , ut , vel , sibi commissa , mutentur in acidum , unde acescentium nomen habent , vel , compressa , transeant in alcalinum : & utraque illa mutatio , in dictis conditionibus , æque secundum *Naturam* eorum fit , semperque , & inevitabiliter accidit . Unde , stricte loquendo , non dantur herbæ absolute acescentes ; sed , quæ vulgo hoc nomine insigniuntur , indifferentes sunt (ut diximus) , pro conditionum varietate , vel in acidum mutabiles , vel in alcalinum .

§. L V.

Ut dicta hæc (§. LII. LIII. LIV.) , nequaquam confundenda , clariori idea illustrentur , obiter notandum , me duplum posuisse *Naturam* vegetabilium ; primam , quæ , viventibus adhuc , *Esse* suum singulare , & agere tribuit ; hæc , una cum vita , recedit : aliam , quæ soli tantummodo corpori , partibusque , ex quibus construitur , adscribi debet ; ac , tum imprimis , leges statuit neutquam violandas : sic fœnum amisit *Naturam* gramine vigenti magis propriam , nec tamen omni *Natura* destituitur , sed suam etiam possidet , juxta quam determinatur , & agit . Idem , clariori exemplo , occurrit in homine , cuius cadaver , *Naturâ Humanâ* penitus destitutum , suâ tamen præditum deprehenditur , juxta quam grave est , impenetrabile , putrescens , & sic porro .

§. LVI.

Ex his facile intelligitur , quid de FOSSILIBUS sentiendum sit ? Nitrum ex. gr. *Sal est* saltem *Semifossile* (*Chem. Cl. BOERH. Tom. I. pag. 44.*) ; nihilominus per artem quasi vegetable efficitur (*Idem. Proc. 140.*) Neque tum , ut ex dictis (§. LIV.) patet , mutatur *Natura* nitri , at , quæ fit , mutatio qualitates tantum accidentales respicit , ipsumque nitrum eō ex sua *Natura* disponitur . Sed an vegetatio hæc ipsi quidem nitro adscribenda ? an non idem posset fieri , seminibus ex aëre ad ejus superficiem appositis , in determinatae suæ speciei plantulas excrescentibus (quod in aliis quibusdam pro certo habetur) ? Hoc sane si verum foret , eo magis de pristina nitri *Natura* convinceret .

§. LVII.

Ergo nec mutatur *Natura* corporum , quamvis id primo intuitu , ita appareat , per putrefactionem , fermentationem , attactum magnetis , destillationem , aliasque mutationes sive spontaneas , sive artificiales .

§. LVIII.

Quibus omnibus (a §o. XLI. huc usque) collectis , concludimus , *Naturam* , tam in fossilibus , vegetabilibusque , quam in insectis , atque homine (pro cuius confirmatione omnia reliqua tantum adtuli) , nullatenus permutari , sed inmutabilem esse .

§. LIX.

Erramus igitur , qui *Naturas* permutas credimus , ubi dotes ante vias vel non deprehendimus , vel novas observamus : quod judicium temerarium sit , docet aurum , in aqua regia solutum (*Chem. Cl. BOERH. Proc. 205.*) . Illud etenim , ad sensus nostros , sub forma liquida , nil fere , nisi colorem , de *Natura* sua superstes habet ; quin , si purissimum , transparet penitus ; nec *Naturam* modo mutasse , sed quasi in nihilum redactum

dactum esse , nisi dissuaderet ratio , sensus judicaret . Quum interim idem Naturâ , & omni dote , aurum , facili negotio , inde resurgat ; indicio , ut videtur , evidenti , tunc etiam Naturam omnino eandem persistere , cum ad sensus nostros maxime permutata , fallaci forma , apparere consuevit .

§. LX.

Altera pars §i. XL. erat , Naturam Hum. non posse vel augeri , vel minui , sed indivisibilem permanere , omnino eandem , in eodem homine , ad mortem usque . Una enim , eaque ad mortem usque immutabilis , Naturâ unicuique homini inest ; hinc nec potest augeri , nec minui , adeoque indivisibilis est ; ita ut hominem , post resectum ex. gr. crus , non minus , ac ante , hominem esse , aut ante magis , quam nunc , hominem fuisse , sed Naturam in utroque casu integerrimam perseverare , existimem . Sic multis partibus corporis destitui homo potest , Naturâ ejus nil quidquam imminuta , vel divisa ; dum a contrario etiam minime augeri potest . Utitur ergo Naturâ partibus corporis , ita , ut dum adsunt , suntque bene dispositæ , certas quasdam actiones per eas exerceat ; dum vero absunt , vel saltem ineptæ sunt , illas actiones non exerceat ; non quod ipsius imminuta potestas iis haud sufficiat ; sed quod ea , per quæ actio deberet fieri , deficiant . Naturâ igitur manet , qualis fuerat , æque ex se actuosa , sed aptis , ad operandum requisitis , instrumentis destituitur ; quæ , si usui adaptata restituuntur , mox resumit Naturâ vires , & , consueta olim methodo , pergit agere . Quæ res in medicis manifestissima est .

§. LXI.

Plurima eorum , quæ (a §o. XV. huc usque) dicta sunt , de anima , & vita , paucis mutatis , æquali jure prædicari posse , contemplanti sponte apparebit ; quod per transennam monendum videbatur . Quin & idem de variis , quæ in sequentibus occurrent , verum est .

DE NATURA HUMANA, CUSTODE CORPORIS.

§. LXII.

PLURIMIS, iisque inevitabilibus, injuriis expositum corpus facile & lœdi posset, & destrui, nisi sollicita *Natura* prospiceret. Sic, quoniam per actiones a vita inseparabiles, omni momento, necessario deterritur corpus, hinc, ut persistet, assiduam reparationem exigit, quæ non nisi heterogeneorum usū abiolvi potest, quam facile ex his insidiæ struerentur sanitati & vitæ, nisi attentissima, nec unquam sopia Natura, expositos, in orni puncto tam externo, quam interno corporis, vigiles, nervos nocta, mira eorundem sensilitate moneretur, si quid peregrini, quod nocere posset, adsit? Cujus rei mox ac certior facta est, omnem impedit operam, ut sinistrum illum effectum avertat (quod quomodo faciat, passim in sequentibus elucidabitur); nec quiescit, priusquam vel superet ipsa hominem, vel devicta cedat, destructâ simul vitâ.

§. LXIII.

Hac ratione cavet, ne quid mali ab INGESTIS corpori superveniat: quod nunc videamus. Si ingesta talia sunt, quæ, vi dati corporis, commode queant subigè in nutrimentum, aptis dotibus præditum, facile ea fert Natura, & hæc porro, requisitam mutationem passa, placide dimittit interiora versus. Sin vero mutari ita ingesta nequeant, sive ob nimiam copiam, sive ob suarum qualitatum pertinaciam, sive ob acrimoniam, aliasve, si quæ occurrunt, causas, non commode feruntur a Natura. Sed vel 10. Succumbit Natura, moriturque homo, uti ex. gr. distento nimiâ ingestorum copiâ, sic ut evacuari non possit, ventriculo; quod in casu, quem enar-

30

enarrat PLATERUS (*Obs. pag. 439.*) , factum videtur : nempe , non potest tunc *Natura* expedire rem , limitata ejus potentia ad rationem corporis , in quo agit . Vel 20. Languet *Natura* , non suo , sed viscerum , humorumve virtio , aut qualitatibus ingestorum nimis pertinacibus ; ita ut , quacunque ratione , subigendo vires non respondeant : tunc glutinosum , acidum , atque alcali , spontaneum generabitur . Gradus est ad præmissum (10.) ; tendit enim in mortem , nisi ars , si possit , succurrat . Vel 30. Excitata siti , allicit primum , dein cogit , ut assumantur liquida blandiora , & maxime , singulari acrimoniae , ut putridæ , rancidæve , &c. , opposita . Est autem dicta sitis eo major , quo magis dilutio requiritur , & contra . Sic diluit , temperatque ea , quæ nimia cæteroquin acrimonia nocuissent , ita ut jam non noceant : in quod idem collimat , copiose lachryma ex his locis per acrem stimulum sollicitata (*Conf. §. XCII.*) . Vel 40. vomitu , alvove eliminat .

§. LXIV.

Sic *Natura* (nisi , ut in 10. , & 20. casu succumbat , vel langueat) domat , aut expellit , quæ vi corporis subigi alioquin non poterant . Sic cavet , ne nocivi quid diu in primis viis hæreat . Atque ita h̄c *Prima* quasi *Inspectio* fit ; sed rudior tantum ; plurima enim hoc loco admittuntur , quæ respuuntur postea .

§. LXV.

Eorum vero , quæ ex primis viis jam subierunt venas , si tales dotes sint , ut aptum nutrimentum subministrare queant , satis facile reliquis humoribus permiscentur , & sine magno tumultu porro circumferuntur per corpus . Nunquam tamen adeo amica *Naturæ* sunt , quamvis aptissima nutrimento ingesta fuerint , & mutationes requisitæ perfectissime iis accesserint omnes , quin , pro eo , quod adhuc semper in se continent , heterogenei (non enim assimilatio his locis omnino absolvitur) , vigiles *Naturæ* , nervos , h̄c magis adhuc , ut

31

ut videtur, sensiles afficiat: unde ea, in sanissimis etiam aliquot post pastum horis, febriculam excitat majorem, minoremve pro varia allati chyli copia, & indole, maximum subigendo ulterius chylo remedium. Hac ratione nil alieni, quantumvis exiguum sit, insinuare sese in corpus potest, quod subterfugiat: sed mox *Natura* omnes impendit vires, nec desinit, nisi postquam omnino subegerit, edque, ut inquilinis omni dote similes sint, novos jam demum factos humores reduxerit: tuncque eos, ut sibi, & corpori amicos fert *Natura*, non prius.

§. LXVI.

Hæc interim (§o. LXV.) utut apta copia subministrata ad sanitatis & vitæ constantiam absolute requiruntur, attamen, si nimia accedunt copia, plethoram, plurimosque ejus, saepe lethales, effectus excitant. Nec tunc acquiescere *Naturam* existimandum est: variis enim viis expellit superfluum: docent menstrua, hæmorrhagiæ, &c. Hoc modo plethoram illam, cuius ortum præcavere vix poterat, nunc natam curat, avertitque sollicitissime omne, quod hinc imminebat, periculum.

§. LXVII.

Adeo, quæ mutabilia sunt, per excitatas vasorum viscerumque vires, & humorum, jam ante inquilinorum, admisionem, subiguntur, fiuntque tandem & ipsa similia inquilinis. Sic tutus evadit heterogeneorum usus; iisque, quod inevitabile est, intra venas admissis, præsto adfunt *Natura* media, quibus domet, & subigat. Unde *Natura* merito *Sanitatis Conservatrix* appellari meretur. Si vero dicta media insigniter debilitentur, cacochytiæ, cachexiæ, & omnismodi ex his sequentes morbi propullulant: quorum malorum causa non in *Natura* est, sed in ipso corpore ad *Natura* imperium non satis obsequioso, non satis valido; sive id solidorum, sive fluidorum vitio oriatur, vel quia nervi vigiles, male dispositi, *Naturam* aut non, aut languidius, quam par fuerat, ad agendum sollicitant.

§. LXIII.

§. LXVIII.

Vidimus (§o. LXIII. LXIV. LXV. LXVI. LXVII.), quomodo *Natura* agat in ingesta mutabilia. Sed si talia venas intrent, quæ in corpore immutabilia sunt, tunc hæc vel *VENENA* fiunt, vel *MEDICAMINA*. Utrumque ingressum, quantum potest, *Natura* conatur avertere. Etenim, si acria fuerint, sensibilissima vasculorum absorbentium oscula stimulant; quo ipso admonita *Natura* mox facit constringi hæc, sicque viam claudi, si autem nimis crassa, vel figuræ non satis accommodatae fuerint, moles impedit, quo minus penetrant. Non facile ergo hæc, & similia, venas subeunt; quod tamen aliquando contingere, plurima sunt, quæ confirmant. Quid tunc fit?

§. LXIX.

VENENO, forti satis, intra corpus admisso, succumbit *Natura*: in quantum venenum tale vel solida, vel fluida, vel utraque simul ita mutat, ut circulationi, adeoque & vitæ, inepta fiant: unde corpus jussis *Naturæ* exsequendis impos redditur. Neque interim cedit tunc *Natura* veneno ex se ipsa, sed summa passim conamina, motusque violentissimos, omni modo assidue permutatos, excitat; quibus, si robur corporis, ejusdemque fabrica id admitterent, veneno haud dubie liberaretur æger; sed limitatas vires superat veneni pertinacia, vel mutatum nimis corpus non obsequitur amplius *Naturæ* imperio. Unde frustra sunt omnes, quos *Natura* excitat, impetus; quorum tamen tanta saepe vehementia, ut magis hi, quam venena ipsa, mortem inferant.



§. LXX.

Usque adeo , pro conservanda vita , sollicita *Natura* est , ut tantos motus avertendo hosti intendat , qui , si & absolvi , & ferri possent a corpore , proposito haud dubie sufficerent : nunc autem moritur homo , vel quia non sufficit corpus , vel quia tantos impetus sine destructione sustinere nequit . Unde nec hac ex parte culpa in *Naturam* cadit .

§. LXXI.

Dicta (§. LXIX. & LXX.) non semper obtinent . Venena enim non raro etiam medicamentorum vices præstant : sic , sumpto veneno , haud aliud efficacius remedium est , ac venenum oppositum ; unde *Antidotum* dixerunt ANTIQUI , non ausi medicamentum dicere , quum per se æque perniciosum sit , ac illud , cui debellando serviat ; quod medicamentis non ita convenient . Sic etiam venena , minori dosi , medicamentorum usum habent , saltem plurima . Consuetudo venena quasi amica *Naturæ* efficit ; ita ut ea tandem assumere cogatur homo ; assumat autem , sine ulla noxa , copia subinde incredibili .

§. LXXII.

Alia , quæ immutabilia in corpore asseruimus (§. LXVIII.) , MEDICAMENTA sunt . Sic proprie appellantur talia , quæ non destruunt quidem , sed tamen tota *Naturæ* vi , quamvis per omnes actiones corporis conspirantes in ea agat , subigi omnino renunt : si enim subactio fieret , mutarentur potius , quam mutarent ; proprius igitur ad alimenta , quam ad medicamenta accederent . Medicamenta itaque , in quantum talia , semper in corpore heterogenea manent : sed talia *Natura* non patitur (§. LXII. LXV.) ; hinc motus majores excitat , eosque tamdiu protrahit , donec , quod subigere non potest , expulerit .

§. LXXIII.

Adeoque medicamenta effectus obtinent in corpore, non ut per se operantur, sed quatenus heterogenea sunt; *Naturæ* ergo operam incitant, eaque ratione per *Naturam* in se agentem corpus mutant. Pauca tamen sunt, quæ propria virtute, sine ullo *Naturæ* auxilio, agunt; hinc etiam *in cadavere*, eaque ac *in vivo*, operantur (HELMONT. pag. 476.). Sed an hæc quidem medicamenta vocari possunt? De igne saltem, & similibus, potius negandum videtur.

§. LXXIV.

Natura ergo est, quæ agit in morbis, medicamenta vero *Naturam* excitant, hæcque rursus in finem requisitum determinantur a Medico; qui, si talia exhibere medicamina, eaque ita dirigere noverit, ut inde *Natura* debellando apte malo par evadat, tunc demum ex arte curis præesse poterit.

§. LXXV.

Patet hinc medicamenta, potissimum interna, agere, quatenus in ea ipsa *Natura* agit, non desistens, priusquam hostem hunc finibus suis eliminaverit: omnia enim medicamenta tandem ejiciuntur e corpore, aut corpus destruunt; tuncque venena fiunt.

§. LXXVI.

Etenim medicamenta non adeo innocua sunt; sed veri veneni locum obire possunt; 1º. Si conspirent cum morbo; 2º. Si nimia dosi exhibeantur; 3º. Si longo tempore usurpentur. Duo priora satis constant. Tertium autem de scammonio ex. gr. observatum fuit; cuius exigua dosis, quotidie, & diu sumpta, tarde licet, certo tamen necare dicitur: ejusdem interim major longe copia, ubi requiritur, exhibita, egregium medicamentum suppeditat: nimia rursus nocet (ex 2º).

§. LXXVII.

§. LXXVII.

Hæc autem (a §o. LXXII. huc usque) medicamenta , proprie sic appellanda , respiciunt . Exulant hinc ea , quæ , quamvis per se alimenta sint , per accidentis tamen medicamenti vice fungi potius existimanda sunt , quam vera medicamenta fieri ; atque ea etiam , quæ , licet initio plus minusve corpus mutare possint , attamen denique mutantur ipsa , alimentis quasi & medicamentis media : nam , serius , ocyus , omnia hæc subiguntur in corpore ; quod medicamenta , stricte dicenda , absolute renuunt .

§. LXXVIII.

Satis nunc videtur actum de *Natura* , quo usque , quantum potest , defendit corpus , ne quid illi ab ingestis sinistri accidat . Eandem fere custodiam servat , ratione AËRIS : qui , cum probabilissime , quæ corpori tam externo , quam interno applicatur , quasdam particulas in corpus intromittat , maxime etiam eidem nocere alioquin potuisset . Sunt enim particulae illæ , prout quæ ab ingestis venas subeunt , heterogeneæ , & , ut videtur , vel viribus corporis mutabiles , vel minus . Hinc quoque , aërem , harum imprimis particularum causâ , nutrimentum , medicamentum , vel & venenum suppeditare posse non repugnat .

§. LXXIX.

Quædam proinde ingestorum , aërisque admittit , alia vero respuit *Natura* . Sic retinet , quæ prosunt , quæ nocent , eliminat , si possit : etenim non patitur quæcumque nociva esse queant : unde etiam illas , quæ , circumductorum humorum vi , detritæ sunt , solidorum , fluidorumque , nimis attenuatas , & jam acres quodammodo particulas variis viis exonerat . *Id enim , quod semel aspernata est , nunquam rursus in verum civem recipit Natura* (HELMONT . pag . 478 .) . Nec suffert , quod forte ex fomite quodam , intra corpusposito , procedit heterogeneum . *Unde liquet , Naturam cau-*

jam esse omnium excretionum sive naturalium dictarum, sive morbosarum, sive criticarum; febrium tam intermittentium, quam continuarum: nec alimenta, medicamenta, venena, paucis, ut diximus, exceptis, talia esse, nisi per Naturam. Quin & hinc Natura merito morborum forte omnium, paucis externis exclusis, & Causa dici posse videtur, & Medicatrix.

§. LXXX.

Post horum considerationem (a §. LXII. *huc usque*) non admodum sese commendat, LIBAVIO jam olim ex alio descripta (DOUGLAS *Bibliogr. Anatom. Specim.* pag. 208.), TRANSFUSIO. Ita enim aliena inquilinis prevalent, nec spes est subactionis ulla. Cautum, ut videtur, quam maxime fuit, ne magna heterogeneorum copia simul inquilinis humoribus misceretur: angustia vasculorum absorbentium, eorum debilitas, remoræ multiplices; depositio in unum, angustum, debilemque canalem thoracicum, hujus valvula quandoque una, quandoque duplex, ad subclaviam venam, sanguine contra premente, profecto docent, parum tantummodo admisceri simul. Sed quanta adhuc illius pars inquilinis debet! Transfusione autem quantopere ab hac norma receditur! Attamen dicet quis, transfusio videtur contingere, quamdiu infans utero materno includitur. Sed, si hoc fieri statuendum sit, quantum modus, quo perficitur, a supra dicto distat! Potius ergo legitimus sex rerum, non naturalium dictarum, usus, ac diaeta (VERULAM. *Hist. Vitæ & Mortis* pag. 29.), juventutem, longævitatemque adferent:

§. LXXXI.

Quemadmodum *Natura* in interioribus corporis non patitur *heterogenea*, sic & ea amovere nititur, dum *extrinsecus applicantur*. Docent id vesicatoria, sinapismi &c. His vero externis nisi acriora permista fuerint, nervis, pro minori ex hinc vitæ periculo, minus, ut videtur, sensilibus, vel vix, vel plane non agit *Natura*. Dum vero talia sunt, quæ multum nocere possent, præsto adest.

§. LXXXII.

§. LXXXII.

Multo minus fert ea, quæ immersa sunt corpori: festerum ex. gr. ligneam, aut simile quodcumque aliud. Sed quantæ hinc turbæ! Dolor, ardor, pulsatio, vera omni ratione inflammatio topica producitur: nec cessabunt hæc, priusquam alienum illud, vel arte eductum sit, vel suppuratione solutum exciderit. Hoc fundamento nituntur setacea, fonticuli, & si quæ similia.

§. LXXXIII.

Numquid horum symptomatum causa a figura corporum illorum potius deduci posset, quam quod ipsa *Naturæ* adeo inimica repugnant? Curatio ex. gr. herniæ, per punctum, ut vocant, aureum, legitimam hanc suspicionem suggerit: si nempe filum aureum sacco herniæ apte circumponatur, eoque deinde contorto, vulneris consolidatio tentetur, nunquam id absque fistula succedet: sed si annulus fit aureus, similis iis, qui aribus gestari solent, quantum potest, æquabilissimus undique, vulnus perfecte coire dicitur; ipso haud dubie annulo, intra sinulum circumquaque callosum, inclusio. Id saltem verum videtur, longe minus nervos a corporibus politis affici; hinc etiam *Naturam* multo languidius ad agendum sollicitari.

§. LXXXIV.

Agunt tamen insuper infixa talia, secundum qualitates suas, quibus alia magis, alia minus *Naturæ* inimica observantur. Sic dantur aliqua, in quæ vel non, vel vix adsurgit *Natura*: Globus plumbeus diu saepè, sine notabili malo, circumfertur; quod non figuræ adeo, ac qualitatibus plumbi videtur adscribendum; eo magis, quia tantum abest, ut in hoc (plumbum) *Natura* impetum exercere soleat, ut potius, ad ejus appositionem, jam ante suscepit, dimittat: unde in scirrhis, potissimum concrecentibus, tantum prodest! Sopit quasi in affectis partibus *Naturæ* impetum.

Quæ igitur figura, & qualitatibus suis non adeo ini-
mica sunt, ea facilius *Natura* fert; si quæ vero & fi-
gura, & qualitatibus peccaverint, in hæc violentissi-
me adsurgit; varia ubique vehementia, prout eadem
magis minusve obtinent.

§. LXXXVI.

Hinc sequitur, *Naturam* omnia aliena ab unione cum
corpore excludere. Si autem *Partes* ejusdem corporis
vel a nativitate, vel per vulnus dissociatæ sint, quas
cohærere oportuerat, eas in unionem admittit; dummo-
do crudæ adhuc, & cruentæ sint, vel per artem fiant,
ut in labio ex. gr. leporino. Sufficit Medico, si sepa-
ratorum modò appositionem curet, & ab injuriis exter-
nis nonnihil defendat; reliquum *Natura* absolvit.

§. LXXXVII.

Hæc concretio non partes modo, quas unitas esse de-
cet, nunc divisas, respicit: sed quæcumque *Partes*, in
statu etiam sano naturaliter disjunctæ, crudæ, si sibi in-
vicem molliter apprimantur, sicque aliquandiu hæreant,
concrescunt certissime. Patuit hoc exemplis plurimis,
ad digitos, labia, palpebras, &c.

§. LXXXVIII.

Quin & idem de diversis corporibus verum est: quod
inter causas *Monstri Excedentis LICETUS* retulit (*Tract.*
de Monstris cap. 20.), concretis, prægressa excoriatione,
infantibus, quacunque parte id acciderit.

§. LXXXIX.

*Num igitur aliena admitti possunt in unionem cum cor-
pore?* Talia sane possunt: verum unio hæc tantum su-
perficiaria est; non fit corporum, vel *Naturarum* per-
missio; sed hæc unicilibet singularia remanent; &
quam-

quamvis in quibusdam occasionibus aliqua ex uno in alium forte fiat humorum derivatio , hæc , quum parcasit , & per minima vascula fiat , nil mali adferet . Confirmatur hæc sententia analogice ex vegetantibus ; dum *Germina distinctarum arborum , lateribus arctissime constrictis , terræ imposita , in unum excrescunt stipitem , ex quo pullulant , imperfisis fructibus (VERULAM. Sylva Sylvar. p. 255. Conf. §. LII.)* . Ad crescere hinc potius , quam uniri dixeris .

§. XC.

Sed an *Partem , integre remotam , rursus concrescere cum corpore Natura patitur ? Negant quidam : id tamen admittitur , posse hoc fieri , si levissime modò etiamnum hæreat (SCHENCKIUS obs. 4. de Fraet. & Contus. Capitis). Suspicionem certe magnam injicit vegetantium inoculatio (§o. LII.) , quæ in his , resectum de quadam arbore surculum , trunco alieno implantatum , lète excrescere proculdubio demonstrat : hinc , quod majus est , aliena etiam , modò sana , nec nimium mutata fuerint , ex alio pristinam vitam , sanitatemque recipere . Sic formæ forte quidpiam , usui certe vel parum , vel nihil , servire posset Medicus .*

§. XC I.

Haec tenus explicatum fuit , quomodo *Natura omnem impendat operam , ut removeat quidquid inimicum deprehenditur : sed Alium adhuc intus hostem alit , ipsam scilicet circulationem sanguinis ; quæ , ut aliis de causis , amicissimam opem contribuit , ita tacite absumit corpus , hinc , nisi aliunde reficiatur , necessario destruendum .*

§. XC II.

Ergo cogeretur *Natura cedere ; sed stimulat , ut assumentur ea , quibus pro avertenda destructione opus habet . Fames proin , sitisque monent , quidnam sit , quod intrinsecus requiritur ; quæ quidem , ut primò leniter modò sollicitant , sic sensim magis magisque urgent , ac tandem , etiam invitum , cogunt , ut dum suppetunt adsumat .*

40

sumat. Fugientem LATONAM, pro aquæ haustu rusticos
precari, cogit sitis; nec propriis artibus parcit insatiabilis
ERISICHTON.

§. XCIII.

Paucis interim, iisque admodum simplicibus, conten-
ta *Natura* est. Exercitia attamen vehementiora plura
exigunt, & validiora; nam majus fit fluidorum, solidorumque
dispendium; hinc plus restituendum est, ut ma-
neat, quale fuerat, corpus, nempe sanum; validiora au-
tem requiruntur ob robur viscerum, & vasorum, mol-
lia, tenuiaque, ipso fere momento difflantum. Con-
suetudo eamdem legem ponit. Adsueta scilicet *Natura*
~~sic~~ sensim disposuit corpus, ut aptum sit, magnam ex-
gr. alimentorum copiam subigere; hinc tamdiu appe-
tit homo, donec requisita quantitas ingesta fuerit; quæ,
nisi subministretur, nimia mutatio inducitur iis, quæ
intra corpus adsunt; in quæ tunc omnes quasi actiones
convertuntur. Nocet igitur subita nimis consuetudinis
mutatio tam in sanis, quam ægrotantibus, sive co-
piam ingerendorum, sive qualitates respicias. Sic ætas,
sexus, robur, & similia, non minorem præmissis differen-
tiam adferunt.

§. XCIV.

Illa ergo diæta erit optima, quæ, quoad ingestorum
qualitates, robori, quoad copiam, dispendio facto, re-
pondeat. Cavendum, quantum potest, ne consuetudo
dominium occupet: assidua igitur variatio multum proderit.

DE NATURÆ HUMANÆ RECESSU IN MORTE.

§. XCV.

SOLIDA, fluidaque, corporis assidue renovando,
restituendoque in eundem statum, in quo ante
fuerant, repulsis, quæ nocere potuerant, omni-
bus, constantem sanitatem reddit *Natura*. Unde
ex

41

ex bona diæta æternitas quasi homini promittitur . Sed vita ipsa adeo sensim vasorum robur & resistentiam auget, ut tandem , impetu moventis cordis , dilatari amplius non satis possint : hinc obruitur cor , & mors fit pure senilis : ita ut inevitabili lege commune iter ingrediatur omnis caro . Neque hoc *Natura* , quantumvis ARGI instar quaquaversum prospiciat, valet avertere .

§. XC VI.

Dum moritur homo , uti simul accesserant (§.XXXIX.) *Anima* , *Natura* , & *Vita* , ita etiam recedunt simul . Recedit autem *Natura* , vitio , ut videtur , corporis , non amplius obsequiosi , ipsa , ex se , ad ultimum usque , æque actuosa . Languor igitur sensim auctus minime *Naturæ* adscribendus est , sed impedimentis in corpore genitis , quibus salutaris *Naturæ* impetus iners redditur .

§. XC VII.

Rari sunt , qui morte hac purè senili obeant : pluri ex suscepto morbo ante tempus pereunt : hinc imprimis alii citius , alii tardius moriuntur .

§. XC VIII.

Vix interim , nisi post summas anxietates , motusque , omni ratione permutatos , violentissimosque , homo perit . Nimirum nititur etiamnum *Natura* , si remove re possit vitæ hostem : in apoplexia tamen , summo senio , similibusque , placida mors vitam terminat : ratio , ut videtur , ex præmissis erui haud difficulter poterit .





DE NATURA HUMANA MEDICI MAGISTRA.

§. XCIX.

DI XIMUS (§o. LXXIX.), *Naturam omnium forte internorum, externorum plerorumque morborum causam esse*. Ut vero producit, sic & sanat; juxta illud Hipp. (pag. 1184.) ; *Morbis Naturæ medentur.*

§. C.

Morbos ergo producit Natura. Sed neutquam sponte sua : ex se enim talis est, ut actiones omnes, ex Creatoris mandato corpori impositas, uti semel cœpit, ita æquabilissime semper perficiat. Non igitur directe ex ipsa *Natura* morbus fit; sed quatenus ea, affectis in corpore nervis, irritatur, quacumque demum ratione id contingat. Tunc etenim statim *Natura* jubet, istos exerceri motus, quos, subigendo illi, quod afficit, vel expellendo, aptos plerumque esse observamus. Hoc jussum dum corpus promptissime exsequitur, aliæ, ac in sanitate solebant, actiones fiunt; laeduntur igitur; ergo & morbi prodeunt.

§. CI.

Medicatrix morborum Natura est. Nec tamen curat morbos, nisi quatenus per eosdem removet causam, cuius ratione morbum excitaverat. Morbi enim non videntur nisi *Naturæ instrumenta*, per quæ agit in illud peccans sive interne, sive externe applicatum;

quod

quod dum semper nocere adlaborat , sollicita *Natura* omnem intendit nervum , ut avertat id , quod hinc imminebat , periculi , sanitatemque restituat .

§. CII.

Quæ quidem morbis (si ita loqui fas est) *Primariis* fere tantum convenient ; cujusmodi sunt tussis , sternutatio , vomitus , alvi dejectio ; & , maxime notandæ , omnes febrium quarumcunque species ; quæ nihil aliud esse videntur , quam aucta , per *Naturæ* imperium , vitæ vis , magis , proportionaliter , minusve , supra consuetam elata , prout ipsum illud , cuius ratione fit , postulat . Unde omnes , a mitissima ephemera ad ardentissimam usque , pronascuntur .

§. CIII.

Hac ratione *Natura* conatur expellere tædiosum hospitem : sub quo nisi proancuntur fructus , & symptomata ; sopores , calores , frigora , dolores , vigiliae , inquietudines , debilitates , &c. (HELMONT . pag. 475 .). Quæ proinde non sunt nisi sequelæ nifus illius , quem *Natura* efficit , ad hunc nifum , ex certa corporis , humorum , ac materiæ morbosæ constitutione genitæ , non ab ipsa cæterum *Natura* intentæ .

§. CIV.

Quod idem de omnibus fere aliis verum est , quæ , dum *Natura* scopum suum , ob easdem causas (§o. CIII.) assequi non potest , morbo *Primario* superveniunt . Ex. gr. Ingeritur ingens copia acris calefacientis cujuscunque ; hoc magna parte subit venas ; mox , nervis admodum stimulatis , monita *Natura* febrim excitat violentissimam , qua conatur nocivum illud expellere : hic ergo est intentus *Natura* scopus primarius : sed hoc non ita facile absolvitur , & quia nimis inimicum est quod incitat , & quia stimulata adeo vas astringuntur , atque ita expulsionem impediunt : accedit igitur inflammatio , morbus hac ratione *Secundarius* , quem *Natura* non intenderat .

§. CV.

§. C V.

Horum igitur (§o. C III. C IV.) , omniumque similium morborum causa dici *Natura* non meretur : nec tribui his possunt ea , quæ (§o. X C IX. C.) memoravimus , nisi remotius tantum : ea etiam , quæ §us. C I. exhibet , minus iisdem convenient . Non enim hi instrumenta *Naturæ* sunt , ut illi ; neque per hos unquam amovetur mali causa ; sed ex opposito novam quasi excitantem causam efficiunt , qua irritetur *Natura* , ut novos in horum curam morbos dirigat : quod sæpe felicissime exsequitur .

§. C VI.

Profecto , si quis morbos acutos examinet , videt clarissime , solam sæpe *Naturam* omne hinc punctionum absolvere . Resolutiones , crisesque id evincunt . Haud tamen negaverim , aliquando , & sæpe quidem , adhibita in ejusmodi casibus prudenter remedia *Naturam* insigniter juvare posse . In chronicis autem debilitas plerumque opem exigit , juxta *Naturæ* ductum adferendam . Externos , si impedimenta non nihil removeris , averterisque aëris injurias , *Natura* passim ad sanationem perducit , nisi ipsa eorum indoles curam omnem respuat .

§. C VII.

Natura ergo est , quæ operatur in morbis , & quæ morbos superat , sicque sanitatem restituit , subacto , vel expulso eo , quod nocuerat . Cui tamen negotio uti sæpe sibi sola sufficit , ita & deficit frequenter , corpore non satis conspirante , aut mali magnitudine nimia .

§. C VIII.

Hinc fit , 1o. *Naturam* quandoque sibi relinquendam esse . Scilicet , dum ex ipsa ejus actione prævidetur restituenda brevi sanitas . Ars medica ab eo , quod molestum est , liberat , & id , ex quo quis ægrotat , auferendo , sanitatem reddit . Idem & *Natura* , per se , facere novit

novit (HIPP. p. 345.). Præstat tunc , nihil agere Medicum , sed totum opus Naturæ committere : agendo , sæpe Naturæ impedimento sumus : præcipitando autem , ægros non raro in mala sæpe lethalia conjicimus . Id , hoc in casu , unicum forte incumbit Medico , ut diætæ , aërisque curam gerat , & eorum , quæ circa ægrum aguntur : sic totam rem sensim Natura expediet.

§. CIX.

2o. In aliis casibus deficiens Natura juvanda est : ubi agit quidem Natura , & optime agit , mali causam , per certas quasdam vel naturales , vel novas vias , amovere tentans ; sed ita , ut , corporis viribus , materiæ morbosæ respectu , debilioribus , sola haud sufficiat . Medici ergo tunc erit , datis remediis , in eumdem collimare terminum . Exempla in crisi , aliisque occurunt manifestissima .

§. CX.

3o. Sæpe temperanda est Naturæ agentis vehementia ; dum furit nimis . Quamvis enim Natura nunquam solito plus agat , quam requirit causa , quæ eandem in hos impetus concitaverat (§o. C. CII.) ; hinc , hoc respectu , nunquam agat nimis ; attamen , relative ad corpus , in quo operatur , nimis quandoque furere dicitur , dum tantâ motuum violentiâ insurget , ut ab hoc , vita incolumi , diu sustineri nequeant . Artis ergo est , actiones has eo reducere , ut & scopo Naturæ sufficient , & caveatur , ne destruant . Res in inflammatione , cui febris nimis valida comes est , deprehenditur : quo proinde casu , adlaborandum est , ut febris evadat mitior ; sicque procuretur materiæ resolutio , vel expulsio , lentior quidem quodammodo , ast multo tutior .

§. CXI.

4o. Si male agit , corrigenda . Hoc ex. gr. accidit , dum in acutis , per metastasin , materia morbosa moza , ab ignobilioribus ad nobiliores partes amandatur ; quæ ,

quæ , si a nobilioribus ad ignobiliores transfertur , laudatur *Naturæ* actio : hæc ergo , ex se , bona quidem est ; sed mala quandoque fit , ratione partium , in quas fortuito terminatur . Facile hinc patet , quid agendum sit : nempe , ubi , materiem , nondum satis coctam , moveri , atque ad viscera , vitæ potissimum magis necessaria , viam affectare , cognitis indicis constitit , mox omni adnitendum ope , ut inde avertatur versus ejusmodi partes , quibus minus vitæ periculum inferet.

§. CXII.

Contingit etiam 50. , *Naturæ actionem penitus destruendam esse* : ubi , actionem hanc necessario in perniciem ituram , prænovit Medicus . Hæc igitur actio , si futura , quantum potest , arceatur ; si præsens adsit , sopiatur in initio ; progressum malum vix ullam amplius medelam patitur . Sic scirrum removere sæpe molitur *Natura* ; sed hic , si parum modo confirmator , nequaquam cedit ; verum ad hunc *Naturæ* impetum exasperatur , fitque cancer , certo , ni ferrum integerime auferat , lethalis .

* *Natura* in prima creatione longe perfectior fuisse videtur , utpote ad immortalitatem comparata ; post peccatum autem , novo imperio , eamdem ad deteriorem conditionem restrixit ultor Deus , cum dixit ; *Morte morimini* . Ex novo hoc imperio , non mors solummodo videtur procedere , sed & quod *Natura* quandoque ipsa in quibusdam morbis ad demandatæ sibi machinæ destructionem ruat . Nunquam interim directe id intendit ; sed eventus ille ob morbi indolem accidit . Sic inflammatæ mamma non raro sanatur , simili plane *Naturæ* artificio , quo scirrhosa cancrescit , & lethalia deinde symptomata excitat : quæ igitur , non adeo ipsam *Naturæ* actionem , sed malignam morborum indolem arguunt . Lex & *Natura* , quibus omnia conficiuntur , non consentiunt . Legem siquidem ipsi sibi ipsis homines statuerunt , Naturam vero Dii . Quæ igitur homines statuerunt , ea nunquam eodem modo se habent sive recta , sive non recta sint . Quæ vero Dii statuerunt , ea semper recte habent

47

bent (Hipp. pag. 345.) NATURAM igitur , a Diis constitutam , EX SE IPSA , NUNQUAM NON RE-
CTE AGERE , *Hippocrates* voluit : quod sane ubique verissimum deprehendimus .

§. CXIII.

6o. Non raro requiritur , ut ars , efficacissimis mediis , sola quasi cogat malum . Sic , ingestis venenis , per antidota id perficitur ; maloque *Naturæ* viribus indomabili penitus adhibita , si fieri potest , Chirurgia ; calculus vesicæ urinariæ , concretus jam , & solidus , sphacelatio omnino artus , & similia haud aliter sanari poterunt .

§. CXIV.

Sic sive *Natura* sola , sive sola ars , ad normam *Naturæ* & rationis ordinata , sive utraque conspirans simul , sanat . Si his non cesserit malum , lethale erit .

§. CXV.

Colligimus ex dictis , Naturam sectandam esse Medicō , juvandamque si actionem ejus , comparatione similiūm , verisimiliter salutarem fore cognoverit . Sin vero finem ex hinc infāustum prævideat , actionem *Naturæ* ita mutare conetur , & regere , vel & ipse agere , ut effectus nascatur , qualem in simili casu , a *Natura* sola productum , pulchre cessisse constitit . Ab ipso igitur Magistræ *Naturæ* exemplo officium discet Medicus , quidquid agat : neque artem dominam *Naturæ* oportet esse , sed ancillam .

§. CXVI.

Prudens denique sit Medicus , ne facile , quasi male agenti , *Naturæ* renitatur , perturbeturve , dum insolita conspicit . Sed , si minus exacte agere existimet , succurrat caute . Turbare , quantum potest , semper caveat . Mira sane *Naturæ* perficit , quæ forte non assequimur . Suppressa ex. gr. menstrua quam diversis saepe viis ad stuporem eliminat ! Facta evacuatione , nil læsi supereft in cor-

corpo , omni tunc ratione sanissimo . Sua tamen periodo redibunt hæc omnia . Qui observatores relegit , ubique profecto incomprehensibilia *Naturæ* articia sum-
mopere admirabitur .

§. C X V I I.

Unde forte nimis dominari Medicus censendus est , dum in quibusdam morbis , observatos *Naturæ* instin-
ctus plane repudiat ; quum tamen , invito Medico , in-
gentem ejus , quod expetiverant , copiam adsumentes æ-
gri non raro sanati perhibeantur . Profecto videmus , *Nat-
uram* semper fere ea petere , quibus indiget : ubi acri-
monia , vel siccitas adest in corpore , sitim excitat ;
dum cibi requiruntur , famem facit ; laffum ad quietem ,
somnumque allicit , cogit ; ad frigus , calorem , frigus
vero calidis commendat . His itaque *Naturæ* stimulis
ignarum potius (quamdiu nescitur causa) , cum pru-
dentia tamen , obtemperare decet Medicum , quam se-
met omnino opponere , per experimenta convictum ,
laudabilem in brutis effectum nasci , dum hæc id , pro
morborum suorum cura , cæco impetu adhibent , quod
Natura ipsis suggerit , remedii .

E P I L O G U S.

Hæc sufficient . Protractior sermo forte moveret nau-
seam . Desino igitur : id tantum rogans , ut , si qua in
re Dissertatio hæcce defecerit , eandem B. L. amice sub-
stituat : Sin vero non arriserit , sciat , non omnes eadem
ratione cogitare : Si quæ denique , nimis forte generali-
ter posita , deprehenderit , non facile universale aliquid
sine ulla exceptione , in Medicis potissimum , adstrui
posse secum reputet . His sisus , quæ scripsi , qualiacum-
que fuerint , offero .

F I N I S.

